



BIBLIOTECA NAZ.

Vittorio Emanuele III

XXIII

D

19<sup>5</sup>  
OLI

24

Q

XXIII

D

19

III

Q

Q


1000/1

1

1000/1







XXIII D 19.

# DISSERTATIONES HISTORICÆ QUATUOR.

I. De Atheismo; five Historia Atheismi in quâ multi Scriptores Vetusi & Recentiores, impietatis falsò postulati, liberantur à turpi Atheismi stigmatè; alii verò qui de Supremo Numine sentire videntur minus rectè, corripuntur meritò.

II. De Papatu.

III. De Origine & Progressu Christianæ Religionis apud Britannos.

IV. De Regimine Ecclesiæ St. Gallensis in Helvetiâ.

Accedunt Epistolæ Selectæ, vel conscriptæ in usum Serenissimi GULIELMI ducis de Cumberland, agentis annum septimum.

---

Autore J. T. PHILIPPS.

---



L O N D I N I:  
Impensis G. MEADOWS, Bibliopolæ, in vico  
Cornhill. MDCCXXXV.





A D

# LECTOREM.



**T**A fuerunt omni tempore composita Eruditorum Ingenia, ut non modo *Alexandri Magni, Titi Vespasiani Cæsaris, sed & Neronis, Cæsaris Borgiae, & Alexandri sexti Romani Pontificis* Historiam evolvant diligenter, ut illos cognoscant homines, qui impio ausu, non amore virtutis, inclaruerunt, & ut eo magis sectentur pietatem & abhorreant à malo: quo certè consilio, istorum hominum ego composui Historiam, qui publicè de Regum Rege

A 2

omni-

iv *Ad* LECTOREM.

omnipotenti atque æterno DEO  
malè senferunt; quorum effata im-  
pia, si unquam valerent, omnem  
rerum humanarum ordinem inverte-  
rent, & ipsum mundum unâ com-  
muni strage sepelirent. Sed non  
est hujus Epistolæ (benevole lector)  
institutum, ingeminare bonorum  
omnium querelas, de hujusmodi  
hominibus supra sortem humanam  
sceleratis, sed apud me stat, pau-  
cissimis quam potero verbis, remo-  
vere scrupulos ex divinâ Providen-  
tiâ non ita benè intellectâ natos,  
qui omni ævo malè habuerunt mor-  
talium animos, multosque in tur-  
pissimæ impietatis detruferunt bara-  
thrum. Conturbantur enim, cum  
aliis argumentis, tum hoc præcipuè,  
quod in rebus humanis, multa vi-  
dentur secùs evenire, quàm ipsi di-  
vinæ sapientiæ ac bonitati convenire  
existiment. Si humanarum rerum,  
inquiunt, procurationem haberet  
DEUS, foret, ut bonis & piis &  
justi-

*Ad* L E C T O R E M. V

justitiæ cultoribus benè cederet,  
impiis & injustis malè. Quemad-  
modum scriptum reliquit Cicero.  
“ Debebant illi (Dii) quidem om-  
“ nes bonos efficere, si quidem ho-  
“ minum generi consulebant; sin-  
“ minus, bonis certè consulere de-  
“ bebant. Cur igitur duos *Scipio-*  
“ *nes* fortissimos & optimos viros  
“ in Hispaniâ Pœnus oppressit?  
“ Cur *Marcellum Annibal* intere-  
“ mit? Cur *Paulum* Cannæ sustu-  
“ lerunt? Cur Pœnorum crudelita-  
“ ti *Reguli* corpus est præbitum?  
“ Cur *Africanum* domestici pari-  
“ etes non texerunt? Sed hæc ve-  
“ tera & alia per multa, propiora  
“ videamus. Cur avunculus meus,  
“ vir innocentissimus in exilio est?  
“ Cur sodalis meus interfectus est  
“ domi suæ *Drusus*? Dies defi-  
“ ciat, si velim numerare, quibus  
“ bonis malè evenerit; nec minus,  
“ si commemorem quibus improbis  
“ optimè. Cur enim *Marius* tam  
“ feli-

# VI *Ad* LECTOREM.

“ feliciter septimùm Consul do-  
 “ mi suæ senex est mortuus? Cur  
 “ omnium crudelissimus tam diu  
 “ *Cinna* negavit? & multa ejus  
 “ generis alia. *lib. iii. de Naturâ*  
 “ *Deorum.*” Hujusmodi antiquo-  
 rum & recentiorum interrogatiun-  
 culis, responsiones sunt in promptu,  
 & rationes planè non contemnendæ,  
 ex optimis authoribus hic collectæ,  
 quæ & in tuam gratiam propo-  
 nendæ veniunt, quarum prima est,  
 ne, qui res magnas gerunt, propte-  
 rea inflentur ac superbiant, sed  
 submittant animos, memores imbe-  
 cillitatis suæ. Confirmatur hoc tes-  
 timonio *Davidis & Pauli*, quorum  
 ille bonum sibi fuisse ait, quod à  
 DEO depressus castigatusque sit,  
 seque ex eo magis illius justitiam  
 perspicere: hic autem cum usque  
 ad tertium cœlum raptus esset, ea-  
 que vidisset, quæ vix homini in  
 hac vitâ videre fas esset, ne prop-  
 terea sibi placeret, neve insolesce-



*Ad* L E C T O R E M. VII

ret, additum sibi esse ait Angelum Satanæ, à quo quasi colophis cæderetur. Altera ratio, ne cæteri mortales in errorem trahantur, & de præstantibus viris, non ut de hominibus, sed ut de Deis quibusdam existiment: à cujus erroris periculo liberantur, cum illos magnos & egregios viros multa perpeti vident, quæ illos non Deos, sed homines esse declarant. Tertia est ratio, ut potestas D E I magis elucescat, qui per homines imbecilles, morbis obnoxios, egentes, carceribus & ergastulis clausos, ea faciunt quæ omnium hominum expectationem longè superant. Insuper bonis viris omnia si prosperè succederent, si colerentur ac suspicerentur à cæteris, existimaret vulgus, eos pietatem colere, non suapte sponte, sed illâ quasi mercede allecctos & invitatos, quemadmodum dicebat DEO, perpetuus ille humani generis hostis, *Non gratis te colit Job.*  
Porro

## viii *Ad* LECTOREM.

Porro res adversæ id efficiunt, ut homines tanto certius atque exploratius habeant, non omnia morte terminari, sed superesse aliam vitam, in quâ præmium tribuatur justis, & ab improbis exigatur pœna: & quo plura acerba patiuntur boni, quo plures difficultates superant, quo dimicant acrius, eo majoribus laureolis ornabuntur in perpetuum. Hisce paucis, iisque simplicibus rationibus ritè pensitatis, evanescunt in auram omnes adversus DEI providentiam cavillationes, quæ non sanæ rationi sed inordinatis animi affectibus (amori sui ipsius cumpri-  
mis) originem suam acceptam referunt. Vale.

DIA-





D I A T R I B E  
H I S T O R I C A  
D E  
A T H E I S M O.  
S I V E,  
H I S T O R I A A T H E I S M I.

---

C A P U T I.

§. I. **M**IRE<sup>1</sup> placuit Viris doctis omni tempore ea ratio Controversias tractandi, quæ iis subjungit earum Historiam, quippe quæ plurimùm commodi secum ferre creditur. Videmus enim Scriptorum indolem, vivendi modum, conditionem atque captum illius temporis, quo vixerunt; quales denique habuerunt Adversarios, aliasque circumstantias, quæ  
B simul

simul ignorantiam Lectoris, & omne tædium & animi lassitudinem tollunt. Inde est, quod illi libri, qui de ortu & progressu alicujus Sectæ vel Hæreseos agunt, semper in magno pretio sunt habiti: Pelagianismi putà à G. J. Vossio conscriptus liber, vel hujus generis alii multo recentiores, ex. gr. Arminianismus, Jansenismus, Quakerismus & Quietismus, habuerunt suos singuli Historiographos. Ideoque nemo, quemadmodum spero, mihi vitio vertet, si Hæreseos maxime omnium detestandæ historiam diligenter pro viribus contexam.

§. II. Sed ab initio est ordiendum, ut demonstremus, & rationibus, & auctoritate Eruditorum, reverà dari posse tales homines, qui sibi persuadeant nullum esse supremum Numen, (vel, ut cum Theologis loquar,) dari Atheos Speculativos, contra sententiam vulgò receptam, quæ asserit, nullum posse dari Atheum, propriè ita dictum, quia hæc propositio *Deus est*, cordibus hominum inscripta, quæ quidem, ut in Atheis practicis, sepeliri, sed nullo pacto deleri possit. Quòd si verò Theologi benè attenderent, doctrinam de *Ideis innatis*, neque sanæ Rationi, neque Experientiæ, neque Revelationi esse innixam; non esset, quod ità metuerent concedere, Atheos Speculativos aliquando posse dari. Innititur potius hæc doctrina de *Ideis innatis* Platoniorum decretis, statuentium, æternas

nas esse animas, & nihil nos addiscere de novo, sed reminisci. Matthæus Palmerius Italus, non multum abhorrui à sententiâ Platonis, cùm statueret, animas esse Angelos, qui neque ad bonum, neque ad malum sese determinare voluerint, quamobrem Deus amandaverit eas in corpora, ut aut bono aut malo sese traderent. Si qua sint hujusmodi principia innata, in infantibus, utpote nullo vitio acquisito aut præjudicio infectis, maximè vigere debent; sed hic contrarium videmus. Infantes enim per aliquot continuos menses, præter sensum doloris atque voluptatis, caloris atque frigoris, vel ejus generis perceptiones alias, paucissimas existimantur possidere ideas; posthæc verò, cùm organa magis sunt firma, versando cum multiplicis generis objectis, diuturnitate temporis, infinitis ferè rerum ideis locupletant animum, atque ex his ratiocinando, formant sibi qualemcunque Dei ideam. Sed nè quando Lector hisce ratiocinationibus meis parùm videatur contentus, Johannis Lockii de *Intellectu Humano* librum consulat velim. Modum acquirendi rerum humanarum atque divinarum Ideas eundem esse, necesse est concedas, nisi fortè duplicem intelligendi facultatem incongruè affirmaveris, unam ad res naturales, alteram ad res divinas intelligendas, quæ hætenus affirmare sustinuit nemo, cùm contrarium abundè pateat vel ex hac unâ consideratione, quod nomina qui-

#### 4 *Historia* ATHEISMI.

bus Deus & ejus attributa significantur, desumpta sunt à rebus creatis, & removen-  
do quicquid sit imperfectionis, & retinen-  
do omnes perfectiones. Ex. gr. Vocamus *DEUM Spiritum*, quæ vox latinè, græcè  
atque hebraicè denotat etiam *Ventum*,  
aërem subtilissimum, cujus proprietates,  
invisibilitas, velocitas, commodissimè Deo  
possunt tribui; unde liquet opus esse ut  
priùs cognoscam quid sit *Ventus*. Novi  
Deum esse *Ens* cogitans, sapiens & bonum,  
sed hæc omnia desumpta sunt ab humanâ  
mente, & ejus actionibus; idem dictum pu-  
ta de aliis multis Dei attributis, atque ap-  
pellationibus.

§. III. Docet, fateor, Apostolus, *Rom.*  
ii. 15. esse naturalem notitiam Dei, quæ  
comparari, & cordibus inscribi possit, con-  
templando opera creationis, ut inde facilè  
deleri nequeat; non verò quòd ante ullam  
contemplationem talis fuisset inscriptio,  
quod satis patet ex *capite* primo, *vers.* 20.  
*Invisibilia Dei jam inde à condito mundo,*  
*ex iis quæ fecit, mente perpensa pervidentur,*  
*æterna videlicet ejus tum potentia, tum Di-*  
*vinitas.* Neque hilum valebit dicere, Pau-  
lum in secundo Capite loqui de *Notitiâ*  
*Innatâ*, in primo autem de *Acquisitâ*, cùm  
ex contextu videre sit, discursum esse conti-  
num & scopum eundem, neque Aposto-  
lum credo fuisse ita Metaphisicis verbis ad-  
dictum. His ritè consideratis, non est quod  
affir-

affirmare dubitemus, subinde inveniri talia hominum monstra, quæ etiam si vespertilionum instar, interdum coram, minimè compareant, nihilominus in tenebris securè circumvolitant. Sed quid multis, eo impietatis à nonnullis ventum est, ut verbis, scriptis, atque vitæ institutis, certiora signa dant se nullum credere Deum esse, quam multi, qui probi & religiosi haberi volunt, dant, se credere existere divinum numen.

§. IV Sed ne cui parùm probentur argumenta, vocabo in partes Viros Eruditissimos. Clariss. *Tronchinus* in notis suis ad *Systema Theologicum* minus *Wendelini* Manuscriptis, disertis Verbis talia tradidit, *Credimus dari Atheos corde & conscientiâ, nempe quando induraverunt corda, ed possunt devenire per frequentes repetitiones malarum cogitationum.* Insuper alius auctor recens: *Sunt equidem, qui dubitant, an omninò detur Atheus Theoreticus? sed experientiæ ipsi repugnare videntur. Etsi enim, insita ista de Deo notitia vix à quoquam mortalium ita suppressi possit, ut non subinde conscientie morsus sentiant, & veritatis vis vel illis invitis erumpat; fieri tamen potest, ut per summam animi malitiam quadantenus eandem reprimant, & hinc sibi persuadent, non esse Deum, idque verbis pariter ac factis testantur.* Neque video quid obstat כללי in corde suo, Psal. 14. ita explicare, ut significat  
insignem

*insignem stultorum inscitiam*: qui eò impietatis pervenerunt, ut aufint *toto corde credere, nullum esse Deum*. Sed quid opus est pluribus, res ipsa, proh dolor! se aperit, tristissimis his temporibus, cùm scelerata progenies non eo est contenta, in aulas principum, castra militum, & procerum ædes jamdudum irrepisse, nisi in domus civium, officinas artificum, & tantùm non in Colonorum Tuguria, ulteriùs serpat, & omnia in urbe & ruri pestiferâ lue inficiat & corrumpat. Si quis iterum objecerit, nullum unquam fuisse qui ad supremum usque diem scienter volenter perstiterit Atheus, quin appropinquante morte, pessimum quemque ad se redire & summum aliquod Numen, nolentem volentem agnoscere: quicquid sit hujus rei, non multùm laboro (etiã si difficile forsan esset probatu, quia cor hominis fallax atque impervestigabile) sufficit meo scopo dicere, Atheismum aliasque Hæreses neque diuturnitate neque brevitate temporis mensurandas, atque uti non immeritò vocamus eos Socinianos, qui per aliquot annos vel menses pugnant contra Divinitatem nostri Redemptoris, non secùs ac si hoc fecissent per totam vitam; idem dictum puta de Atheismo.



CAPUT II.

§. I. **H**ÆC si tam vera sint quàm quæ verissima, horresco quidem referens, operæ pretium duxi, præcipuas hic Atheismi causas proponere. Imprimis hic existimo culpandam esse vanissimam quorundum de *Fato* sententiam, quæ per aliquot mille annos mortalium animos magnoperè molestavit, utpote sustinens, ab omni æternitate omnia ita destinata fuisse, ut nullis consiliis vel auxiliis, id quod est in fatis evitemus, vel mutemus; imò nec concilio prudenti, nec remedio sagaci, fatalem dispositionem subverti vel reformari posse. Stoici fatalem causarum concatenationem posuerunt, cui & ipse Jupiter obnoxius, secundum dictum *Senecæ*: *Eadem necessitas & Deos ligat atque homines, irrevocabilis Divina pariter atque humana cursus rapit.* Hinc incongrui, informes & tristes de DEO conceptus, qui hominem captiosum atque curiosum facilè in Atheismum detru- dent, vel in Fatum physicum, quod omnia fieri necessariò statuit, per concursum atomorum. Nos Christiani, qui meliora novimus, diligenter quoad possumus, fugiamus hujusmodi Philosophorum quæstiones, quæ rixas generant maximas, & parùm vel nihil ædificant. Quod facilè est factu, si semper cum Scripturâ loquamur,tribuendo omne bonum DEO, & omne malum nostræ

stræ voluntati. Operationem divinam, quod attinet in nostras voluntates, sufficit dicere, nequaquam esse vim, neque tantum esse suasionem, sed summam efficaciam, quâ tollitur prava voluntatis dispositio. Viri prudentis est, nihil supra vires suscipere, & si quæ sint quæstiones, quæ captum nostrum videntur transcendere, eas planè detrectare, aut modestè admodum de iis disputare, quia in hisce disputationibus docti atque indocti sunt pares, quia æquè infelicitè disputant.

§. II. Adde hoc summam Parentum, atque Præceptorum incuriam, quâ negligitur præcipuus Religionis articulus coli & juventuti inculcari, ita ut passim invenias viros ætate graves, articulorum qui respiciunt mysteria fidei Christianæ, apprimè gnaros, cujuscunque officii civilis & religiosi mirè peritos, quòd si eos tamen rogaveris, ut dignentur argumenta aliqua proponere, quibus probetur DEI Existentia & animæ Immortalitas, planè obstupescunt subito, ceu fulgure aliquo afflati & percussi, ut nihil habeant (nisi fortè maledicta) quod reponant. Unde quæso tanta stupiditas & ignorantia? nisi inde quòd volumus haberi Christiani non vulgares, cùm interea officia hominis plerumque nos lateant. Favere quidem stupiditati Aristotelici, asserentes, cum negantibus principia non verbis sed verberibus esse disputandum. Longè melius de re Christianâ merentur Viri egregii

egregii nostri temporis, qui de industriâ Theologiæ Naturali excolendæ operam non inutilem locârunt, quo conatu nihil efficacius esse possit ad sistendum Atheismi cursum. Utinam omnes, qui Catecheticas institutiones in usum juventutis Christianæ scribendas suscipiunt, hoc seriò secum reputarent, hoc enim si facerent, non tam levi brachio, vel ut fieri solet, intactis fundamentis religionis naturalis, ad alias quæstiones difficiliore properarent. Conandum est potiùs in primo limine demonstrare differentiam inter Spiritum & Corpus, quæ captum juvenilem neutiquam superat, modò perspicuitati studeamus: & hac unâ differentiâ ritè explicatâ & perceptâ, impossibile videtur, ut quis fiat Atheus.

§. III. Inter primarias Atheismi causas, ponenda est superstitio, quæ à Græcis *δυσειδαιμονία* nominatur, id est, servilis timor DEI, qui etiamsi de Existentiâ DEI non dubitat, tristem tamen & noxium esse credit, et talem DEUM truculentum, & minimè benignum, nemo equidem secretò dubitabit carpere, & planè negare (si existit) illum debere ex jure diutiùs existere. Quocircà quid mirum, memoriæ traditum esse nonnullos antiquos philosophos ad purum putum Atheismum, inter Athenienses potissimùm lapsos fuisse. Nam nulla unquam respublica quicquam tetrius, aut magis ab omni sapientiâ atque pietate alienum,

num, publicis legibus sancivit de religione, quàm populus Atheniensis. Sed probè distinguendum inter superstitionem inconditasque hominum inventiones ad vulgus innocuum circumveniendum compositas, & verum DEI cultum.

§. IV. Neque tacenda est detestanda illa animi subergia fastusque, quo plus nimio tribuimus nostro ingenio, Solis æterni radios divinarumque perfectionum profunditates, luscis oculis contemplari, & stolidè, lineâ heu nimis brevi, tentare volumus: ex hoc animorum fastu & elatione provenit tantus sacrarum literarum contemptus, nova mundi systemata *Mosaico* ex diametro opposita, unde si credere fas est, etiam novi orbes provenient. Et quamvis omni contentionis genere, ad debellandam istam animi curiositatem & impotentiam urgeat nos sana ratio, & purior doctrina, nihilo-feciùs insistent suis ceptis, donec tandem, permittente irato DEO, tantoperè obdurentur corda, obducto callo, ut nihil amplius credere velint, nisi allatâ demonstratione mathematicâ: hinc Prophetarum & Apostolorum scripta, pro farragine variorum tractatuum, à variis proprio motu conscriptorum existimantur. Hæc sanè causa, inquit *Spizelius*, in Scrutinio Atheismi, cur *Petrus Bembus ad Sadoletum veniens, eumque in enarratione loci alicujus Biblici occupatum deprehendens, illud eructavit:*  
omitte

*omitte has nugas, non decent gravem virum tales ineptiæ.* Et *Lazarus Bonamicus*, blasphemio fastu dicere non erubuit, se odas pindaricas Psalmis Davidicis præferre. His adde *Angelum Politianum*, qui roganti, *an Biblia legeret?* cum fastidio respondisse dicitur, *semel perlegi librum illum, & tempus nunquam pejus locavi.* Sed antequàm ad alia transeamus, infami stigmate notandi sunt illi, qui sub prætextu Atheismi expugnandi, eum intereà firmant & stabiliunt reverà, infirmando antiquorum argumenta valida, & omnibus obvia, & loco horum substituendo rationes metaphysicas & subtiles, quæ captum vulgarem transcendunt, & superant; hinc antiquorum contemptus, novorum atque difficiliorum inordinata desideria: quæ argumenta nova, cùm discutienda veniunt & æquâ lance ponderanda, evanescunt in auram, leviora vento; et veteranis argumentis antea rejectis, mens humana fluctuat & vacillat, Atheis seriùs citiùs in prædam cessura. Insuper viri docti & aliàs pii, qui scribunt contra Atheos, sæpè sæpiùs argumenta hauriunt solummodò ex Sacra Scriptura, quâ sane methodo nihil infelicius, aut tristius esse potest, quia allegando Sacras Scripturas, supponimus DEUM existere, à quo illas emanâsse credimus. Quòd si cum Atheo tibi fuerit conflegendum, incumbit tibi hanc propositionem, *DEUS est*, aliasque multas veritates probare, alioquin frustra planè alle-

C 2

gaveris

gaveris Scripturas; imò Atheum magis atque magis in opinione suâ firmaveris; quemadmodum si cum Judæo vel Turcâ disputandum, necesse est habeamus principia communia, & ab utrâque parte concessa, ut suo gladio jugulemus adversarium. Ex Scripturæ Sacræ indole, ex sublimitate puta rerum contentarum, ex consensu partium, aliisque ejus attributis argumentari licet; non secus ac ex mirandâ naturæ partium consensione, &c. Propter subtilitatem suam nimiam fuere plures, qui improbârunt methodum *Cartesianam*; & *Spi- zeli*us, in *Scrutinio Causarum Atheismi*, eam perquàm acerbè tractat & minimè comiter; *Cum enim*, inquit, *(inter Gallos educatus) Mercurium Gallicum profundè biberit, & latentè sua philosophemata per Belgium disseminârit, hætenusque unanimos, etiam armârit in prælia fratres; subiit quorundam mentes, num ingenuè, an per insidias philosopharetur; imò apertè quidem novam istam Methodum examinando, Cartesium cum Julio Cæsare Vanino, Atheorum aquilâ, comparare ausi, & potius calcem & lateres ad Atheismi muros erigendos, quàm subvertendos subministrâsse opinati sunt.* Fateor, hac in parte Cartesium à multis corripì, & inter alios à *R. Cudworthio*, in suo *Systemate intellectuâli*, qui eum affirmat DEUM otiosum & inertem ponere; & alius Scriptor Anglus anonymus, qui scripsit doctissimè contra præexistentiam animarum, vocat

*Carte-*

*Cartesium* crudelissimum, & truculentissimum lanionem, cùm non aliquas hecatombas tantùm, sed brutorum species integra suo philosophico mactaret, ut eum alacrius doceret *Artem Mechanicam*. Hinc multi sibi timuerunt, nè forsan, & ejus discipuli *Animas humanas* haud magis comiter, vel benigniùs tractarent. Sed quicquid sit de ejus *Metaphysicâ*, in *Physicis* eum multò præstitisse, à paucis negabitur; neque vellem temerè tantum virum infimulare Atheismi, qui tam clarè ac distinctè *Materiæ* atque *Spiritûs naturam* atque *indolem* explicuit, & à se invicem tam accuratè distinxit; quantum ad multa alia ejus argumenta, valeant quantum valere possunt.

§. V. Huc accedunt Theologorum digladiationes et animorum acerbitas, de articulis etiam non rarò, qui neque bonos mores respiciunt, neque vitam æternam; attamen si quis à receptis systematibus discesserit vel latum unguem, vix homini! de omni spe amicitiae conclamatum est, et in Papatu, pro hæretico habendus, et vivicomburio, ni palinodiam cecinerit quanto citius puniendus: qui procedendi modus, procul omni dubio, spectantium animos tepore aliquo, vel potius odio, adversus omnem religionem imbuunt. Neque omninò hac in parte excusandi sunt Protestantes, qui nescio quo malo fato, etiamsi benè inter se conveniant de omnibus, quæ ad salutem

lutem sunt necessaria, nihilominus tamen de factitiis fidei articulis, primævis Christianis incognitis, de rebus cultum externum spectantibus, de vocabulorum atque syllabarum apicibus, aut denique de rebus captum nostrum longè superantibus, omni laterum contentione, et animorum dissensione, in se invicem ità acerbè invehuntur, ut facilè possis conjicere, ex odio adversarii, potius quàm amore veritatis, istas infinitas rixas deductas fuisse: inde homines, de religione parùm benignè sentientes, consulunt principibus, ut omnem religionem negligant, affirmantes, quòd princeps pacem & concordiam perpetuam sic demum obtinere possit imperio, si omnes rixas & odiosas quæstiones, quas Theologi excitare solent, acriter prohibeat; ex istis enim disputationibus, oriri diversas Sectas, quibus diversi adhæreant, atque sic mutuis erga se invicem pugnis stimulatæ, diversa judicia, odia, convitia & calumnias nasci aiunt, quæ intestino bello, nonnunquam haud exiguam, præbeant occasionem. Insuper inextinguibilis amor habendi, & animi tumor sacerdotum potissimum primarii ordinis, qui sine ullà exceptione loci atque temporis multis profectò viris optimis magno sunt, fuerunt & futuri sunt offendiculo.

§. VI. Nec satis, proh dolor! lugere possumus vitæ morumque dissolutionem, quæ



quæ prima & ferè unica causa Atheismi nuncupanda venit, quia turpis et impura praxis, et melesana Theoria aliquo modo se invicem ponunt et tollunt. Ità ut qui semper scientes volentes malè agunt, de iis jure dubitetur, an de DEO rectè sentiant, certè hi nihil magis cupiunt, quàm ut nullus DEUS existeret, ut repagulis omnibus remotis, timore scilicet divini vindicis, et ultimi judicii, remoto, hilariùs et liberiùs cupiditatibus suis indulgere possint. Huc sanè tendunt innumeræ bonorum querelæ et exclamationes: *Sicut bona opera,* inquit *Cyprianus, profitentur DEUM, ità mala, quodammodò loquuntur, non est DEUS, nec est scientia in excelsò.* Hinc Apostolus Tit. I. 16. *Profitentur se deum nosse, sed factis eum abnegant.* Quà inutili ac nudâ cognitione, Christianorum maxima pars ita est capta, ut credat religionem nihil esse aliud, quàm ritum civilem vel ecclesiasticum, inane nomen et prætereà nihil: neque mirum, si benè attenderis, disciplinam Ecclesiæ primitivam passim locorum jacere; ut homines impurissimi, nullâ pœnitentiâ publicè factâ (quemadmodum factum legimus in purioribus Ecclesiæ seculis) redeant in gremium Ecclesiæ, quamprimùm à Pastoribus, vel à Consistoriis veniam petant. Hinc eò impietatis deventum est, ut vix habearis Urbanus, nisi et vitiis penè obrutus. Sunt quidem et alii viri principes, aliique viri boni cujusvis ordinis, qui praxin

Chris-

Christianæ pietatis, heu! nimium inclinam, restaurare sedulò laborant, neque irrito planè successu, quin indies aliqui vitiis antea deditissimi, ad bonam frugem se redigi patiuntur. Qui, bonorum omnium in reformandis Christianorum moribus labores, prosperos ut habeant successus, DEUM Optimum Maximum vehementur veneror!

§. VII. Inter causas Atheismi multi numerant quoque perversam Sapientiæ naturalis tractationem, dum impio ausu et temerario, intra Naturæ limites atque cancellos, omnia volunt compingere, causasque duntaxat secundas, posthabitâ aut neglectâ primâ, observantes: hi quippe rerum abstrusarum, mysteriorumque Naturæ studio mancipati, videntes rerum naturalium semper eodem tenore se habere, nonnunquam Atheismi in barathrum dilabuntur; existimantes nullum planè esse moderatorem Universi, sed unamquamque rem suoapte ingenio hos et illos cursus peragere. Ita olim impii argumentabantur, 2 Petr. iii. *Ex quo patres dormiêrunt, omnia sic perseverant*: cùm tamen è contrario, ex ordine constantique rerum tenore, concludere debuissent, reverà sapientissimum esse Moderatorem, qui modo convenientissimo, et sapientiâ ineffabili, hæc omnia in debitum ordinem redegerit, atque adhuc conservet. Huc referuntur, *Spizelio* iudice,

Medici

Medici nonnulli, atque Philosophi, imprimis Italici, quorum scripta sapiunt passim impietatem; hoc ipso nomine, suæ quoque professionis fociis, suspectus est *Hieronymus Cardanus*, adeò ut *Mersennus in Genes.* p. 602. illum Atheis maximoperè favisse contendit. Ad hanc classẽ quoque redigendi sunt ii, qui uni atque alteri experimento de virtutibus magneticis seu Idiocrasibus, de virtutibus Imaginationis atque Constellationis, perpetuò inhærentes; legibus istis etiam supernaturalia subjicere, ex iisque omnes quosque stupendos effectus deducere non erubescunt. Sed quòd Naturalis Philosophiæ studium tendat suâ indole ad Atheismum, tantum abesse mihi videtur, ut nihil magis ad eum radicitùs extirpandum conducere possit, utpotè armamentarium quoddam, unde omnis, ferè generis arma produci possunt, ad hoc monstrum debellandum. Nec ineptè *Baconus in Lib. de Augmentis Scientiar.* concedit leviozem aliquem gustum rerum naturalium inclinare animum ad Atheismum. Sed pleniozem haustum magnoperè pro divinâ mente sanctissima militare. Unde constans philosophorum antiquorum sententia, affirmat esse DEUM, ut videre est apud Authorem libri de Mundo, *Vetus Sermo est, à majoribus proditus, inter omnes homines, Universa tum ex DEO, tum per DEUM constituta fuisse, atque coagmentata, nullamque naturam satis instructam esse posse, quæ citra DEI præsidium,*  
D suam

*suam demum tutelam diu mansuram.* Et isti veteres phisici, qui Atheismi postulantur, profectò sunt pauci, & ab aliis omni tempore ut monstra hominum habiti: & si quæ sint nationes ità rudes, quæ nullum numen nôrunt, quod referunt recentiores peregrinatores, barbari sunt, non naturæ indagatores, quos commodiùs dicas DEUM ignorare, quàm ejus existentiam negare. *Galenus de usu partium*, differens de humano corpore, in laudem Creatoris hymnos componere se contendit: neque omit-tenda verba *Paracelsi, Tract. de Mineral. Oppidò*, inquit, *admirabilis in suis operibus DEUS, à quorum contemplatione nec interdium, nec noctu desistendum, sed jugiter illorum indagationi vacandum, hoc enim est sensu satis proprio, ambulare in viis DEI.* Adde huc, quod solers naturæ indagator satis percipit, nulla phænomena clarè posse explicari, si negaveris esse DEUM; causam equidem proximam intelligimus omnium ferè operationum, motum puta, sed unde ipse motus cùm materiæ non sit essentialis, quæ nunquam nisi ab alio movetur, debes, velis nolis, aut ignorantiam agnoscere, aut DEUM ponere primam rerum omnium causam, & motorem. Videre expedit nobilissimum *Boyleum, de Usu Philosophiæ Naturalis etiam in Theologiâ.* Consule insuper doctissimum *Johannem Raium, in libro, cui titulus: The wisdom of GOD manifested in*

*in the works of the Creation.* Vid. Derhami opera de hac re elegantissima.

§. VIII. Neque opinor abs re esse Physiologiam atomicam in specie ab omni ad Atheismum propensione vindicare, quæ apud multos non benè audit, sed injuriâ, quod patebit paulò infrâ, cùm ideam generalem hujus Philosophiæ proposuero, quam verbis brevissimis sic habeto: Philosophia atomica statuit, materiam nihil aliud esse, nisi massam extensam, ad quam pertinet magnitudo, indivisibilitas, figura, positio, motus, quies, diversi scilicet extensæ substantiæ modi. Hinc omnes formæ substantiales excluduntur; quia absque earum operâ commodissimè poterant explicare phænomena corporea, quæ oriebantur ex diversis materiæ dispositionibus, diversa postea in nobis phantasmata excitantibus, alioquin aut ista antiquissima regula Philosophorum, *Ex nihilo nihil fit*, penitus fuisset eversa, cum ingens formarum substantialium turba perpetuò ex nihilo fieret, quoniam in materiæ ideâ non comprehenduntur, aut, quod multò est absurdius, DEUS sine ullâ causâ in scenam adducendus ad creandas formas substantiales: quia constans fuit opinio omnium Philosophorum ante tempora *Lucippi & Democrati*, duas esse substantias diversas in mundo, *Materiam* scilicet extensam *διὰ τὸ ἄλλο ἀντίτυπον*, quam antea descripsimus; atque *Mentem* sive *Spiritum*,

qui nihil habet cum materiâ commune, sed omnes ejus proprietates sunt diversissimæ, putà cogitatio, dubitatio, imaginatio, memoria, atque sui ipsius conscientia, quæ nullo pacto materiæ competunt; quantumvis enim materia sit sublimata atque rarefacta, usque habebit omnes qualitates essentielles corporis cujusvis crassissimi. His suppositis non miraberis, veteres philosophos tenacissimos fuisse hujus regulæ, *Ex nihilo nihil fit*: ut firmissimè astruerent immortalitatem animæ, cùm, ut jam dictum est, sit Ens substantiale à materiâ distinctum, & non ejus modificatio aliqua immutabilis, & cum nulla ratio dicat annihilationem ullius substantiæ, alioquin timendum, nè successu temporis, omnes substantiæ annihilarentur, imò omnis materia, quippe quæ animâ longè ignobilior. Eadem hypothesis fortassis eos movit ad animarum præexistentiam ponendam & transmigrationem; quia satis videbant à materiâ non possit derivari, cùm in materiæ conceptu neque cogitatio, neque imaginatio, neque conscientia sui, vel memoria includatur; alioquin actum fuisset de suprâ dictâ regulâ, *Ex nihilo nihil fit*: unde patet Materiam & Mentem, haberi substantias distinctas, atque ex iis duabus absolutum & perfectum fieri philosophiæ systema, quæ si sejunxeris, necessariò eris Hæreticus; & si materiam solam adhibueris negando nullam aliam esse substantiam, eris Atheus: quod

quod *Leucippus* & *Democritus* fecerunt, ut in sequentibus videre est. *Plato* autem, contrà, plus nimio ideis suis indulgens, affectiones materiæ non ità clarè explicuit, quod si atomicè de materiâ philosophatus fueris, & Platonice de Mente vel Spiritu disputaveris, meritò habeberis philosophus orthodoxus; quod fecisse veteres philosophos, ante tempora *Leucippi* atque *Democriti*, abundè demonstrabo: unde liquebit istam philosophiam, nullam habere cognitionem cum Atheismo, cùm omnes isti antiqui philosophi, quorum mox meminero, essent atomici, simulque supremi numinis cultores observantissimi. *Pythagoras*, exempli gratiâ, videtur fuisse atomicus; *Gassendus* enim observavit, atomos *Epicuri* aliquando etiam vocari monadas; atque *Aristoteles* discurrens de sectâ Pythagoricâ, & eorum monadibus, dicit, ἐστὶν διαφόροι μονάδες λεγέειν ἢ σώματα μικρά. (i. e.) Nihil interesse inter monadas Pythagoricas, & minima corporative atomos; neque dubitat *Cudworthius* asserere hanc philosophiam, per atomos, esse veram & genuinam *Mosaicum*; cùm *Jamblicus*, affirmet *Pythagoram* suam philosophiam hausisse à *Mocho*, vel *Moscho*, Phœnicio aliquo, sui temporis celeberrimo, & apud *Athenæum* citato; quem *Arcerus Jamblichi* publicator, conjicit fuisse *Mosem Hebræorum*, cum quo *Sidone Pythagoras* colloquia habuit. Quam conjecturam *Seldenus*, & post eum *Huetius*, minimè improbant, sed

sed multò prudentius *Stanleus*, in vitâ *Pythagoræ*, cum successoribus *Mochi* illum colloquia habuisse, cùm aliàs ratio temporis non patitur ut cum ipso *Moisè* colloquutus fuerit. Infuper *Empedocles*, apud *Plutarchum*, judicat, quatuor elementa ex minimis corpusculis consistere, quæ appellat *elementa elementorum*; porrò *Elephantus Pythagorista* Syracusanus apud *Stobæum*, facit Τα ἀδιαίρετα σῶματα καὶ τὸ κενόν, scilicet, indivisibilia corpuscula & vacuum, principia suæ physiologiæ. Multique alii atomorum cultores qui tamen ab Atheismo maxime abhorrerunt, quos invenies apud *Cudworthium*, lib. 1, cap. 1. Hæc breviter proferre non piguit, ne mendace famâ à studiis omnium nobilissimis absterreantur optimi juvenes. Philosophiam quoque Aristotelicam ad impietatem propagandam multum contribuissè à nonnullis creditur, cùm mundi æternitatem doceat de immortalitate animi nihil certi statuât, virtutesque quas explicat nullam ferè pietatem erga DEUM urgeant, sed ad tranquillitatem vel utilitatem civitatis promovendam unice spectant. Neque hoc exscribam, quæ Sorbonista *Launojus*, de variâ *Aristotelis fortunâ*, in universitate Parisiensi uberrimè, post multa patrum ecclesiasticorum testimonia, ex documentis publicis & privatis congeffit, varia contra eum lectori curioso sistens, ex quibus satis constare potest superque, *Aristotelem* non semel nec unice ecclesiæ



ecclesiæ doctoribus de *Atheismi* crimine suspectum fuisse, visumque ideò indignum, cujus doctrina juventuti teneræ in publicis gymnasiis & universitatibus non sine periculo seductionis proponeretur.

Denique dissoluta vita academicorum ad genus humanum corrumpendum multum contribuit, hi enim animos, corpora & fortunas curaturi, autoritate plurimum valent apud alios hominum ordines, quamobrem si DEI immortalis sint parùm memores, totus grex facilè inficitur; academiæ hujus temporis, pietatis templa, modestiæ & humanitatis palestra, & virtutum omnium officinæ esse certè debent, in illis tamen malè feriatii juvenes, nullius planè frugis nidificant, nullâ delectatione ingeniorum aut bonorum morum ratione habitâ. Huc faciunt verba *Brunnamanni*, in *Jure Ecclesiast. lib. 1. Vita studiosorum academica moderna, forti reformatione indiget, ne incidant porro in Neosophos, Christianismi nostri verissimi hostes & insectatores, qui hæc quatuor studia in academiis tractanda esse putant, disputare, armis dimicare, potare, boare, paucissimos verò sanctam pietatem præficere. Eiusdem generis sunt quæ sequuntur: Vita ut, pro dolor! plurimum à studiosis, præsertim in academiis imò à theologiæ cultoribus transigitur, vita est penè ethnica, imo diabolica, & nihil Christi regulis magis contrariatur, quàm regula inter eos consueta; ut qui studiosus vocetur optimus, Christianus existat pessimus*

*peffimus.* Dantur tamen, DEO fit gloria, nonnulli optimi juvenes à corruptis sodalium moribus abhorrentiffimi, & dolendum sanè communiter ferè majorem rationem haberi magnæ doctrinæ quàm conspicuæ pietatis, cùm omnis doctrina est, demptâ pietate, venenum: & docto nebulae nihil sanè Reipubl. aut Ecclesiæ funestius aut infelicius esse potest.

---

## CAPUT III.

§. I. **P**RIUSQUAM ad Atheorum historiam ventum fuerit, necesse est, ut vocem *Atheus* ad unam ideam restringamus; quippe quæ plures habet significationes, valdeque æquivocè passim usurpatur ab authoribus, ità ut singulæ sectæ diversæ, se invicem opprobrii causâ Atheos vocitent. Sic Apostata *Julianus*, Christianismum vocat *Atheismum*. *Sozom. lib. 5. cap. 15.* imo ante *Julianum*, Christianæ fidei professores vulgò Atheos fuisse nuncupatos, constat ex *Clem. Alex. Strom. VII.* apud Judæos *Epicureus* scil. *Atheus*, & *יָתוּם* scil. *Hæreticus* & *Christianus* sunt synonyma, ut videre est apud *R. Mos. Maimon. tract. Idololatr.* Sunt & Pontificii, qui ecclesias nostras turpissimo Atheismi stigmate notare non erubescunt. Sic *Cornel. à Lapide*  
in

*in 2 Tim. 3. asserere non dubitat Lutheranismum & Calvinismum tandem abire in Atheismum, eorumque assecclas fieri Libertinos. Qui quosdam ex suis sæpè sæpius eodem stigmate deturpat, Gallos puta & Venetos, qui nutibus Curia Romanæ se non mancipârunt. Vide Spizelium: imò neque Erasmus, neque Grotius, Puffendorfius, &c. potuerunt scdam hanc Atheismi notam evitare, ea est in scriptoribus quibusdam ecclesiasticis acerbitas animi & iniquitas, ut si quis vel minimum ritum aliquem hoc tempore inutilem vituperaverit, Atheus est habendus. Sed calumniosâ hâc significatione nunc missâ, nos intelligimus, per Atheum, hominem talem, qui aut ignorat esse Supremum Numen (ut fortè nonnulli inter incultas nationes atque barbaras, qui bestiarum more nihil ferè cognoscunt, nisi quæ ad victum & libidinem attinent, si qui tales sint eos docere oportet ratiocinari, ut seipsos & res creatas cognoscant) aut qui credit & sibi persuadet nullum esse DEUM, vel saltem jugiter dubitat, an existat, etiamsi aliquando habeat suos conscientia morfus atque scrupulos (fiducia enim nulli sectæ est essentialis) Christiani etiam habent suos scrupulos, qui tamen neutiquam destruunt eorum Christianismum: sed de his supra. Vocantur & Athei passim, qui providentiam, animæ immortalitatem, resurrectionem atque ultimum judicium negant; per consequentiam, & indirectè, concedo, sed*

sed si illi ipsi consequentias nostras non agnoverint, non illicò Atheismi stigmatè sunt notandi, etiamsi crassissimum errent errorem, respectu Religionis Christianæ. Ideoque debemus magis propriè loqui addiscere, atque res quasque denotare suis nominibus, alioquin viri probi per calumniam probrosâ atque execrandâ istâ appellatione nominandi venient. Apud *Voetium* tot divisiones, subdivisiones, tot gradus Atheismi, atque species, ut omnes mortales in unâ harum classe vel alterâ, tantum non recensendi veniant, & in hoc mundo spectabili DEO nulli relinquuntur cultores.

Prætermiſſis itaque omnibus divisionibus parum necessariis, dispeſcimus illos homines, qui dicuntur Numen Supremum negâſſe, in tres ordines; quorum primus erit illorum antiquorum philosophorum, de quorum *tamen Atheismo nihil certi habetur*. Sed adhuc sub iudice lis est, quia proculdubio malè audiebant omnes, qui de simulacris & pluralitate Deorum non ita benignè sentiebant. Deinde accuratiùs tractabimus de istis, qui videntur ex proposito contra existentiam DEI disputâſſe, qui possunt nominari Athei systematici. Denique de istis qui identidem apud historicos summo cum contemptu de DEO loquentes inveniuntur, quinimò ejus essentiam planè negare, sed suas blasphemias nullis argumentis sustinere. Hos homines vocat *Cudworthius* Atheos enthusiasts. De antiquitate Atheismi, ex sacris literis nihil constat, quum

*Moses*, in *Historiâ Creationis*, nullis controversiis se immisceat, sed res gestas fideliter enarrat, neque verisimile est, in primordiis mundi & incunabulis, fuisse Atheos, cum origines rerum cum posteris à majoribus, utpote grandævus commodissime possent communicari. Antediluvianos impense fuisse scelestos abunde constat, sed nullum eos agnovisse Numen nullibi liquet. Neque statim post diluvium videntur fuisse Athei, cum à filiis Nohæ ad feroces nepotes historiam diluvii atque causas traditas fuisse sit verisimile; imò adeò primævis temporibus abhorruerunt ab Atheismo, ut Polytheismum, atque Idololatriam adstruerent, ut ex *Historiâ Chaldæorum*, *Ægyptiorum*, aliarumque nationum abundè patet; & valdè est simile vero, hanc idololatriam atque polytheismum superstitiosum, quemadmodum suprâ memorabam, primam ansam dedisse Atheismo: atque, uti superstitio & polytheismus videntur fuisse inventi à simplicibus colonis, qui vitam agebant pastorem, ita Atheismum opinor fuisse inventum in sequentibus seculis, postquam homines vitam civilem incepissent agere, & mercaturam colere, quæ plerumque acuit ingenia hominum, atque reddit eos cupidissimos novitatis, ut rarò acquiescant priusquam cognoscant causas rerum. *Antonius Reisnerus*, de *Origine & Incremento Atheismi*, Cainum primum asserere videtur fuisse Atheum: at è paradiso quidem eli-

minatus *Atheismus*, non item ex corde humano, ubi semel malum hoc semen radices egit, nunquam planè & omninò eradicandum, quin potius propagandum, & ab ipsis statim protoplastis in posteros propagatum, generantibus filios non ad DEI imaginem & similitudinem, *Eva* quidem mater ubi primum peperit filium, promissionis divinæ de benedicto semine mulieris, serpentis paradisiaci futuro contritore, memor, altâ exclamavit voce: *Possedi virum Dominum*, indubia, adesse jam tempus, quo impletum iri speravit id, quod cum viro suo multis, ut probabile videtur, suspiriis, à DEO precata est. Sed multum, plurimumque decepta, dum loco ejus, quem Dei filium, Dominum esse existimavit, ἐμὸς θεός, videlicet, *Atheum* enixa est, Cainum videlicet, hominem omnibus vitiis obrutum, Antitheum, hypocritam, divini cultûs contemptorem, afflictissimorum parentum cordolium, fratricidam nefandum, & quid non? Ne id frustra dixisse videar, sufficere præter ea, quæ sacer codex de nefandis criminibus & flagitiis ejus detestandis cum memorabilibus circumstantiis memorat, potest colloquium illud, quod inter Cainum & Abelem intercessisse, in *Jonathæ* Paraphrasi & Targum *Hierosolymitano* legitur, ubivis quidem apud interpretes obvium, dignum tamen, quod & hic legatur, utpote rei præsentis valde accommodatum, quod & versione *D. Quistorpii* ita habet;

bet ; *Dixit Cain ad fratrem suum, Veni, exhibimus foras. Et accidit, cum exissent ambo foras, respondet Cain & dixit ad Abel, Cogito tecum, quod mundus quidem creatus sit per misericordiam divinam; verum non gubernetur juxta meritum bonorum operum, sed ibi habetur respectus personarum in judicando. Nam cur oblatio tua accepta est, & oblatio mea non accepta est? Respondet Abel & dixit, Omnino per misericordiam divinam creatus est mundus, & juxta fructum bonorum operum gubernatur, neque est personarum respectus in judicando. Et quia fructus operum meorum erant boni præ tuis, idè acceptata est oblatio mea in gratiâ. Respondit Cain & dixit ad Abel, Non est Judicium, & non est Judex, & non est seculum futurum, & non est justis redditio præmii, & non est ultio impiis. Respondit Abel & dixit, Est Judicium, & est Judex, & est expectatio præmii justis, & sumtio ultionis ab impiis. Quid in hoc desiderari jure possit colloquio, jam non attendo; illud solum observans, juxta antiquam ecclesiæ Judæicæ sententiam Caino non injuriâ imputari posse *Atheismum*, ob id, quia deserte satis, etsi non ipsam DEI existentiam, providentiam tamen ejus & justitiam, quin & extremum negavit judicium, quod ex iis etiam non obscure manifestum fieri potest, quæ ex ore ejus prolata in Mosaicis Annalibus narrantur. Sicut autem extremum negare aut in dubium vocare judicium, patet*

tet infrà ex instructione apostoli *Petri*, fuisse homines quos Atheorum fratres non immeritò dixeris; ità illi qui de providentiâ DEI creatoris securiùs, quàm par est, loqui & sentire observantur, ad *Atheismum* proximius accedere, antiqui ecclesiæ doctores jamdudum monuere; gentilium scriptorum adversus providentiam pronunciata dictèria, copiosè satis collegit & diligenter digessit *Bartbius*, in suis ad *Claudianum* poetam animadversionibus, citatis etiam pluribus ex antiquitate scriptoribus, qui causam DEI sollicitissimè curam mortalium habentis contra injuriosissimos ejusdem obrectatores singulari industriâ egerunt, quibus e scholâ Græcorum omninò addi meretur *Euripides* tragicus, cujus illustre pro DEI in creaturas sollicitudine testimonium, *Lectionibus sacris* extaret, dignum censuit *Rittershusius*.

Equidem Rabbini asserunt, *Mosem* incepisse librum Geneseos cum his כרא בראשית in initio creavit cælos & terram: litera ב ibi volunt habere sensum *beth* instrumentalis; ut sensus sit, *Deus creavit cælum*, &c. Cum eorum principio, לבטל רעה המינין (i. e.) ad destruendum opinionum Atheorum vel Hæreticorum, qui affirmabant, unicum rerum omnium principium esse materiam, eandemque esse æternam. Vide *Michel Joppi* ad Genesin. Si qua inest vis eorum conjecturis, patet, tempore *Mosis* fuisse Atheos, nisi mallet, per prolepsin ità scripsisse *Mosem*. CAP.



CAPUT IV.

§. I. **M**ISSA itaque *Palestinâ*, in *Græciam* transfretemus, ubi, postquam poetæ animos hominum fabulis anilibus corrupissent, ut de diis crederent, quæ viro bono planè essent indigna, ità ut non possent non odio habere, & prorsus negare, talem DEUM, turpes amores atque vagos exercentem, ex æquo & bono debere existere; hinc forsan ista gigantomachia *Lucretii*:

*Humana ante oculos fædè cum vita jaceret,  
In terris, oppressa gravi sub religione,  
Primum Graius homo mortales tollere contra  
Est oculos ausus, primusque obsistere contra,  
Quare religio pedibus subiecta vicissim  
Obteritur, nos exæquat victoria cælo.*

Quæ carmina, etiamsi ad *Epicurum* referenda, tamen non est quòd dubitemus, ante ejus tempora fuisse ejusdem sententiæ viros, cùm *Aristoteles*, *Metaph. lib. 1. c. 3.* affirmat, fuisse antiquissimos qui crediderint, omnia ab *Oceano* & *Theti* fuisse derivata, vel, aquam esse rerum omnium principium. Inde est, quòd poetæ per *Stigem* jurare soliti, utpote rerum omnium antiquissimam: *Plato* insuper in *Theæto* asserit, sectam istam, quæ nullum aliud præter materiam agnosceret principium, esse antiquissimam; ὅτι πᾶσι ἐγὼν ᾤοντο εἶναι τὸ πρῶτον. (i. e.)  
omnia

*omnia esse à fluxu & motu generata.* Atque *Homerus*, ejusdem Atheismi, *Cudworthio* iudice, postulandus, cum ex iisdem principiis producit omnes DEOS. Ὠκεανὸν τὸ θεῶν λινεσθῆναι, καὶ μητέρα θεῶν. scil. *Oceanum esse patrem, & Thetim matrem Deorum.* Vel, ut alii, ex *Chao & Nocte*, quæ posuit ovum, & ex isto ovo productus est *Amor*, qui se de novo, cum *Chao* immiscens, cœlum & terram & animalia generavit; ut videre est apud *Aristophanem* de *Avibus*. Sunt equidem, qui existimant, philosophos istos atque poetas ad historiam Mosaicam alludere, quia dicitur spiritum motasse super aquas; sed *Salmasius* existimat, hæc fabulas Cabbalam Atheisticam multum sapere, quæ supposuit, *Chaos esse omnium principium*, utpote æternum, sed sensim in ordinem motu proprio redacta fuisse; primum, scilicet, res inanimatas produxit, posthæc animalia, atque homines, denique ipsos DEOS. *Hesiodus* tamen, atque, *Parmenides* Atheismi minimè sunt postulandi, cum per *Amorem* videantur principium aliquod activum intelligere, neque *Amorem à Chao & Nocte*, quemadmodum alii fecerunt, derivant.

§. II. Sed quandoquidem pictoribus, atque poetis, quidlibet fingendi semper fuit æqua potestas, eos nimium exagitare non est operæ pretium; ad philosophos antiquiores nos accingimus, qui affirmabant, quod

quod ὕλη & πάθη τῆς ὕλης, essent unica rerum principia (i. e.) materiam *ejusque qualitates, vel formas*. Inter quos, testante *Aristotele Thales* fuit, ἀρχηγὸς τῆς τοιαύτης φιλοσοφίας. (i. e.) princeps istius philosophiæ; cū omnia ab aquā deduceret, nullo admissō principio activo; sed injuriā *Thaleti* tribuitur hæc impietas, cū apud *Diogenem Laertium* affirmer, mundum esse à DEO factum, & DEUM omnium rerum antiquissimum, quippe ingenitum, cui ne quidem cogitationes mortalium latere possunt. Huc accedit testimonium, *Valer. Max, lib. 7. cap. 2.* mirificè *Thales*, nam interrogatus, *an facta hominum DEOS fallerent? nec cogitata, inquit.* Sed *D. Bælius* asserit, hæc dicta ab aliquibus authoribus *Pittaco* tribui, ità ut, non adeò certum sit, *Thaletem* de DEO tam religiōse loquutum fuisse? sed quid quæso obstat, quò minus ambo in eadem cogitata atque verba inciderent, ut passim sit, cū de rebus valde obviis instituendus est sermo. Quod attinet rerum omnium productionem ex aquā, haud ità incommodè argumentari videtur, cum forsitan sensu chymico loqui voluerit. Multis experimentis *Boyleus* in libro, cui titulus, *The Usefulness of Natural Philosophy*, demonstrat multa alia corpora derivari posse ex aquā. Dicitur etiam apud *Diogenem Laertium*, quòd *Thales* primū omnium docuit *Animæ Immortalitatem*; & rogatus quid esset velocissimum,

F

respon-

respondit, *Mens*, nam per universum discurrit: iterum interrogatus, *quid est DEUS?* respondisse dicitur, *quod initio & sine caret*; quæ omnia abundè probant, *Tbaletem* principium aliquod activum, vel mentem, à materiâ distinctam agnovisse.

§. III. Sed etiamsi *Tbales* piè philosophetur, non omni planè crimine vacuus videtur fuisse ejus discipulus, nomine *Anaximander*, qui meliore jure ἀρχηγός τῆς τοιαύτης φιλοσοφίας nominibus, (i. e.) nullum principium activum agnoscens, sed *Materiæ* omnia tribuens, imò *Materiam* aliquam primam, eamque infinitam supponens. Neque est quod mireris *Anaximandrum* aliosque *Materialistas*, materiam omni intellectu vacuum aliquando divinam, aliquando Numen appellare, quum illi nihil antiquius, aut divinius agnoscerent, quàm materiam stupidam, neque dubitarent alia *DEI* attributa illi tribuere. Sed ut eò magis pateat ejus philosophiam fuisse impiam, lubet describere verba *Plutarchi*, lib. de placit. *Anaximander Milesius* affirmat, infinitam esse primum principium & ex eo omnia generari, & in idem corrumpi, ideoque mundos infinitos, alternatim generari & corrumpi: sed in hoc errat, cum posuerit tantum causam materialem, principium activum prorsus tollendo; quia infinitum *Anaximandri* nihil aliud est quàm materia, quæ, sine causâ activâ & efficiente, nihil potest producere.

*cere.* Undè patet ejus *infinitem* non fuisse Mentem, prout voluit *Clemens Alexandr. in Protrep.* Corripitur & à *Cicerone* ejus opinio, *lib. de Natura Deorum.* *Anaximandri sententia est, nativos esse Deos, longis intervallis orientes occidentesque, sed nos DEUM nisi sempiternum intelligere què possumus?* Plura de ejus opinione apud *Eusebium, lib. de Præparat. Evangel.* quorum summa huc redit, homines ex ventre aliorum animalium fuisse natos. Eandem de eo ridiculam historiam refert *Plutarchus.* Hic videtur primus fuisse, qui philosophatus est per formas atque qualitates, nullam substantiam incorpoream admittens.

§. IV. Hujus sectæ erat *Anaximenes Eurystrati filius, Milefius,* qui nullum aliud agnovit principium præter aërem, atque infinitum. Hujus discipulus fuit *Diogenes Apolloniates,* qui hoc modo philosophatus est, elementum esse aërem, mundos esse infinitos, & inane infinitum, densumque aërem, & rarefcentem mundos gignere: nihil ex eo, quod non sit, corrumpi. *Cicero de Nat. Deorum,* hæc habet: *Quid? aër, quo Diogenes Apolloniates utitur DEO, quem sensum habere potest, aut quam formam DEI?* Hinc *Augustinus, de Civit. DEI, lib. 8. cap. 2.* *Diogenes quoque Anaximenes alter auditor, aërem quidem dixit rerum esse materiam, ex qua omnia fierent, sed eum non esse competentem divinæ ra-*

*tionis, sine quâ nihil ex eo fieri possit.* Sed iudicio D. Bæylii, aër habuit rationem materiæ tantum, à divinâ mente agitatus, ideòque cum non esse purum putum Atheum cum agnosceret aliquid distinctum à materiâ, animam mundi putà; ut multi Theistæ, qui DEUM aliquem corporalem agnoverunt; nisi potius eos Atheistas nominaveris, qui cogitationem & perceptionem, materiæ esse modos atque proprietates affirmavere. Utcunque fit, *Cudworthius* omnes ferè philosophos Ionicæ Sectæ, *Thalete* excepto, ejusmodi Atheismi postulat, ut nullum præter materiam principium agnoscerent, insuper probat, *Anaxagoram Clazomenium*, *Anaximenis* discipulum, primum esse post *Thaletem*, qui philosophando materiæ mentem adjecit.

Erat proculdubiò vir egregius, quod abundè patet ex vitæ institutione atque sermonibus: patrimonium non modicum cognatis, sponte suâ concessit; atque cuidam illum ità compellanti, *nullâne tibi patriæ cura est?* retulit, *mibi verò patriæ cura, & quidem summa est*, digitum in cælum extendens. Responsio profecto viro Christiano etiam dignissima: sed cùm affirmaret, Solem candens ferrum, & Poleponeso majorem esse, Lunam habitacula in se habere, & colles & valles, stigma Atheismi ab Atheniensibus evitare non potuit; etiam si magnoperè à *Pericle* suo discipulo, Atheniensium principe, defensus diu fuisset, tandem

tandem à civibus in exilium pulsus & *Lampsaceni* diem obiit extremum.

Ex *Anaxagoræ* infelici fato, fatis patet, iniquissimum esse vulgus Atheismi iudicem; quamplures enim puros putos Atheos intactos dimiserunt; aliosque Numen Supremum agnoscentes, pro Atheis morte vel exilio multârunt, nullam aliam ob causam, quàm quod ausi fuerint affirmare, simulachra & imagines non esse DEOS; ut testatur *Plato*, in *Apologiâ* pro *Socrate*: & eâdem de causâ Christiani à Gentilibus nominabantur Athei, ut videre est apud *Justin. Martyrem*.

§. V. *Empedoclem* Agrigentinum, *Pythagoræ* discipulum, *Aristoteles* Atheismi postulare videtur, cum affirmat, *Empedoclem* animam asserere ex quatuor elementis esse compositam, & partes animalium fortuitò ità esse dispositas, non verò ex concilio alicujus causæ efficientis; porrò intellectiōnem nihil aliud esse quàm sensus; sed postrema accusatio parvi est momenti, quum sensus & intellectus sæpenumerò pro synonymis haberi soleant; & quod attinet ad primam, ab omni impietatis criminatione verba ejus apud *Clement. Alexandr.* allegata, eum liberant, quorum summa latinè huc redit: *Si sanctè & justè vivamus, in hac vitâ erimus felices, & post mortem feliciores, cum circumstantiâ temporis non affixa sit nostra felicitas, sed in perpetuum cum spiri-*  
tibus

*tibus immortalibus convivium celebrabimus.* Multa etiam carmina, *Empedoclis*, quæ adhuc supersunt, satis probant, illum fuisse divinum philosophum, & *Pythagoræ* præceptoris affectum strenuum.

---

## CAPUT V.

§. I. **D**E his hætenus, jam ad philosophos *atomicos* transeat oratio; inter quos *Leucippus* atque *Democritus* sunt facile principes, quia illi fuerunt primi, qui ab Atomis amoverunt substantiam incorpoream, quæ iis præsideret, & hoc modo manum aliquod philosophiæ systema condiderunt. *Laertius* ita de *Leucippo* scribit, placebat illi infinita esse omnia, & in seipsa commutari, atque universum illud inane, esse plenum corporibus: mundosque fieri corporibus in hoc *inane* incidentibus, & in se invicem implicatis; atque ex motu, secundum illorum incrementa sidera fieri, porro, ut generationem, ita & incrementa mundi, & diminutiones, & corruptiones, ex quâdam necessitate esse. Eâque ratione tellurem esse factam, sidera omnia ignescere, ob concitatissimi motus celeritatem, à sideribus solem quoque flammam concipere, lunam verò paululum ignis participare credidit.

§. II.



§. II. Fuisse antiquiores *Leucippo*, qui philosophabantur per *Atomos*, quod suprà innuimus, clarum est; sed isti adhibuerunt divinam atque incorpoream substantiam, ad completum philosophiæ systema adornandum, cujus pars una eaque minùs nobilis, *atomi*: hæc sunt verba *Strabonis*, latinè redita, *Imo si Posidonio credimus, antiquum de Atomis dogma Moschi est, hominis Sidonii, qui ante Trojani belli tempora vixit. Strab. lib. 6.* Idem affirmat *Sextus Empiricus*; sed *Leucippum* atque *Democritum* authores esse hujus philosophiæ, quatenus Atheisticæ, nemo, ni fallor, ibit inficias, (i. e.) *Leucippus, Democritus, Epicurus* distinctis, atque succedentibus temporibus, coluerunt, imò invenerunt hanc hypothesin, quæ omnia phænomena opera atomorum explicare conantur; atque ità impio ausu omnem substantiam incorpoream, & intelligentem prorsus proscribunt. Ideoque diligenter distinguendum inter doctrinam *atomorum* absolutè sumptam, & fortuitum concursum sine ullo sapiente moderatore omnia producente, quæ non immeritò tribuitur *Leucippo* atque *Democrito*. *Lactantius* eleganter refutavit hanc Atheisticam hypothesin, sed quando conatur probare, non dari corpora minima indivisibilia, satis infeliciter rem gessit, monstrans se theologiæ, quàm physicæ, multò magis gnarum, neque abs re ejus verba hic nos describere, ut vide-

videamus, quàm horrendè philosophati sint patres: *Non est, inquit, providentiâ opus, sunt enim semina per inane volitantia, quibus inter se temerè conglobatis Universæ gignuntur, atque concrescunt: cur igitur illa non sentimus, aut cernimus? Quia nec colorem habent, inquit, nec odorem: saporis quoque & humoris expertia sunt, & tam minuta, ut secari aut dividi nequeant. Ubi enim sunt, aut unde est corpuscula? Cur illa nemo præter Leucippum somnitavit? A quo Democritus hæreditatem stultitiæ reliquit Epicuro. Quæ si sint corpuscula & quidem solida, ut dicunt sub oculos certè venire possunt. Institut. lib. 3. cap. 17. Denuò, Ubi aut unde sunt quæro, quis illa minuta semina vidit unquam? Quis sensit, quis audivit? An solus Leucippus oculos habuit, solus mentem? Qui profectò solus omnium cæcus & excors fuit, qui ea loqueretur, quæ nec æger quispiam delirare possit, nec dormiens somniare, &c. Et multa ejus generis invenies, lib. de Ira DEI; quæ profectò à physicis hodiernis exploderentur planè, utpote commiseratione aut cachinnatione digna; nemo etenim est hominum experimentis instructus, qui meliora non noverit, patet enim dare corpuscula ita minuta, ut omnem oculorum aciem longissimè fugiant, & quoad nos indivisibilia, etiamsi in se & mathematicè divisibilia maneant. Leucippus, si substantiam incorpoream retinuisset, vir omni laude fuisset dignissimus, testante*

*Thomæ*

*Thomá Burnetto. Archælog. Philosoph. lib. 1. cap. 12. Ad hanc Sectam Eclecticam aggregari solent Leucippus & Democritus, viri celebres & eximii, qui hypothesein atomorum invexerunt, quæ licet mea sententia falsa sit, & malè fundata, dedit tamen occasionem philosophandi strictius & accuratius. Hi enim non quærunt corporum principia, aut agendi vires, inter numeros, harmonias, proportionales, ideas, qualitates aut formas elementares, ut ab aliis factum est: sed ipsa adeunt corpora, eorumque conditiones phsyicas & mechanicas examinant, motum, figuram, partium situm, tenuitatem, & magnitudinem, & similia; & ex his cujusque virtutes æstiment, actiones definiunt, effectâ explicant, idque rectè solidèque. Quod verò has minutas indivisibiles esse vellent, aut innatum impetum habere, aut inclinationes ad certa loca aut denique inanibus spatiis disjungi, hæc & alia hujusmodi non tantum gratis dicta sunt, sed etiam claræ rationi refragantur. Utcunque, cum viam aperuerint ad saniores differendi modum circa res phsyicas, & in hac parte de republicâ literâ non malè meruerint, illos laude suâ ne fraudemus.*

§. III. De Leucippo plus satis, de Democrito multa restant dicenda, natione Milesius fuit, *Damassippi* filius, Magos atque Chaldæos habuit præceptores, à quibus & Theologiam & Astrologiam didicit, quum adhuc puer esset, postea verò *Leucippum* convenit,

& secundum quosdam *Anaxagoram*, quum annis quadraginta minor ætate quàm ille esset. Insuper memoriæ traditum est, illum in Ægyptum contendisse ad sacerdotes, Geometriam percepturum. Non defuere, qui dicerent, eum cum Gymnosophistis in India congressum esse: denique in Æthiopiam venisse, atque rem familiarem in itineribus dimetiendis, etiamsi lautam, prorsus consumpsisse; ità ut propter rerum omnium indigentiam à *Damaso* fratre aliquando nutriretur. De cujus sagacitate in rebus physicis multa proferuntur, exempli gratiâ, præsentē *Hippocrate* lac efferri cum iussisset, inspecto lacte, dixisse, & capellæ nigræ esse. Sed & puellam, *Hippocratis* primò ità salutasse dicitur, *salve virgo*, postridie verò, *salve mulier*; puella enim vitiata fuit eâ nocte. Quod attinet ejus opiniones, eas sic habeto ex *Laertio* & *Hesybio illustri*. Principia omnium esse *atomos* & *inane*; cætera omnia fas esse opinari, infinitos esse mundos, generationi & corruptioni obnoxias, *atomos* præterea, numero esse infinitos. Aquam, ignem, aërem, terram, solem item & lunam ex vertiginibus, tumorumque circumferentiis componi; animamque humanam itidem; cunctaque secundum necessitatem fieri, quum sit vertigo causa generationis omnium, quam necessitatem esse dicit. Finem verò rectum quietumque animæ statum asserit, ut nullo metu, nullâ superstitione agitetur. Porro  
testatur

testatur *Lucianus, in Philopseud. Democritum* firmiter credidisse mortalitatem atque dissolutionem animarum cum corpore, ideoque nihil sibi timuisse, dum petulantes aliqui juvenes tentassent illum noctu territare; adeò firmiter credidit, animas nihil esse, postquam è corporibus exierint. Ex his conjicere licet, illum nullum alium cognovisse Numen, quàm stupidam materiam, perpetuis circumgyrationibus velocissimè rotatam; cùm ideam nullam substantiæ incorporeæ concipere possum, quàm ex ideâ, quam habeo de meâ mente, utpote ab omni materiâ distinctâ, & minimè dependente, rectè concludo, DEUM similem esse substantiam maximè incorpoream, & à materiâ independentem.

§. IV. Non ità se res habet in iis, qui negant resurrectionem, & animarum immortalitatem, sive durationem perpetuam; quia fatendum est, eam dependere à DEI beneplacito, quia si ità visum fuerit illi, etiam omnes Angeli in nihilum redigerentur. Ea propter ille planè Atheismi postulatur à *Cicèrone de Nat. Deor. lib. 1. Democritus*, inquit, dum imagines earumque circuitus in Deorum numerum refert, quæ imagines pessundant, adimant tum scientiam & intelligentiam nostram, nonne in maximo errore versatur? cumque idem omninò, quia nihil semper suo in statu maneat, negat esse quicquam sempiternum; nonne DEUM

*itâ tollit omninô, ut nullam opinionem ejus reliquam faciat?*

---

## CAPUT VI.

§. I. **D**EMOCRITUM excepit *Diagoras, Teliclidis* filius, nativâ servus, & propter indolem & acumen ingenii, decem drachmatum millibus à *Democrito* emptus, & postea ab eodem philosophiâ imbutus, atque ut fas est credere, minus rectè de DEO sentire edoctus, adeò ut *Impius* vel *Atheus* cognomento dictus fuerit. Alii causam ejus Atheismi sic referunt, quod eidem arti (i. e.) poeticæ operam dederit quispiam, à *Diagorâ* accusatus de subrepto poemate, nominato *Pæane*; & cum ejurasset se furti non teneri, coram Jovis imagine; atque poemate non itâ multò post lucem prolato, mæstus valdè & contristatus *Diagoras λόγους θείας* scripsit *ἀποπυργίζαντας*: (quasi dicas orationes è turribus suis DEOS præcipitantes) quæ defectionis suæ causas à communi de diis sententiâ continebant; itâ imprudenter concludit, *DEUM nihil aliud esse quam statuam*; cum concludere debuisset, *statuam non posse esse DEUM*. Prosperitas impiorum magnum profectò omni tempore attulit mortalibus præjudicium, ut parùm benignè

benignè de DEO, atque de ejus providentiâ sentirent; quod abundè patet ex verbis divini psaltis, *tantum non pedem suum fuisse lapsum* testantis, cum videret impios in omnibus suis conatibus prosperrimos habere successus, dum boni viri durissimâ uterentur sorte; sed cùm ingrederetur templum, vel tabernaculum Jehovahæ, facili labore omnes istas diluit tristes cogitationes. *Clemens Alexandrinus*, *Diagoræ* philosophiam damnari à multis existimabat, fictitios atque falsos Gentilium Deos, quia acriter corripere; quod fatemur verum fuisse de aliquibus qui à Gentilibus existimabantur Athei. Quòd si diligentius consideravimus ejus scommata contra providentiam, non abs re erit credere, illum nullum DEUM agnovisse, præter concursum atomorum fortuitum, vel materiam, ut antea ejus præceptor *Democritus*. *Diagoras*, cùm in Samothraciam venisset, & quidam amicus ei dixisset, *Tu qui putas DEOS humana negligere, nonne animadvertis, ex his tabellis pictis, quàm multi votis vim tempestatis effugerint, & in portum salvi pervenerint?* Ità fit, inquit, illi verò nusquam picti sunt qui naufragium fecerint, in marique perierunt, l. 3. de. Natur. Deor. Idemque cum ei naviganti, vectores adversâ tempestate timidi & perterriti dicerent, non injuriâ sibi illud accedere, qui illum in navem eandem recipissent; ostendit eis in eodem cursu multas alias laborantes, quæsitque, num etiam in

*iis navibus Diagoram vehi crediderent?* Acutissimè dictum, quod nos monere debet, ne nimia festinatione impiorum miseriam illicò eorum impietati tribuamus; quia & hæc accidit viris quibusque optimis. Propter impietatem ejus decreverunt Athenienses magnam argenti viam, cuicunque qui illum trucidaret, atque largiorem tali mercedem, qui vivum adduceret. Sed fugâ se salvavit, & postea naufragio periit. Multa alia de eo referunt authores, sed non sunt hujus commatis, neque ad nostrum faciunt institutum.

§. II. Fuit & *Protagoras Democrati* auditor, testante *Laertio*, atque is Atheismi accusatus, dicebat nihil esse animam præter sensus; *de diis quidem statuere nequeo*, inquit, *an sint necne; sunt enim plurima, quæ id scire prohibeant, quippe & summa rei incertitudo, & brevis hominis vita.* Nihil videtur conceptis verbis contra existentiam Summi Numinis statuissè, sed cautius, forsan, propter magistratûs metum loquutus; sed cum *Diagoræ* condiscipulus esset, par est credere, illum coluisse eandem philosophiam: pulsus tamen tandem ab Atheniensibus, librique illius in foro cremati, sub præconis voce. Labet huic subjicere historiam *Theodori*, cognomento dicti *Athei*; vixit Athenis tempore *Demetrii Phalerei*; omnes opiniones de Diis antiquavit penitus & sustulit; *furto, adulterio, sacrilegioque*



*crilegioque se dediturum affirmat ex usu temporis; horum enim natura nihil esse turpe, si tollas popularem de hisce opinionem, quæ ad continendum in officio vulgus hominum recepta est. Hinc addiscere licet, nihil Atheo patriæ vel reipublicæ pestilentius, nihil eo timidius in periculis, in convictu fraudulentius, aut injustius esse posse; qui, neque æqualem toleret, neque agnoscat superiorem, nisi quando coactus est commoditati suæ inservire atque temporibus; alioquin,*

*Vivitur ex rapto, nec hospes ab hospite tutus:*

Neque salus populi respicienda, neque majestas principum. Atheus nullum agnoscit Numen, nisi seipsum; neque aliud cælum præter hujus vitæ commoditates; neque alium infernum, præterquam rerum omnium inopiam; hinc timiditas & ignavia, ut strictum ensen vix audeat adspicere, quia si fortè hostili ferro caderet, conclamatum esset de omni illius spe & expectatione. At forsân objicies, in bello nihil Atheo fortius, cum post mortem neque pœna eos maneat, neque infernus, neque ulla rerum antecartarum recapitulatio, neque profectò molestè ferenda sit, brevis hujus vitæ jactura. Ità est, fateor, si meliorem spectaveris, jactura est nulla, attamen Atheo gravissima est & irreparabilis, quia nihil habet aliud quod expectet. Insuper quod Atheus *pacis* sit  
*aman-*

*amantissimus*, utpote omnia Summum Numen quæ respiciunt, susquedeque habens, atque æquissimo ferens animo, ut quisque abundet suo sensu quàm *non quid sentiant homines, sed quid agant attendit*, sed hoc, nullo pacto verum esse arbitror; contra, est animal maximè disputax, atque ardentissimo zelo percitum ad conquirendos sibi affectus, neque fortè hoc nomine Phariseo multum inferius. Praxis, & hominum Atheisticorum mores, extra omnis aleæ controversiam hoc ponunt, quippe qui nusquam desinunt, si non palam, saltem clanculum corrumpere aliorum animos. Obiter monendum est, execrandam esse opinionem Atheorum, secundum quam, ipsis fatentibus, nullus in officio contineri potest; sed opus est commento religionis, quamvis fabula absurdissima sit; religionem à politicis fuisse excogitatam, tamen quum illi putant nemo hactenus potuerit ostendere, quibus temporibus, quibus locis, vel à quo denique principe tanta fraus introducta fuerit; imò impossibile est, ut experientia satis docet, unum universos posse decipere, vel ab uno universos decipi; quia omni tempore inveniuntur homines astuti, atque sagaces ad detegendas ejus generis fraudes; imprimis, cum sua magnopere interfit, excutere talis Supremi Numinis dominationem, quæ identidem inquitit terrorem mortalium animis.

§. III. *Theodoro* coætaneus fuit *Scilpo Megarenfis*, &, ut aliqui volunt, *Euclidis* auditor, qui tantum valuit dicendo, ut parum abfuerit, quin cuncta Græcia in illum intenta, in Megaram transfiret. Aiunt ità illum quemdam de *Phidiæ Minervâ* compellâsse: Num, inquit, *Minerva Jovis filia Deus est?* Quum verò annuisset ille, dixisse dicitur, *at illa non Jovis, sed Phidiæ est:* non ergo ipsa, (itâ concludebat) *Deus:* quâ ex re, quum in Areopagum pertractus fuisset, nihil inficiatum ferunt, imò rectè se loquutum asseruit, *non enim Deus erat, sed Dea:* Areopagitæ tamen nihilo fecius continuò urbe excedere jusserunt. Denique, cum rogâset eum *Crates*, *an Dii precationibus, ac divinis honoribus gaudeant?* *Noli me*, inquit, *in viâ de hisce rogare, sed solum ac, seorsim.* Horum nihil *Hesychius illustris* in ejus vitâ commemorat, sed de ejus festivo ingenio & facundiâ, multa prædicat, & quandoquidem ex ejus operibus nihil est reliquum, non temerè inter Atheos recensendus irrisor lepidus, qui idololatriam sui temporis non sine multo sale subinde jocosè perfricuit. Hujus temporis erat *Bion Boristhenites*, etiam Atheus à multis habitus, aliàs ignobilis, sed ab *Antigono*, Macedoniæ rege in deliciis habitus, propter summam viri leporem & acumen ingenii: *Theodori* impii fuit assiduus auditor, à quo male de DEO sentire

H

didicit,

didicit, & profana multa effutire, de quo *Sam. Parkerus* habet sequentia. *Vir nulla alia re nisi importunis moribus, & lividis salibus insignis; & hos quidem cum sermonibus, tum libris editis, fertur palàm & audacter suam adversus Numinis existentiam opinionem defendisse; denique moribundum, in anilem superstitionem delapsum fuisse, & summo conscientiae horrore finivisse vitam.*

Hæc est profecto omnium ferè Atheorum indoles, ut moribundi in turpissimam superstitionem & maximè ridiculam incidant. *Tullius Hostilius*, Deorum infrequens cultor, ipse quoque magno morbo implicitus, tum adeò fracti simul cum corpore sunt spiritus illi feroces, ut qui nihil ante ratus esset minus regium, quam sacris dedere animum, repentè omnibus magnis parvisque superstitionibus obnoxius degeret, religionibus etiam populum impleteret, *Liv. Dec. i. lib. i.* Eapropter aliqui Athei non temerè queruntur de suorum asseclarum inconstantia & tergiversatione; quia pauci, vel nulli, firmi manent atque immobiles in suâ sententiâ: causa est in promptu, à turpibus voluptatibus feriari coguntur, quæ eos à recto rationis usu distrahebant, & jam tandem ad se redeuntes, Atheismo nihil ineptius aut periculosius satis percipiunt, contrariam verò sententiam valdè securam benè intelligunt, quum planè nihil secum adferat periculi, si esset falsa, nequidem minimum infamiæ, quia tum nemo foret, qui me

pro ludibrio haberet, vel qui pœnas à me sumeret, si nullus sit DEUS, & animarum immortalitas, quod si detur (datur autem certissimè) tum vae & miseria incredibilis, familiæ impiorum.

§. IV. Jam tandem tangit ordo *Epicurum*, *Neoclis* & *Chærestratæ* filium, patriâ *Atheniensem*. Sunt qui dicunt, quùm *Athenienses* Samum sortiti essent, illic illum nutritum esse, ac demùm octavum vel decimum agentem ætatis annum, rursùs *Athenas* concessisse, quo tempore & *Xenocrates* in *Academiâ*, *Aristoteles* in *Halcide*, scholam habebant. Defuncto autem *Alexandro Macedonum* rege, & *Atheniensium* sub *Perdiccâ* afflictis rebus, *Colophonem* se ad patrem contulisse, ubi cùm aliquamdiu moratus esset, collegissetque discipulos, *Athenas* iterùm rediisse dicitur, ibique cum cæteris in communi philosophatum fuisse, deinde seorsum sectam constitui. *Vende* *Verùm* enim verò *Diotimus* Stoicus infesto adversus illum animo acerrimè eum insectatus est, quinquaginta circumferens impudicas & lascivas, veluti ab *Epicuro* scriptas epistolas. Quicquid sit, hoc certum est, ab omnibus ferè philosophorum sectis, impietatis atque Atheismi postulatum fuisse *Epicurum*; imprimis à Stoicorum sectâ, illi maximè fuit reclamatum; neque minus à Judæis scriptoribus, qui eousque devenerunt, ut *Atheum* & *Epicureum* haberent pro

synonimis. Vide *Buxtorf. Lexicon. Epic-  
tetus* quoque, ut lascivius justo loquentem  
fugillat. Insuper memoriæ est traditum,  
bis illum diebus singulis vomere solitum  
fuisse, & nimis deliciis solutum, corpore-  
que adeò miserè affectum, ut multos annos  
è fellâ consurgere nequiverit; minam inte-  
rim quotidie in cibos consumsisse, ut ipse  
*in Eipistolâ ad Leontiam* testatur. Multa  
alia hujus generis de diffuentiâ vitæ, at-  
que crapulâ apud authores passim inveni-  
untur. Sed nec ei defuere omni tempore  
viri doctissimi, qui ab omni impuritate vitæ  
eum acriter defenderunt, quùm ille non in  
turpi voluptate corporis poneret felicitatem,  
sed in voluptate animi; ità ut quod Stoici  
vocarent *apatbiam*, Molinistæ nostri tem-  
poris *quietudinem animi*, atque nos ipsi *bo-  
nam conscientiam*, *Epicurus* appellat *volup-  
tatem*. Quòd si ità res se habuerit, in hoc  
articulo non à vero abhorruisse videtur,  
quandoquidem sine illâ animi voluptate,  
certo certius nulla felicitas obtineri possit;  
vid. *Sir William Temple's Essay upon the  
Garden of Epicurus*. De ejus parsimoniâ  
prædicat multa *Laertius*, tacebo *Gassendum*,  
qui omnia congeffit, quæ illi ornamento  
aut laudi esse possunt.

*Quis furor, ô Cives, ut vos ob vile lucellum  
Rixas, ut bellum sollicitetis atrox?  
Nam natura opibus facile contenta pusillis,  
Contenta nullis ambitio est opibus.*

*Hoc*

*Hoc Epicurus ait, dulces quem nempe Camenæ,  
Aut Suadæ tripodes edocuere sacri.*

Sed quicquid sit, de ejus moribus non ita laborabo, præsertim cum gravissimi authores de hac re minimè consentiant, & quia non est necesse, ut quisque Atheus illicò omni dissolutione vitæ & luxu diffuat, eapropter non ex moribus tantum & vitæ instituto judicium de Atheismo ferendum, sed etiam ex cujusque opinionibus, de naturâ, principio atque omnium rerum causâ.

§. V. Quid verò de his opinatus sit *Epicurus*, videndum nunc est: physicam *Epicuream* in compendio sic habeto: principia esse individuas corporum naturas, sive atomos in infinito spatio infinitos.

*Possidonius* clarè affirmat, *Epicuro* nullos esse DEOS; quæque is de Diis immortalibus dixerit, invidiæ detestandæ gratiâ dixisse. Vid. *Cudworth. intellectual. System. p. 60.* Qui, cum bonâ veniâ *Gassendi*, firmiter *Epicurum* pro Atheo habet, non obstantibus ejus Diis subtilibus atque æreïs, dum passim affirmat, mundum esse factum à corporibus fortuitò motis, sine moderatore, ita ut juxta cum *Democrito* statuatur, mundum *ὡς οὐρανὸς τυκτός, οὖν Νοῦς*.

Unde patet, nihil agnovisse *Epicurum*, (cujus amanuensis *Lucretius*) præter materiam, philosophiæ partem ignobiliorem, ut causam & principium omnium rerum; sed  
de

de causâ motûs, atque operationum physicarum, nihil protulit, nisi ineptias; “ Unde  
 “ *Cicero in lib. de Finibus*; cum in rerum  
 “ naturâ duo sint quærenda, unum quæ  
 “ materia sit, ex quâ quæque res efficiatur?  
 “ alterum, quæ vis sit, quæ quidque efficiat?  
 “ de materiâ disseruerunt *Epicurei*,  
 “ vim & causam efficiendi reliquerunt.  
 “ Dum causam motûs *Epicurus* ponit gravitatem atomorum rectis lineis deorsum  
 “ tendentem; absurdius vel insulsius quid  
 “ dici poterat?” Cum infinito spatio (cùm adhuc nulla esset atomorum concretio) neque sursum, neque deorsum ullo jure statuere poterat.

§. VI. De *Lucretio* lubet hic paucis meminisse, qui Philosophiam Epicuream carminibus latinis eleganter cecinit, & vestigia magistri assidue preffat; nisi fortè minimè constare sibi videatur, dum invocatione *Almæ Veneris* suum poema orditur, cùm in sequentibus nullum DEUM agnoscere voluerit. Versus isti initiales ità se habent:

*Æneadum genitrix, hominum divûmque voluptas,*

*Alma Venus, cœli subter labentia signa.*

*Quæ mare navigerum, quæ terras frugiconcelebras ———* [ferenteis

*Te sociam studeo scribendis versibus esse,*

*Quos ego de rerum naturâ pangere conor.*



Conformat se proculdubio loquendi formulis poeticis, quæ obtinebant istis temporibus, quia ipse Diis omnibus hostem infensissimum se præbet, neque ullam moderationem, vel providentiam in mundo esse agnoscit:

*Omnis enim per se divûm natura necesse est,  
Immortali ævo summâ cum pace fruatur,  
Semota ab nostris rebus, sejunctaque longè,  
Nam privata dolore animi, privata periclis,  
Ipsa suis pollens opibus, nihil indiga nostri,  
Nec bene promeritis capitur, nec tangitur irâ.*

Et Epicurum supra modum extollit, qui liberavit homines à metu Deorum, omniaque scelera isto infrænato metu profecta fuisse ausus est affirmare: & postquam, sacrificio *Iphigeniæ Agamemnonis* filiæ, multis reclamasset, tali concludit Epiphonemate:

*Tantum religio potuit suadere malorum!*

Insuper gloriatur, se vias antea inaccessas tentaturum.

*Avia Pieridum peragro loca nullius ante  
Trita Solo. —*

§. VII. Haftenus de Atheis, qui aut per qualitates & formas, vel per atomos & inane philosophati sunt, restat tertium  
Athe-

Atheismi genus *Hylozoicum*, passim apud *Cudworthium* dictum, cujus inventor *Strato Lampsacenus* fuisse dicitur, physicus autem idcirco appellatus est, quod in eâ speculatione præ cæteris diligentissimè versatus sit. Fuit autem & præceptor *Ptolomæi Philadelphi*. Nullum præter materiam DEUM statuebat, sed ut evitaret absurditates Epicureas, ex concursu atomorum fortuito promanantes, vitam materiæ essentialem esse dixit. Imò quælibet atomis vita, atque appetitu & perceptione secundum *Stratonem* erat animata; quæ repetitis actibus atque exercitiis, facultatem discursivam, & fruitionem assequi posset, ut maximo suo commodo & utilitate sese disponderet, & sibi provideret, ut planè hoc pacto non opus esset ullo Numine. Quapropter apud *Ciceron. lib. 1. de Nat. Deor. Nec audiendus Strato, qui physicus appellatur, qui omnem vim divinam in naturâ esse sitam censet, quæ causas gignendi, augendi, minuendique habeat.* Huc referendus est *Diodorus Siculus*, iudicio *Stillingfleetii*, quia passim ejus historia Atheismum sapit: Imò hinc inde insinuat, se in sententiâ *Eubemeri Messenii* fuisse, omnem religionem à politicis esse excogitatam affirmantis. In principio suæ historiæ, duas fuisse philosophorum sententias ait, de mundi origine, unam, mundum in eodem statu quo est, ab æterno fuisse; alteram verò, ex indigestâ mole, omnia atque singula corpora sensim à se  
invicem

invicem separata, atque in hæc formas, quas jam induunt tandem redacta; atque terram, calore solari tepefactam & imprægnatam, produxisse animalia bruta, atque homines. Ut si quis collationem institueret inter *Diodorum* & *Lucretium*, illum ab hoc doctrinam suam de rerum formatione accepisse mutuam constet. Quandoquidem tempore *Diodori*, quod fuit *Augusti*, in magno pretio erat *Lucretii* poema, & ille linguæ latinæ benè gnarus. Adde, quod hæc philosophia stabilit ejus hypothesein de rerum-origine: refert mures à limo Nili calore solari quotannis productum iri; & quidni & animalia cætera. *Ovidius* habet versus hujus commatis nonnullos.

*Altera pars vivit, rudis est pars altera tellus.*

Sed hæc sunt verba fabulosa nulli fidei, nisi *Ægyptiacæ* innixa, isti mures enim aliunde, verosimiliter vi aquarum ferebantur, & subsidente Nilo, extricabant se à limo jam indurescente, in quo, ut antea, mures vivere non poterant. Recentiores philosophi atque medici satis probârunt, omnia animalia quantumvis minima, ova ponere, è quibus perpetim fætus excluduntur; ut merito omnes ejus generis fabulæ à doctis explodantur.

## CAPUT VII.

§. I. **H**I sunt præcipui, qui atheisticè philosophati inter antiquos; fa-  
 teor esse hujus impietatis postulatos apud  
*Ciceronem lib. de Naturâ Deorum* aliosque  
 authores; sed aliquando minùs rectè, at-  
 que sæpius propter sermones aliquos diis  
 gentilibus nimium infestos. Post tempora  
**JESU CHRISTI**, per multa continua secu-  
 la, hæreticos quosvis pessimos invenies,  
 qui *Polytheismum* introducere in ecclesiam,  
 atque absurdissimè varios *Æones* ponere  
 maximoperè conati sunt. Sed qui directè  
 Atheismum statuerit vix invenies; *Lucianus*  
 equidem apud authores Atheus audit, sed  
 forsitan injuriâ, cum præcipuus illius sco-  
 pus in eo sit positus, ut vanitatem cultus  
 gentilium ob oculos poneret: christianos  
 etiam aliquando acerbè satis, & petulanter,  
 more suo profano, scommatibus excepit,  
 sed quod Numen Supremum existere nega-  
 ret, percipere ego quidem ex ejus scriptis  
 non possum.

§. III. Descendendum est itaque ad se-  
 cula proxime elapsa, atque imprimis *Italia*  
 nobis erit examinanda, quæ impiorum ho-  
 minum semper fuit feracissima, testante  
*Petro Matthæo*, Historico-Gallo, in Histor.  
 Henrici IV. *Ingenia* (scripsit) *quorundam*  
*in Italiâ sunt satis libertina, & quò propi-*  
*ora*

*ora sunt Pontifici, eò minus fulmen vaticanum curant; de Animâ, opinionem in deliciis ac voluptatibus ponunt, eamque pro salis grano habent, quod corpus à corruptione tutum servet, atque in hoc unice incumbunt, ne homines videri queant. Sic etiam author alius, à Spizelio allegatus: Si Atheos quæris nusquam plures, quam in ipsâ Româ invenies; Quot Romæ Cardinales, quot Prælati, quot Regulares, irregulares sunt, quibus facilius ex Homero aut Virgilio purgatorii fabulas persuaseris, quam resurrectionem mortuorum. Addamus verba Apolog. Wilhelmi Principis Arausionensis, pag. 66. In domo principis Parmensis Atheismus & aliæ virtutes Romanæ in deliciis habentur, & hujusmodi nusquam uberius invenias, quam apud hæredes Petri Aloysii. Hinc etiam Melanchton aliquando Italo-Theologo occinnebat; Vos Itali vultis disputare, DEUM seu Christum esse in Eucharistâ, quem non creditis esse in Cælo. Neque abs re nostra erit Historia Sabini, Melanchtonis generi, qui cum per Italiam peregrinaretur, & Cardinalem Bembum ob celebritatem nominis salutarer; ab eo fuit interrogatus, quid Melanchton de immortalitate animæ, resurrectione corporis, & de vitâ æternâ sentiret? cui cum respondisset, illum de his veritatibus planè persuasum esse, quod ex ejus scriptis satis apparet; regessit Cardinalis, æstimarem Phillippum virum sapientem, si hæc non credidisset. Mullerus refert in *Atheismo de-**

*viſto* pag. 223. Imò eò impietatis, & de-  
mentia ventum eſſe, ut paſſim immortalita-  
tas animæ negaretur. Inde in Concilio  
Lateranenſi, ut ſerpenti malo occurreretur,  
decretum fuit, animam eſſe immorta-  
lem; nihilominus tamen *Johannem XXIII.*  
legimus in Concilio Conſtantienſi, coram  
viris celeberrimis planè negaſſe animæ im-  
mortalitatem, atque dixiſſe, poſt hujus vi-  
tæ curriculum, nihil eſſe aut ſperandum aut  
metuendum. Neque huic impietate *Se-*  
*cundus Clemens VII.* Romanus Pontifex,  
qui moribundus pronunciaſſe dicitur, ſe  
illicò trium rerum fore certiore, de qui-  
bus per omnem vitam dubitaſſet vehemen-  
ter, videlicet, an eſſet DEUS? An anima  
eſſet immortalis? An denique eſſet altera  
vita? *Wolſius Tom. 2 Lection. memorab.*

§. III. Ad non obſcuram hujus æmula-  
tionem Florentinus ille Platonica philoſo-  
phiæ aſſertor, *Marsilius Ficinus*, verſaba-  
tur: is cum videret optimos Græcorum  
Trepezuntium & Archyropilum in diſtri-  
butis inter ſe Ariſtotelicis operibus vehe-  
menter occupatos, nobiliſſimos etiam ſectæ  
Platonicae autores in latinum idioma tra-  
duxit, adeò inſatiabilis tenorem ſtudii ſecu-  
tus, ut fuerit in abſurdiſſimam, cum *Sim-*  
*phoriano Champerio*, opinionem deductus,  
Chriſti noſtri paſſionis imaginem in vitâ &  
carcere fuiſſe *Socratem*. Adeò impenſè huic  
placebat gentilis philoſophus, cujus etiam  
dog-

dogmata satis avidè ad certum temporis spatium fuscipiebat. Notum est *Socratem*, sub vitæ finem, scepticum egisse de animæ immortalitate. In hac etiam parte noster imitator strenuus fuit. Nam cum *Mercato*, quem amavit ardentissimè, insigni Italorum philosopho, de hac materiâ sermones intra privatos parietes frequentes habuit, & convenere inter se mutuò, ut qui primus fungeretur vitâ, de statu animæ post mortem superstitem alterum certtorem redderet: Idem rêverâ contigit; *Facinus* enim primus excedens vivis apparuisse dicitur *Mercato*, & hisce verbis eum compellâsse, *O Michael! Michael immortalis est anima*. *Jov. Elog. Doct. Vir. p. 101.*

§. IV. Verum pietatis omnes limites expatiatus est, sub idem tempus notissimus ille horrendâ impietate *Angelus Bassus* à patriâ *Politianus* dictus, Florentinus Canonicus, qui ut illum *Jovius* commendat, *Vir erat distortis moribus*, qui multò libentius *Averrois* codices, & *Aristotelis* dogmata sæpissime tractabat, quàm divina oracula; in quæ voces profanas effutire frequentes solebat, eo contentus, ut antiquitatis vindex summus nominaretur. Interrogatus enim aliquando an legeret Scripturam Sacram? nauseabundus respondit, *Semel legi librum illum, & nunquam collocavi pejus ullum tempus*. Quæ quidem verba alio in sensu nonnulli explicant. Tradunt enim

enim cum lectioni vulgatæ versionis Sacri Codicis incubuisse, cum verò consignatam eam fuisse stylo simplici deprehendisset, è manibus indignabundum rejecisse, cum dictione elegantiori longè sua omnia soleret exprimere. Sed nescio, an isthæc excusatio firmo stare talo possit, cum idem propè de Psalmis Davidicis senserit, *Narrabat enim placere quidem sibi illa antiqua carmina, & continere ea honesta præcepta, res tamen longè dulcius splendidiusque tradi in Pindaricis odis. Pingi Ixionem in rotâ clamantem, multas imagines, multas acerrimas historias, & gravissima præcepta memorari.* Rectè itaque videamus, inquit *Ludovicus Vives*, (vir extra omnem animi irreligiosi suspicionem, uti de eo egregiè *Cl. Espencæus* judicat) quid idem in pretio haberet. Disputavit quamdiu vixit, dicendum ne esset, *Carthaginienfis* an *Carthaginensis*, *primus* an *preimus*; & siquid otii ab hujusmodi nugis superfuit, Epigramma aliquod græcè composuit, in libidinis ac præposteræ veneris laudem. Hanc autem impiissimi hominis nequitiam divina ira pœnis gravissimis compensavit. Nam adolescentis cujusdam in fano amore percitus in lethalem morbum incidebat, in quo mox delirantem eum, vox ipsa tandem & vitalis spiritus deseruerunt. *Jov. Elog. Var. p. 89.*

V. Accenso his Mantuanum illum celebrimum philosophum *Petrum Pomponatium*,



tium, qui quidem à plurimis Epicureismi accusatus. Quippe naturæ nimium attribuebat, ad cujus effectus CHRISTI etiam & Apostolorum miracula reducere primò volebat. Sed tamen manifestè testabatur, quod non sufficere possent rationes ex naturâ rei prolata, sed verbo DEI fidem esse potius habendam; quapropter ad extremum etiam ecclesiæ correctioni se humiliter subiciebat. *Bal. Diët. Hist. Crit. Tom. III.*

§. VI. Concilii Lateranensis decreto, occasionem dedit doctrina Pomponatii, qui Bononiæ docuit publicè, mortalem esse animam, testante Spondano *Annal. Eccles.* Occasionem inquit, predictæ de philosophis sanctioni dedisse dicitur Petrus Pomponatius Mantuanus, Jovii in philosophiâ præceptor: qui enarrans Aristotelem & Averroem Bononiæ, animas post corporis mortem, vel dissolutionem interituras, ex sententiâ Aristotelis probare conatus, juventutem valde corruerat; se eo defendens, quòd philosophicè loqueretur, sed aliter, cum Christianus esset, sentiret. Sed lubet ipsa verba Pomponatii à Bæylio allegata hic apponere, quæ planè ab omni impietate nomen ejus liberare videtur apud candidos interpretes; His itaque sic se habentibus, inquit, mihi (salvâ saniori sententiâ) dicendum in hac materiâ videtur, quod quæstio de immortalitate animæ, est neutrum problema, sicut etiam de mundi

*mundi æternitate; mihi namque videtur quod nullæ rationes naturales adduci possunt cogentes statuere, animam esse immortalem. Quare indubiè, ipsam immortalem esse, asserendum: verùm eâ viâ non incedendum est, quâ hujus seculi sapientes incesse-  
runt, qui cum sapientes se dixerunt, stulti facti sunt, quicunque enim hâc viâ incedet, ut existimo, semper ut incertus & vagus fluctuabit. Si bonâ fide hæc protulit, atque ex animi sententiâ, non temerè impietatis stigmate est notandus, cum nihil aliud adstruere videatur, quàm hoc, quod sine revelatione divinâ, animæ immortalitas dilucidè demonstrari non possit; quod non adeò abhorre à vero videtur, cum hoc verissimum sit, nullum ens absolute esse immortale, nisi unum DEUM; omnes alios spiritus, atque substantias incorporeas soli DEO immortalitatem suam acceptam referre debere, qui vult ut per omnium seculorum ætates existant, quippe quæ suâ naturâ aptæ natæ ad istam immortalitatem, cum nulla causa externa præter unum DEUM illas possit destruere, aut in nihilum redigere: DEUS verò voluntatem de illorum perpetuitate passim in sacris paginis patefecit. A cucullatis monachis sui temporis vehementer fuit exagitatus, & passim pro Atheo habitus, quùm ille ficta monachorum miracula exhibilaret planè atque exploderet.*

*Simon Portius, author dictionarii linguæ  
græcæ*

Græcæ modernæ, eruditissimus vir, longè superior erat præceptore suo *Pomponatio*, quòd ad peripateticæ scientiæ cognitionem, linguæ Græcæ & Latinarum literam ornamenta dederit: sed longè etiam nequiora dogmata publicæ luci exponebat. In suis enim dissertationibus *de animâ & mente humanâ*, animas cum corpore verè interituras magno ecclesiæ scandalo credebat. Quapropter opus isthoc impium, & porco non homine autore dignum, in bibliothecâ judicat *Gesnerus*. Tetrimenti hujus fœtoris omnium gravissimè olere videtur *Andreas Cæsalpinus Aretinus*, qui ut olim *Aristoteles* causam omnium productricem attulit, ità tamen ut eidem omne providentiæ imperium detraxerit, quo sublato, DEUM esse dicat, an omninò tollat nihil interesse demonstravimus. Primum itaque motorem, *intelligentiam speculativam non activam* esse, statuit; deinde intellectum speculativum eum esse voluit, qui nihil cujusvis finis gratiâ operatur, sed solâ contemplatione totus occupatur.

Hunc eâdem impietatis viâ & ratione non modo secutus est, sed superavit *Claudius Berigardus Molinensis*, qui unà cum impiâ *Aristotelis* disciplinâ, obsoletam istam quoque veterum Ionicorum (quemadmodum de iis ipse censuit, ac alii plerique censuerunt) revocavit; cum enim disputationes suas dialogorum consuetudine perscripsit, sermonem in duas personas *Charilaum*

*laum* & *Aristæum* distribuit, quorum alter *Aristotelem*, qui præter materiam, quemdam primum motorem, providentiæ tamen expertem posuit; alter antiquos istos defendit, quos omnia corporea esse velle, nullumque primum motorem, ab universo corpore distinxisse putavit. Atque adeò uno eodemque opere diversas cum Epicureæ tum Peripateticæ impietatis rationes adornavit; quanquam *Aristotelis* disciplinam fusius & ardentius excoluit, atque eam potissimum quam libro physicorum octavo, librisque de cælo & rerum generatione tradidit, quibus universam mundi fabricam sine providentiâ architectricè extruxisse se putat philosophus. Neque nefaria sua dogmata dispersè uno aut altero capite (ut *Cæsalpinus*) insinuavit, sed apertè omnem peripateticæ impietatis rationem secutus est, neque Numinis providentiam ut ille è rerum naturâ tollere satis habuit, nisi & falsè dictis increparet eam.

His duobus sunt qui *Hieronymum Cardanum* annumerandum esse arbitrantur, quod omnia divinæ providentiæ phænomena astris aliisque causis naturalibus ascribi voluerit, atque adeò, inter alia quamplurima, quæ in naturali philosophiâ se invenisse gloriatur, penè maximum existimat, quod ad generationem animalium perfectorum, non aliud principium requiri, nisi calorem cælestem; quò fieret, ut hominum genus, omniaque animalia, nullâ Numinis providentiâ,

tiâ, sed solâ fiderum vi gignantur; quæ cum nullâ ratione aut concilio prædita sint, si iis mundus administraretur, sequitur nullo omninò Numine administrari. Sed ei veniam dari oportet, ut aliis omnibus damus, quos sui compotes non esse novimus. Magnum enim *Cardani* ingenium magna dementiæ mixtura contaminavit; unde cum per intervalla in insaniam incidere, idem illi quod aliis omnibus insanis contigit, ut qui multa dicunt quæ nec sentiant nec meminerint.

Atque sanè, si quis quæ de se ipse scripsit, legerit, his omnibus longè dementiorem esse deprehendet. Quis enim nisi prorsus insanierit ea de se narraret; quæ si de inimico dixeris, honos præfandus est? Quis tam grandia, & secum pugnantia de se mendacia fingeret? Quis tam vana de spectris, lemuribus, geniis, portentis, auguriis, insomniis, aliisque ejusmodi aniculationum ineptiis crederet, iisque maxima vitæ momenta gubernaret? neque quidem insanivisse miremur, cum universis exagitaretur furiis, quarum singulæ quemvis sanioris mentis, in extremam dementiam impulisse poterant. Earum autem precipuæ quatuor fuere; primum, anomala (ut ipse vocat) naturæ indoles; tum immensa cogitandi assiduitas; deinde immoderata gloriæ cupido; postremò, maxima totius vitæ calamitas; quæ omnia, si cuivis ho-

minum, *Cardano* certè singulari modo  
cōtingere.

§. VII. Pergamus; à multis Atheismi  
accusatus fuit *Petrus Aretinus*, propter in-  
genium ingens, *divinus* dictus, & propter  
scripta satyrica *flagellum principum*, neque  
minus fuit infestus ecclesiasticis, ut ex  
epistolâ *Jobannis Paludani* ad *Dionysium*  
*Lambinum* datâ patet: *Penè me fugerat,*  
*quod scribendum imprimis fuisse arbitror,*  
*à Cardinale Peronio editam esse audio oratio-*  
*nem adversus Petrum Aretinum; periculum*  
*est ne, ut jampridem principum, itâ post-*  
*hæc & monachorum flagellum esse & nomina-*  
*ri velit.* Post mortem hoc Epitaphium  
meritus est;

*Condit Aretini cineres lapis iste sepultos,*  
*Mortales atro qui sale perfricuit.*  
*Intactus DEUS est illi, causamque rogatus,*  
*Hanc dedit, ille inquit non mihi notus erat.*

Item

*Hic jacet ille canis, qui pessimus ivit in omnes.*  
*Dempto uno, quem non noverat ille, DEO.*

Item

*Primorum Mastyx molli hâc requiesco sub unâ,*  
*Viventi cui mens irrequieta fuit.*

*Nulli*

*Nulli ego mortali, superis si forti peperci,  
Ignoti superi fortè fuere mihi.*

Item

*Amarus jacet hic, viator, hostis  
Vivorum, simul atque mortuorum;  
Diis convitia nulla dixit, & se  
Excusans, sibi cognitos negavit.*

Atque apud *Laurentium Grassum*, in *Petri Aretini* vitâ, Italicè sic habentur eadem carmina,

*Qui giace l' Aretino Poeta Tosco,  
Che d' ognun' disse mal; che di Dio,  
Scusandosi col dir, io non lo conosco.*

Plures asserunt hæc carmina sepulchro ejus esse inscripta Venetiis; sed alii absurdissimum hoc esse opinantur, cum Athei neque ecclesiis sepeliri neque epitaphiis honorari soleant. *Spizelius*, in *Scrutin. Atheismi*, p. 18. Ita de eo: *Aretinus horrendi istius libri de tribus impostoribus author: etsi eo nomine Campanella, in Atheismo Triumphato, suspectum habeat Poggium Florentinum; & Thomas Broune, in Relig. Med. Sect. 19. nefarii illius libri authorem dicat Bernardinum Ochinum. Quomodo-cunque res se habeat, sunt qui affirmant, Aretini opera Atheismum neutiquam sapere, imò in volumine secundo epistolarum*  
*Henrico*

*Henrico Octavo Regi Angliæ dicato, hæc verba invenio: Sicbe merito scusa delle ci-  
ancie da me composte per ridere & non per  
malitia: Ità ut si aliquando æquo liberiùs  
atque nimis jocosè, de rebus sacris luserit,  
cupiat hoc sibi condonari, cum non ani-  
mo malo talia unquam protulerit.*

§. VIII. Quod attinet librum *de tribus  
impostoribus*, nonnullis videtur is esse mera  
chimera, de quâ multi multa loquantur;  
sed nemini unquam visa. Fateor, *Mulle-  
rus*, in *Atbeismo devisto*, affirmat, se nosse  
virum sibi familiarem, qui possideat istum  
librum, sed se vidisse non scribit; imò ho-  
diernus Hamburgensis Theologus *Frid.  
Mayerus*, excerpta ex eodem libro in apri-  
cum promisit propediem se editurum;  
gratum proculdubiò multis facturus, si pro-  
missis steterit. Sed cur *Ochinus* habendus  
sit Atheus, non video, cum ejus scripta  
profectò elegantissima, passim pietatem  
atque observantiam erga DEUM maxi-  
moperè spirent. Liber *de libero arbitrio*,  
quem propter intricatas materiæ difficulta-  
tes vocat *Labyrinthum*, Reginae Angliæ  
*Elizabethæ* inscriptus, haudquaquam im-  
pietatem sapit. Multò minus *Catechismus*,  
in quo eleganter statim ab initio, DEI  
Existentiam demonstrat, modo *Cartesiano*  
non planè dissimili. Audiamus illum:  
*Prego, inquit, Illuminato mio, che tu mi  
dica, S' egli ti par essere o no? Illumina-  
to. Mi par essere, mà per questo, non*

*son*



*son certo, che io sia; imperocche in parermi  
esser, forse m'ingannuo. Ministro. E' impos-  
sibile, che a chi non e, gli paia d'essere, per-  
cio poi ch' ei ti par' essere, bisogna dire che  
tu sia. Id est, mi discipule illumine, ut  
rogo te, bonâ fide, ut mihi dicas, an, ex-  
istimes, te existere nec ne? Illuminat. Ità  
fanè, opinor me existere, sed tamen fortè  
decipior. Minister. Est impossibile, ut  
tibi existere videaris, si reverà non existe-  
res, nam dum tibi existere videris, necesse  
est dicere, te existere. Hisce positis, pro-  
bat eleganter, summum Numen infinitè per-  
fectum necessariò existere. Unde certè miror,  
cur literatorum Hallensium unus neget  
*Ochinum* scripsisse catechismum illum, nulli  
alii rationi innixus, nisi quod ille nullam  
editionem viderit, præter eam, quæ diu  
post mortem authoris prodiit, ac si nulla  
alia antiquior editio unquam exstitisset;  
mutaturus certe sententiam, si hujus ca-  
techismi editionem Basiliensem, Anno  
MDLXI. vidisset. Cæterum hunc *Orchi-  
num* ad sententiam *Socini* Senensis sui con-  
civis inclinâsse, ego non ausim negare; sed  
illum esse Atheum, jure negare possum,  
tot concionum voluminibus linguâ Italicâ,  
aliisque scriptis contrarium testantibus.*

§. IX. Huc etiam accidit memorabilis  
illa Athei *Itali* historia apud *Henricum  
Stephanum*, à *Spizelio* citatum, ubi refert,  
nobilem quendam Italum in civili bello  
Gallico

Gallico, sclopeto trajectum se regi commendâsse, (cum alii moribundi DEO commendare soleant.) Eundem sæpe in vitâ, familiaribus confessum, se desiderare quidem, ut juxta cum aliis in DEUM crederet, sed non posse, insuper se oblectâsse blasphemias contra DEUM, historiasque sacras datâ occasione traduxisse. Sic *Nannus Grossus & Lucas Oræsus* Florentini, per totam vitam Atheismum professi sunt. Horum alter moriens crucifixi statuam sibi afferri curavit, cui se commendaret, sed nullius alterius quàm *Donatelli* manufactam: alter potentiori se commendavit *sive DEUS ille, sive Dæmon esset*; cum hac horrendâ exclamatione, *chi piu puo, piu tiri!* (i. e.) Qui plus potest, plus rapiat! Hactenus *Spizelius*, Porro in *Historia universali* Jo. Læti refertur de Cosmo Italo, homine literato: Atheus ex vitâ migravit, moriturus nec parochum nec capuchinos ferre valuit; monitus ut extremum reformidaret judicium, affatim risit; stulti, inquit, abite, nulli sunt Diaboli, nisi hostes nostri, qui nos in hoc mundo vexant; neque alius Deus est, præter reges & principes, qui soli nos possunt juvare & nobis benefacere. Hujus furfuris homines mentis inopes vel furiosos appellaverim.

§. X. Pauca denique de *Nicolao Michiavello* Florentino, sui temporis rerum politicarum maximè gnaro, antequam Italiæ  
vale

valedicam, memoranda sunt. Quod attinet ejus pietatem erga DEUM, maxima sunt animorum divortia, etenim laudatur ab his, culpatur ab illis, propter libellum, quem scripsit *de Principe*. Baconus, de *Augmentis Scientiarum*. lib. 7. c. 2. honorificè satis de hoc libro scripsit. *Est quod gratias agamus Machiavello, inquit, & hujusmodi scriptoribus, qui apertè & indissimulanter profecerunt, quid homines facere soleant, non quid debeant.* Observârunt viri docti, hunc librum nullâ virgâ censoriâ fuisse notatum, usque ad tempora Clementis Octavi, qui eum damnavit ex instigatione Jesuitæ *Possevini*. Spizelius, in *Scrutinio Atheismi*, p. 132. longè pejus de eo judicat, atque refert, quòd cùm Florentiæ jam in extremis esset, & scrupulis agitaretur conscientiæ, ob metum damnationis jam imminentis, in mentem verò ei recurreret, quòd viri illi magni, orbisque sapientes *Aristoteles, Plato, Alexander, & similes*, damnati sint; & quòd viri sancti, ut plurimùm fuerint homines miseri, in mundo despecti, variisque angustiiis & afflictionibus pressi, insanâ voce dixerit, *Malo in infernum descendere cum magnis illis & illustribus viris, quàm cum infimis istis, & vilis conditionis hominibus, in cælo degere.* Neque de illo benigniùs sentit Mullerus in *Atheismo devictò*, p. 677. ubi increpat ejus Apologistas, quod frustra ex ejus opere conentur demonstrare, *Machiavellum* aliter sensisse, quàm scripsis-

se; imò clarè sensus animi exprimere videtur *lib. 2. disputat. de Repub. cap. 13.* “ Id mihi significare videtur *Xenophon, in-*  
“ *quit*, quod necessaria sit ars quædam de-  
“ cipiendi, si quis altum fastigium ascen-  
“ dere, & insignes aliquos progressus facere  
“ velit: hac arte *Johannes Galeazzius*, Prin-  
“ cipatum Mediolanensem, *Barnardo* avun-  
“ culo suo eripuit; *addens*, fraudem necessari-  
“ am putamus omnibus, quicunque ex parvis  
“ crescere conantur, quæ tantò minus turpis  
“ est, quantò quis magis illam poterit occulta-  
“ re, & honesto aliquo prætextu tegere.” An  
pius, vel impius fuerit, DEUS cordis  
indagator unus novit, hoc tamen certè  
novimus, in *Machiavelli* animadversionibus  
ad *Livium*, caput integrum reperiri *de ne-*  
*cessitate religionis*, sine cujus auxilio & in-  
terventu nullus principatus aut dominatio  
diu subsistere possit: demonstrat etiam,  
nullum certius declinantis alicujus imperii  
signum esse, quàm religionis negligentiam.

Meritò denique memorandus est *Gior-*  
*dano Brun*, qui publicis flammis impietatis  
postulatus periit, multis ille scriptis incla-  
ruit. Scripsit librum cui titulus *Jordani*  
*Bruni Nolani Camæracensis Acrotismus, seu*  
*rationes articulorum phisicorum adversus*  
*peripateticos Parisiis propositorum*, reimpres-  
sus Wittenberg. 1588. ibidem invenies  
Epistolam ad *Henricum Tertium* Galliæ  
Regem, & aliam Parisiensibus, & aliis è  
generosissimis Galliarum regno philosophis.

Dicitur ab adversariis illum affirmâsse plures mundos extitisse ab æterno, atque gentem Judaicam tantummodo ab *Adamo* & *Evâ* esse oriundos, nationes vero alias ab aliâ stirpe, Adamiticâ multò antiquiore factos, insuper miracula Moisaica magiæ mera fuisse effecta, insuper libellum scripsit cui titulus *Spatio della bestia triumphante*, in quo primum dum multo sale depexum dat gentilismum, & Jovem ipsum vitæ postulat infamis, tum postea totis nititur viribus ostendere *Evangelia CHRISTI* poetarum fabulis multo esse absurdiora, ideóque in campo Floræ in Româ combustus Feb. 9. 1600. creditur *Cartesium* a *Bruno* sua principia ut plurimum hausisse, “ Extitit inter  
“ novitios philosophos *Jordanus* quidam  
“ *Brunus Nolanus*, quem *Cartesianæ* doctrinæ antesignanum jure dicas: adeò accuratè omnem propemodùm ejus compositionem præsignavit in eo libro de immenso & innumerabilibus inscripsit.”  
Cens. Philosoph. Cartesian. cap, 8. p. 215. edit. Paris. 1689. apud *Bæylium*. Ex libello cui titulus *Giordano Bruno Nolano de la causa, Principio, & uno*, Stampato in Venetia, 1584. hæc pauca excerpisse placuit. “ E  
“ si ha per modo di conclusione, che è  
“ cosa indegna di rational posser credere  
“ che l'unoverso & altri suo corpi principali sieno inanimati; Essendo che da le  
“ parti & escrementi di quelli derivano gli  
“ animali che noi chiamiamo perfettissimi.”

Quæ sane verba videntur innuere omnibus perfectionibus vitâ putâ & intellectu materiam suâ naturâ esse instructam, quod erit manifestum ex sequentibus; “ gli Aristoteli, Platonici & altri sofisti non hanno conosciuta la sostanza de le cose, & si mostra chiaro che nelle cose naturali, quanto chiamano sostanza oltre la materia, tutte è purissimo accidente.” Quæ verba omnem notionem *mentis* vel *spiritus* è medio tollit, quam thesin pro fundamento suæ philosophiæ postea posuit *Spinosæ*. Porro laudat hæc sua principia, utpote ad vitæ felicitatem utramque paginam facientia, quia metum inferni atque mortis prorsus dissipat. “ Et che da la cognitione de la vera forma s' inferisce la vera notitia di quel ch'è vita, & di quel che sia morte; & spento à fatto il terror vano & puerile di questa; si cognosce una parte de la felicità che apporta la nostra contemplatione secundo i' fondamenti de la nostra philosophia: atteso che lei toglie il fosco velo del pazzo sentimento, circa l'orco, & avaro Caronte onde il più dolce de la nostra vita ne se rape, & avelena, & p. 25. sequentia carmina posuit:

*O genus attonitum gelidæ formidine mortis,  
 Quid Styga, quid tenebras, & nomina vana  
 timetis,  
 Materiam vatam, falsique pericula mundi?  
 Corpora*

*Corpora sive rogos flamma, seu tabe vetustas  
Abstulerit, mala posse pati non ulla putetis.*

neque per animam aliud videtur intelligere  
nisi animæ mundi particulam, “ Non vo-  
“ lete, *inquit*, chesia altera forma che  
“ questa æterna compagna di la materia.  
“ Hor quanto alla causa, effettrice, dico l’  
“ efficiente physico universale, che é la pri-  
“ ma & principal faculta del anima del  
“ mondo;” & postquam affirmâsset ani-  
mam mundi causam esse efficientem om-  
nium rerum, explicat his verbis quid ille  
per animam mundi intelligit, & per intel-  
lectum universalem, “ L’intelletto univer-  
“ sale é l’intima piu reale, & propia facul-  
“ ta é parte potenziale de l’anima del  
“ mondo, questo é uno & medesimo che  
“ empie ill tutto, illumina l’universo &  
“ indrizza la natura à produrre le sue spe-  
“ cie come si conviene, & cossi ha rispetto  
“ alla produzzione di cose naturali come il  
“ nostro intelletto, alla congrua di specie  
“ rationali.” Si plura desideraveris de hoc  
*Bruno vid. Epist. Caspar. Sciopii à Doctiss.  
viro Domino la Croze Edit. in Dissert. Gal-  
lic. de Atheism.*

## CAPUT VIII.

§. I. **Q**UA'M ferax porrò monstrorum  
istorum fit *Gallia* (inquit *Spize-  
lius*) non ipsa solum testatur experientia,  
verùm cumprimis etiam libri, tractatusque  
varii contra Atheos vernaculâ ibidem editi,  
imò una *Lutetiâ*, Anno 1623. jam 500  
continebat Atheos, ut *Mersennus* ait, Com-  
ment. in *Genesim*, cujus etiam hæc sunt  
verba; *Ne quis suspicetur, me injuriâ con-  
queri, vel enim paucos, vel nullos esse, qui  
DEUM negent; sciat velim, non solum in  
Galliâ, sed etiam in aliis regnis, tantam  
esse nefandorum Atheorum multitudinem, ut  
jure mirari possimus, quomodo DEUS eos  
vivere sinat, quippe qui bonitatem infinitam  
in eis ad respicientiam expectandis effundit.*  
Conqueritur similiter in præf. Tract. cui  
titulus *Questiones rares, &c.* ad Cardinal.  
*Richelieu*, " Quod ante aliquot annos im-  
" pietas sub nomine Atheismi vomuerit  
" blasphemias contra DEUM, quæ etiam  
" flammis in terris sit expiata; sed quod  
" renata sit in corde Galliar, ex cineribus  
" infelicis illius (*Vaninum notat*) alia secta,  
" quæ sub nomine magis specioso exposu-  
" erit venenum, magis contagiosum, quàm  
" prius. Complices hujus sectæ fabricasse  
" sibi nomen *Deistarum*, ad animas simpli-  
" ciores & credulas decipiendas.

## §. II.



§. II. Mittam in præsentia *Rabelesium* aliosque Gallos à multis Atheismi postulatōs, & mentem appellam ad historiam cumprimis *Julii Cæsaris Vanini*, cujus vitam atque vivicomburium descripsit fusc Gramondus. "*Lucilius Vaninus*, inquit, " apud plerosque pro hæresiarchâ habitus, " qui DEUM negat. Medicinæ professor " erat nomine, sed re, seductor incautæ " juventutis, DEUM ignorabat, sorte om- " nia fieri existimabat, naturam pro ma- " tre optimâ, & omnium nutrice adora- " bat; ut dici possit ex multis error unus, " quem pervicaciter profitebatur Tholosæ. " Gente Italus, literarum rudimentis Ro- " mæ imbutus, philosophiæ & theologiæ " incubuerat, magnâ spe; cum ad impia " prolapsus, sacrum sacerdotii characterem " polluit libro infami, quem scripsit in " hunc titulum, *de Arcanis Naturæ*, quo " non erubuit profiteri, naturam rerum " omnium Deam. Ob crimen, cujus in " Italiâ reus agebatur, in Galliam profu- " gus, Tholosam venit. Delituit *Vaninus* " per tempus, donec illum libido in glo- " riam adegit, ut fidei catholicæ arcana " vulgaret, in problemata primum; dein " in irrisum. Statim altâ admiratione " capti adolescentes, quibus inter nova " placent maximè, quæ probantur paucis, " &c. *Lucilius* ferocitate contumax, dum " in patibulum trahitur, monachi solatium " asper-

“ aspernatus, objectam crucem averfatur,  
 “ Christoque illudit in hæc eadem verba;  
 “ illi in extremis præ timore imbecillis sudor,  
 “ ego imperterritus, inquit, morior. Falso  
 “ fanè imperterritum se dixit scelestus ho-  
 “ mo, quem vidimus dejectum animo,  
 “ philosophia uti pessimè, cujus se menti-  
 “ ebatur professorem. Erat illi in extre-  
 “ mis aspectus ferox & horridus, inquieta  
 “ mens, anxium quodcunque loquebatur;  
 “ & quamquam philosophicè mori se cla-  
 “ mabat, identidem finivisse vitam ut bru-  
 “ tum, nemo negaverit. Antequam rogo  
 “ subderetur ignis, jussus sacrilegam lin-  
 “ guam cultro submittere, negat, neque  
 “ exerit, nisi forcipum vi adpressam, car-  
 “ nifex ferro abscidisset. Reliqua absump-  
 “ sit ignis, in aërem sparsi cineres.” Va-  
 riis scriptis inclaruit *Vaninus*, imprimis li-  
 bro, cui titulus, *Amphitheatrum Æternæ*  
*Providentiæ Divino-Magicum, Christiano-*  
*Physicum, necnon Astrologico-Catholicum; ad-*  
*versus veteres Philosophos, Atheos, Epicureos,*  
*Peripateticos, & Stoicos, Lugduni impresso,*  
*apud viduam Antonii de Harsy, ad insigne*  
*Scuti Colonienfis, 1615. cum Privilegio Re-*  
*gis, porrò honestissimis Approbationibus atque*  
*Carminibus ornato; Ex quibus non possum*  
 quin verbum unicum, exempli gratiâ, consulto  
 interponam: illa autem approbatio sic habet  
*R. D. D. Franciscus du Soleil, Officialis or-*  
*dinarius, & Metropolitanus, nec non Vica-*  
*rius Generalis Substitutus Illustrissimi & Re-*  
*verendissimi*

*verendissimi Domini Archiepiscopi Lugdunensis, Galliarum primatis; liber, qui inscribitur Amphitheatrum Providentiæ Æternæ Divino-Magicum, Authore Julio Cæsare Vanino, Philosopho, Theologo & Juris utriusque Doctore, ut in lucem edatur facultatem concedo, Lugduni die 6. Junii 1615. Huic Approbationi altera substituitur, quæ ita se habet: Has Exercitationes partim Theologicas, Ego Jacobus Davaeyne, Regis Procurator, typis mandari, tum demum in lucem edi consentio. Alias approbationes, ne cui multus videar, & æquo longior, prudenter transeo.*

§. III. Sed fortassis scire percupis; unde hic liber tantis ornamentis atque laudibus condecorandus fuerit à viris eruditis, quorum est officium, libros cognoscere? rationem unam atque alteram tecum communicabo; earum prima hæc est, *Vaninus* ubique fictâ religionis specie, atque pietate erga Pontificem & Jesuitas non vulgari, scripsit defensionem Concilii Tridentini, *Lutherum, Calvinum, Chemnitium* sugillavit, ut ille ipse memorat. Ego Catholicæ matris Ecclesiæ filius in Apologiâ pro Tridentino Concilio, in Decreto de Sanctorum invocatione scripsi adversus *Lutherum*, existimantem B. Franciscum ex vehementi erga Christum amore, propriis manibus seipsum ferro stigmatizasse, quod à vero alienum est, quandoqui-

M

“ dem

“ dem sic mortem sibi conscivisset, vel vi-  
 “ tam saltem manifesto periculo, ob ina-  
 “ nem finem exposuisset, quod de seraphi-  
 “ co viro præsumendum non est,” pag. 70.  
*Quantum attinet ad Societatem Jesu,* “ Pi-  
 “ etatis & eruditionis altricem, Romanæ  
 “ Ecclesiæ, & splendori fuisse, & ornamen-  
 “ to, ipsamque DEI immortalis munere,  
 “ tanquam Romanæ Ecclesiæ Palladium,  
 “ cæterarum religionum columen, totius  
 “ universitatis anchoram hominibus esse  
 “ concessam existimat.” *Epist. ad Lecto-*  
*rem.* Unde dubio procul benignius de hu-  
 jusmodi Viri scriptis proclive erat, ut ejus  
 temporis censores judicarent. Insuper in  
 hoc libro multa extant argumenta elegan-  
 tissima contra veterum philosophorum er-  
 rores, ut facilè rapiat incautorum animos  
 in admirationem sui.

§. IV. Librum claudit his verbis, sicque  
 etiam summum illum rerum omnium Ef-  
 fectorem, Conservatorem, & Gubernato-  
 rem DEUM, in novissimo libri hujus mar-  
 gine, cum gratiarum actione putavimus  
 exorandum.

*Dei supremo percita flamine  
 Mentem voluntas extimulat meam:  
 Hinc pernegatum tentat alta  
 Dædaliis iter ire cereis,  
 Audetque Cæli non memorabile  
 Metare numen, principio carens,*

*Et*

*Et sine, definire Musæ*

*Exiguæ breviori gyro.*

*Origo rerum, & terminus omnium,*

*Origo, fons, & principium sui,*

*Suique finis, terminusque,*

*Ubique totus, tempore in omnibus*

*Omni quiescere ipse Deus locis,*

*Partes in omnes distributus,*

*Inter usque manens ubique.*

*Nec comprehensum ullis regionibus,*

*Ullisve clausum limitibus loca*

*Tenet, sed omnis liber omne*

*Deditus in spatium vagatur.*

*Illius alta est velle potentia,*

*Opus, voluntas invariabilis,*

*Et magnus absque est quantitate,*

*Atque bonus sine qualitate.*

*Quod dicit, uno tempore perficit,*

*Mirere, fiat vox vel opus prius:*

*Cum dixit, en cum voce cuncta*

*Universa simul creata.*

*Cuncta intuetur, perspicit omnia,*

*Atque in sua unus, solus est omnia,*

*Quæ sunt, fuerunt, & futura,*

*Prævidet ipse perennitate,*

*Atque ipse plenus, cuncta replet, sui,*

*Et semper idem: sustinet omnia.*

*Et fert, movetque, amplectiturque,*

*Absque supercilio gubernat.*

*Te, te tandem respice me bonus,*

*Tibique nodo junge adamantino,*

*Id namque solum unumque & omne,*

*Reddere quod potis est beatos,*

Quicumque junxit te sibi, & altius  
 Uni adhærescis, continet omnia,  
 Teque omnibus circumfluentem  
 Divitiis, nihilque egentem.  
 Tu, cum necesse est, nulli deficis,  
 Ultroque præbes omnibus omnia.  
 Ipsumque te, qui sis futurus  
 Omnibus omnia, subministras.  
 Laboriosis tu vigor inclitus,  
 Tu portus alto navi fragantibus,  
 Tu fons perennis perstreptentes  
 Qui latices salientis ardent.  
 Tu summa nostris pectoribus quies,  
 Tranquillitasque & pax placidissima,  
 Tu mensus es rerum modusque,  
 Tu species & amata forma.  
 Tu meta, pondus, tu numerus, decor,  
 Tuque ordo, tu par atque honor, atque amor  
 Cunctis, salusque, & vita, & aucta,  
 Necesse & ambrosia voluptas.  
 Tu verus altæ fons sapientiæ  
 Tu certa spes, tuque æviterna  
 Et ratio, debita, veritasque,  
 Decus, jubarque, & lumen amabile,  
 Et lumen alium, atque inviolabile,  
 Tu, summa summarum, quid ultra?  
 Maximus, Optimus, Unus, Idem.

Hæc certè carmina nullam sapiunt im-  
 pietatem, nisi ex saccharo exprimere velis  
 venena, atque ex melle virus præsentissi-  
 mum, interpretes sinister atque inconditus.  
 Multa alia scripta theologica exaravit *Va-*  
ninus

*ninus*; nimirum, Apologiam pro legis Mosaicæ & Christianæ religionis veritate, pro immortalitate animæ; quæ si extarent, manes fortasse auctoris purgarent ab omni suspitione turpissimæ impietatis, et carbone nigro notarent cleros Gallicos atque *Gramondum* qui hunc miserculum traderunt flammis, &

*Tange tigilinum & tædâ lucebis in illâ.*

JUVENAL.

Cave, irrites ecclesiasticos, habent scænum in cornu, & potestatem vitæ & necis, magistratum civilem etenim habent in manu, ut miles gladium. Vide Apologiam pro *Vanino*.

## CAPUT IX.

§. I. CLARUIT in Galliâ multo ante, tempore scilicet, *Caroli IX.* & *Henrici III.* *Johannes Bodinus*, qui a nonnullis impietatis postulatur, propter librum ab eo scriptum, cui titulus *Heptaplomeres de abditis rerum sublimium arcanis*; non à numero librorum, ut *Claudius Sarravius*, in *Epist.* p. 325 conjectat, sed septem personarum

sonarum numero colloquentium, quos libris illis induxit, ita dictus. In illo autem *Paulo Coronæo* partes dedit agendas religionis Pontificiæ, *Frederico Podamico* Lutheranorum, *Antonio Curtio* Reformatorum, *Hieronymo Seuamo* Indifferentium, *Diego Toralbæ* Naturalistarum, *Solomoni Barcassæ* Judæorum, & *Octavio* tandem *Fagnolæ* Mahommedanorum. Eâ verò ratione inter se colloquentes committuntur, ut præcipuè Judæi, inde indifferentes, tandem naturalistæ palmam obtineant; reliqui verò instructi levibus argumentis, responsionibus suis titubent & hallucinentur, & præter naturalistas, causâ suâ cecidisse quisque videatur. Sic hætenus *Clar. Hartnaccius* in *Continuatione Histor. Eccles. Micrelii*, sed *Bælius* in *Dictionario* dicit, *Judæum ubique victorem*; & sunt, qui scriptum reliquerunt, *Bodinum* in sententiâ Judæorum è vivis decessisse; alii, eum fuisse Magum, memoriæ tradiderunt: sed omnia incerta, hoc tamen, opinione omnium, certissimum est, fuisse sui temporis Jurisconsultorum facile peritissimum.

§. II. *Bodino Edwardum Herbertum* adjungitur Comes de Cherbury, & par Angliæ quem & *Kortholtus*, in libello de *tribus Impostoribus*, omnium trium primum facit, atque ejus opiniones de industriâ explicat & refellit, quarum summariæ atque præcipuæ hæ sunt, quæ & *Bodino* communes,



nes, (1.) Esse supremum aliquod Numen. (2.) Coli debere. (3.) Virtutem pietatemque esse præcipuas partes cultus divini. (4.) Scelera quæcunque expiari debere pœnitentiâ. (5.) Dari præmium & pœnam post hanc vitam. Ex quibus abundè constat illum non fuisse Atheum, sed virum profecto optimum, qui bene cupiebat humano generi; ut ejus liber auro contra charior testabitur abunde seris nepotibus.

§. III. Properat nostra oratio ad virum longe celebratissimum *Thomam Hobbesum*, An. 1588. *Aprilis* 5. Malmesburiae, agri Wiltoniensis oppido natum, præmaturo quidem partu, matre nempe, imminentis classis Hispanicae portubus Anglicanis metu percussâ. Patrem habuit ejus loci verbi divini ministrum, ut tempora atque locus ferebant, satis doctum. Anno ætatis octavo *Roberto Latimero* Oxoniensi commendatus fuit, apud quem prima literarum rudimenta poneret, sub cujus ductu in Latinis atque Græcis progressus fecit, ut condiscipulos longis intervallis post se relinqueret. Anno 1603. ætatis vero decimo quinto Oxonium missus in aulam Mariæ Magdalensæ, cui eo tempore *Jacobus Hussæus* Legum Doctor, postea Eques auratus, & Cancellarius Sarisburiensis, præfectus erat; summum quoque eâdem tempestate, magistratum Malmesburiae agebat *Franciscus Hobbes*, Thomæ hujus patruelis: is non tantum

tantum illum Oxonii per quinquennium suis sumptibus aluit, sed & postea moriens haud parum illi testamento legavit. In hac Academiâ Logicæ præcipuè atque Physicæ Aristotelicæ, prout ex mente *Scoti* prælegebantur, operam dedit, cursuque illo Philosophiæ emenso, Baccalaurei titulo ornatus est. Anno 1608. *Gulielmus Caven- dish*, Baro de Harwich, postea Devonix Comes, Juvenem doctum & moribus gravem, filio suo natu maximo, annis prope- modum æqualem, eique eo gratiorem fu- turum, sibi dare præoptavit, qui studiis scilicet & moribus ejus præficeretur; atque Præses tunc aulæ Mariæ Magdalenæ, *Jo- hannes Wilkinson*, præ cæteris ei hanc in rem laudavit *Hobbium*. Hic quoque illus- tris Juvenis latus assiduè textit, artibus hoc genere dignis eum imbuir, in venatione omnibusque ejus generis exercitiis fuit Comes discipulo individuus, ut patris atque filii singularem sibi conciliaret favorem, atque dignus haberetur, quem in Galliâ & Italiâ peregrinantem sequeretur. Illo in itinere, cum plurimis passim viris doctis colloquia instituit, exque iis aded profecit, ut sordere illi jam inciperet umbratilis sapientia academica; postea reversus, gratiam Candisianæ Gentis facile obtinuit, ut in amicitiam *Francisci Baconis de Verulamio*, Baronis & Vice-Comitis Sancti Albani, Magni Angliæ Cancellarii recipere- tur. Hic enim *Hobbii* vel maximè opera,  
in

in scriptis suis ex Anglicano Idiomate in Latinam transferendis usus. Obiit autem An. 1626. *Guilielmus*, Devonix Comes & biennio post idem ille ejus filius, cui *Hobbius* Comes addictus fuerat. Huic dolori, cum in Angliâ solatium non inveniret, diverticulum saltem *Hobbius* quæsit in *Galliâ*, conditionem ferente Nobilissimo viro *Gervasio Clifton*, in agro Nottinghamiensi, ut scilicet filio peregrè ituro dux itinerum atque studiorum esset. Eo tempore annum tam quadragesimum prætervectus, Euclidis lectione, Demonstrationum scilicet perspicuitate & continuâ serie delectatus, huic postmodum viæ in primovendis aliis quoque scientiis insistere constituit. Anno 1631. à Comitissâ Devonix revocatus est, ut filii sui tredecim annorum studiis præset: pro grato itaque erga patrem fratremque affectu, eam curam libentissimè accepit, & cum eo Anno 1634. Parisios abiit, ibique cum *Martinio Merfeno*, Ordinis Minorum, & *Petro Gassendo*, celeberrimis Mathematicis, ferè quotidie colloquutus, in promovendâ rerum naturalium scientiâ omnem operam impendit: atque licet An. 1637. cum Comite suo in Angliam rediret, cum celeberrimis his tamen philosophis literarum commercia continuavit, donec ingrueret bellum civile in Angliâ? *Hobbius* eapropter quantocyus in Galliam ad eos, ut diximus, viros celebres contendit, ubi honestissimo otio literario usus est (dum horrida bella affligerent suam patriam) atque

que ibidem conscripsit librum de *Cive*. Obiit 1679. ætate gravissimus. Anno sequenti Hobbesianismi Anatomen *Gisbertus Coquius*, Verbi Divini in Cokengen Minister edidit. *Ricardus* autem *Cumberlandus*, Episcopus *Pet.* disquisitione de legibus Naturæ, Philosophiæ Hobbesiæ Elementa accuratissimè expendisse videtur. Si fortè plura quis de ejus fatis percipiat scire, consulat eos, qui vitam *Hobbessii* solutâ oratione & ligatâ conscripserunt.

§. IV. Quantum attinet ejus scripta, non sunt unius argumenti, neque idiomatis.

§. V. Ejus errores, quàm brevissimè potero, hic adjungam, uti apud *Clar. Hartnaccium* ex *Hobbessii* scriptis excerptos invenio. (I.) Scriptura sacra dicitur verbum DEI, non tàm ratione principii, à quo est prolatum; quàm objecti, de quo agit; imò nec nominis inspirantis, sed hominis tantum scribentis. (II.) Fides ergo nostra, quam habemus Scripturæ S. non nititur auctoritate DEI; sed existimatione de personâ, quæ eam revelationem literis complexa est. (III.) Prophetas autem DEUS miraculis editis commendavit populo, ut fide dignos. (IV.) Semina religionis naturalis sunt metus spirituum, eventus fortuiti, & quæ ex hominum phantasia judiciis, passionibus, aut consiliis diversorum diversis nascuntur. (V.) Religio omnis resolvitur

in fidem, quæ illius personæ habetur, qui isthoc ad nos defert. (VI.) Atheismus ergo, peccatum utut gravissimum, tamen imprudentiæ tantum est; etsi enim nonnulli ratione naturali existentiam Summi Numinis investigare possent: hoc tamen non omnium est imprimis qui seculo ejusque bonis adhærent. (VII.) Quemadmodum DEUS sub conditione benedictionis obligabat sibi ad cultum Abrahamum: Ità hic quoque sibi posteros ad eundem sibi cultum obstringendi jus, vi superioritatis suæ habuit. (VIII.) Autoritas itaque supremi magistratûs constituit in populo, ut S. Scriptura sit regula fidei, eamque persuadent porrò auditoribus suis verbi divini ministri. (IX.) Libros V. T. ab iis autoribus esse scriptos, quorum nomina præ se ferunt, perquam dubium est. Vix origo eorum altius, quam ad *Esdram* deduci potest, qui auxilio Spiritus S. eos restituisse dicitur. N. T. demùm libri publicâ autoritate, quarto Seculo, à Concilio Laodicensi recepti sunt. (X.) Summa interpretandi potestas penes eum est, qui habet summum imperium; in rebus fidei penes ecclesiam, quatenus à CHRISTO illud donum habet per impositionem manuum. (XI.) Unicus fidei articulus est, ad quem reliqua credenda referuntur omnia, nimirum, quod JESUS sit CHRISTUS. (XII.) Quoniam quicquid verè est, corpus est, neque magnum aliquid fingi potest, nisi corporeum,

poreum, DEUS utique maximum omnium corpus est: hoc passim sustinet seridò, & defendit, auctoritate *Tertulliani*, atque, à Concilio *Nicæno* non definitum, DEUM esse incorporeum. Vid *Leviathan*, cap. 46. 528. Deinde, inquit, nata est opinio de substantiis incorporeis, id est, nullam habentibus magnitudinem, & quod DEUS ipse Optimus Maximus magnitudinem non habeat, quanquam neque Substantia Incorporea, neque Substantia Immaterialis in *Scripturâ sacrâ* inveniatur. (XIII.) Non possumus DEI ideam, aut conceptum in mente aliquem habere, quoniam infinitus est. (XIV.) Voces Hypostasis, Persona, Generatio, Processio incommode in Divinitate adhibentur; præstat mittere argutias illas, & *Scripturæ* verbis loqui. (XV.) Angeli non sunt substantiæ spirituales, sed apparitiones tantum, aut motus à DEO hominum mentibus immissi, ad voluntatem suam iisdem significandam: mali verò, vel prava hominum consilia, vel improbæ mentis terculamenta, vid *Leviathan*. cap. 34. p. 186. *Angelus* vox Græca, apud scriptores tam sacros, quam profanos significat *Nuncium*; in scripturis autem sacris plerumque *Nuncium à DEO*: Nuncium autem à DEO est omne id, per quod DEUS supernaturaliter præsentiam, sive potentiam suam extraordinariam manifestam facit, præcipuè verò in somniis atque visionibus. De creatione angelorum in *Scripturis Sacris*

cris nihil diversis verbis traditur. Scriptores igitur ecclesiastici de naturâ angelorum dissentiunt. Veterum autem patrum nonnulli corporeos eos putaverunt, alii nonnulli incorporeos. Vocantur passim in Scripturâ Sacrâ spiritus, sed spiritus tum à scriptoribus Judæis, tum Græcis, modo corpora subtilia, ut aër, ventus, spiritusque animalium, modò phantasmata existimantur, quæ nec realia sunt, nec diutius permanent, quàm somnium & visio, in quâ apparent. Quæ phantasmata, five apparitiones, etsi substantiæ non sint, sed accidentia organorum sentiendi, quando tamen à DEO ad voluntatem suam significandam, supernaturaliter producuntur, non improprie nuncii à DEO, id est, angeli appellantur. (XVI.) Intellectus homini communis cum brutis, quia ab his prudentia sæpe vincitur. Sermonis tantum & ordinis beneficio has facultates ulterius promovet. Neque enim illa ratio nobiscum nascitur, uti sensus; sed ejusmodi facultas quædam, quæ prout exercetur magis atque magis, rectius porro præstantiusque vires suas exerit; adeò ut vix quædam in his hominis à bruto secundum essentiam sit differentia. (XVII.) Anima rationalis non legitur in Scriptura Sacra, condita à DEO naturâ suâ immortalis, aut substantia incorporea, sed resuscitabitur solum homo ante diem judicii, per redemptionis Christi gratiam. (XVIII.) Origo juris DEI in creaturas

creaturas, summa illius potestas est cui non potest resisti. Postea intercessit pactum cum hominibus, apud quos pro temporum ratione diversâ diversimode illud administravit. Succedit autem Patri post iudicium extremum in regno illo Christus, qui id sibi redemptione generis humani jus peperit. (XIX.) Venit autem Christus in mundum, ut Patri regnum, quod in electione *Sauli* à populo rejectum fuerat, restitueret, & sibi per pactum in Baptismo regnum aliquando pararet: & quamvis mors ejus pro omnium peccatis non satisfaceret, id tamen præstaret, quod DEUS summè misericors in pretium redemptionis lege postulaverit. (XX.) Quemadmodum supremus magistratus non injustè agit, quando innoxio vitam eripit: ita subditi quoque evitandi supplicii causâ, contra magistratum possunt insurgere. Vid. *Leviathan*. c. 21. p. 106. Contingere ergo potest, & contingit sæpe in civitatibus, jussu summam habentis potestatem, innocentem etiam sine injuriâ interfici; ut quando filiam suam occidit jussit *Jephtha*: etiam in occisione *Uriæ*, etsi rex *David* iniquè fecit, & contra DEUM graviter peccavit, contra *Uriam* tamen non peccavit, qui facti illius authorem se fecerat, **TIBI SOLI PECCAVI**; sunt verba ipsius *Davidis* ad DEUM, à DEO enim solo obligari potuit rex; hic excitat reges contra subditos, & eos erigit in tyrannos; sed



p. 106. incitat subditos contra reges, & clasticum canit ad rebellionem; & certò ut cò semper tendat Atheorum doctrina, necesse est, quò nullam aliam agnoscant potestatem, neque tribunal post hanc vitam: & quod ad hanc vitam attinet, principi obediendum, quia is timendus est. (XXI.) Non potest firmiter probari, cruciatus impiorum æternos fore. *Leviath. c. 44. p. 295. Per hanc, inquit, fenestram (scilicet immortalitatem animæ) doctrina illa tenebrosa intravit, de CRUCIATIBUS ÆTERNIS & de POENIS PURGATORII.* DEUM denique esse disertè negat his verbis: Quod autem res eadem & *spiritus* sit & *corporea*, intelligi non potest; spiritus enim loco & figurâ, id est, terminis & magnitudine suâ aliquâ determinatur; & proinde corpus est, utcunque tenue & insensile, illi igitur, qui mediatione propriâ in cognitionem venerunt unius infiniti, omnipotentis & æterni DEI, maluerunt illum supra intellectum nostrum incomprehensibilem esse confiteri, quàm naturam ejus per *spiritum incorporeum* (præter Scripturæ auctoritatem) definire, & deinde confiteri definitionem illam non esse intelligibilem: sed DEUM esse spiritum incorporeum dixerunt fortasse non dogmaticè, ut naturam divinam per ea verba comprehenderetur, sed ex intentione piâ, DEUM attributo aliquo honorandi, quod corporum visibilium crassitudinem à  
DEO

DEO removerent, quæ verba docent *Hobbesii*, DEUM esse materiam subtilissimam; quæ certè naturâ suâ condensationem non respuit, quemadmodum contrà, materia quæque crassissima naturâ suâ possit ità rarefieri, ut tandem deveniat *Hobbefio* omnipotens & æternus DEUS. Sed quantumvis crassè & impiè de DEO scripserit hi c materiæ venerator, plures tamen habuit defensores valde benevolos atque ingeniosos, qui multis salibus magnum *Hobbesii* Leviathan inspergunt diligenter, ut omnibus lectoribus cibus fiat delicatissimus; sed frustra certè & incassum, persuadebunt illis qui gustu non depravato noscunt inter mentem cogitandi facultate præditam & materiam inertissimam distinguere; neque quicquam adjuvare potest comparatio nuper posita inter *Hobbesium* & *Tertullianum*, qui & etiam DEUM corpus appellâsse legitur; cum non ex voce aliquâ inconsideratè forsan positâ, sed ex scopo authoris, ex toto contextu & ex argumentorum indole judicandum est. Omnis *Hobbesii* ratiocinatio eò tendit ut omnem substantiam immaterialem, DEUM, angelos, mentem humanam prorsus destruat, ut interea materiæ, τῷ Pan DEO suo, omnia studia sua, cogitationes atque cultum tribuat. Novimus quoque maximam differentiam inter *Tertulliani* tempora, & *Hobbesii* esse ponendam, cum non ità accuratè vel cautè in vocibus adhibendis esse solebant istius seculi scriptores.

CAPUT

CAPUT X.

**J**AM tandem ad Atheorum principem devenimus *Benedictum Spinosam*, virum initio Judæum, sed postea ob portentosas suas opiniones excommunicatum; atque sic tandem, nescio quibus artibus & fraudibus, inter Christianos nomen professum, & ab illo tempore à Judæis vulgo, *Arur Spinosam* dictum (id est) *maledictum*. A juventute dedit operam literis cum Rabinis, & linguæ Latinæ atque *philosophiæ Certesianæ*, sub auspiciis *Franscisci van Ende*, hominis Athei, cui Atheismum *Spinosæ* acceptum referunt Judæi. Et postquam frustra tentâssent ei persuadere, ut opinionibus suis impiis renunciaret, extruserunt eum ex societate Judaicâ, ut inter Christianos venenum suum vomeret. Et quidam ejus gentis illum comædiâ egredientem, insidiosè adortus cultro leviter vulneravit, eoque suspicionem injecit, mortem sibi fuisse structam. Exin totus eos deseruit, & Christianorum se cœtui adjungens, Baptismo tinctus est, & velut linguam Hebræorum cum gente exosus, *Baruchi* nomen cum nomine *Benedicti* commutavit. Discessionem suam *Apologia* Hispanicè scripta defendit; hæc non impressa fuit, constat tamen, multa ibi contenta fuisse, quæ jam inserta leguntur detestando & pernicioso tractatui theologico, qui Amstelodami,

dami, non, ut mentitur titulus, Hambur-  
gi, Anno 1670. editus, ac postea in Galli-  
cum sermonem translatus fuit.

*Spinosæ* philosophiam exolenti, cum nec  
præceptores nec ullus scriptor, ullâve doc-  
trina pro voto satisfacerent, ille summâ  
sciendi cupiditate flagrans, sed rationis suæ  
ambitosæ malè argutæ viribus, magis quàm  
divino auxilio, fretus, quid ingenio suo va-  
leret, experiri decrevit; *Cartesique* scrip-  
ta philosophica præ cæteris in consilium  
adhibuit. Postquam igitur se ab omnibus  
occupationibus expedivit; urbem Amstelo-  
damum, ubi natus & educatus fuit, quò  
minus ab amicorum salutantium frequen-  
tiâ interPELLARETUR, reliquit; Et conver-  
sationi omni quasi renuntians, celebrita-  
tem cum solitudine permutavit, Rheno-  
burgi primò, tum Voorburgi, & tandem  
Hagæ-Comitis sedem suam figens. In isto  
secessu in inquisitionem veritatis pertina-  
ci industriâ incubuit; simul se in opticis,  
& tornandis polèndisque vitris, quæ telef-  
copiis, microscopiis inservirent, exercens.  
In institutum suum tantâ animi contenti-  
one prosecutus est, ut per tres continuos  
menses pedem domo non extulerit. Imò  
cùm Palatinus Elector, Anno 1673. ipsi  
professionem philosophiæ in academiâ Hei-  
delburgensi, cum amplissimâ, sed religioni  
non obfuturâ, libertate philosophandi ob-  
tulisset; eam dignitatem recusavit, ne à  
promovendâ philosophiâ, ut ipse, in Epist.

54. scribit, cessare deberet. Sic dum rerum naturalium essentias & proprietates curiosè magis, quam piè rimatur, in errorem *Capitalem* incidit: DEUM & *Naturam* unum esse & idem.

Interim fama hujus Anachoretæ philosophici adeò se ruri non continuit, ut potius quæcunque ingenia quæ pro fortibus haberi vellent, ejus ambirent amicitiam. Condæus quoque Princeps, cum An. 1673. Ultratrajecti cum copiis Gallicis versaretur, *Spinofam*, literis publicis, ut sine periculo iter facere posset, instructum, Hagæ-Comitis ad se evocâsse dicitur, ut cum auctoritate tractatûs illius famosi sermonem haberet. Si tenorem vitæ & mores spectes, non tantum ex eo tempore, quo evangelium cœpit profiteri, Mennonitarum aut Arminianorum cœtus Amstelodami frequentavit, sed etiam ab amicis, & agrestibus, cum quibus arctius vivebat, hoc testimonium obtinuit: esse hominem affabilem, honestum, officiosum & moribus compositum; quo etiam solo, dicam Atheismi ab aliquo sibi scriptam, Epist. 49, amovit. Ad postremum Hagæ-Comitis 23. Febr. postquam annum ætatis 44. excesserat, phthisi mortuus est, de Atheismo suo firmiter ut ferunt, persuasus; aut saltem ejus professioni inhærens. Nam paulò ante obitum mandavit, ut *Ethica* sua imprimeretur. Valdè autem cavit, ne qua immutati animi memoria de se extaret: nam seriò cu-

rare jussit, ut si se morti vicinum vis morbi contra systema suum forte moveret loqui, omnes suspectæ fidei arbitri, nominatim ecclesiastici, removerentur.

*Johannes Christoph. Sturm* in Dissert. de *Cartesianismo*, oculis se eum usurpasse pag. 165. refert, & testatur, fuisse *Spinosam miserandum homuncionem*, vitam egisse in obscuro, neque tum ausum execrandas opiniones suas divulgare. Inclaruit imprimis *Traſtatu Theologico-Politico de libertate philosophandi*; ut, sub philosophandi libertatis prætextu, ei suam impietatem eructare esset integrum, ansam verò hujus libri publicandi in præfatione author sibi fuisse profiteretur mores & consuetudines, passim in ecclesiis Protestantium receptas; in quibus scilicet ex litibus lites ferantur & nascantur, sordida avaritia & ambitio dominetur, non honos & gloria DEI quærantur & nascantur, sed ipsi se doctores apud populum vanâ gloriâ jactent; librum modo dictum, primum suppresso nomine edidit, & quidem, ut titulus prodit, *Hamburgi*, apud *Henricum Künrath*, cum eodem tempore, scilicet, Anno 1670. nemo ibi ejus nominis, nedum bibliopola, vel typographus inveniretur; vicissim vero anno quoque 1684. specimen artis ratiocinandi eodem institutore Pseudonymo prodiit, utique ejusdem illius spinosissimi scriptoris; in eodem enim refellit, nonnunquam *Blyenburgium*, qui linguâ Batavâ Ethicam ejus per-

perstrinxerat, quam Anno 1690. *Christoph. Wittichius* examinavit. Cæterum tractatum illum Theologico-Policum refutare aggressus est pariter anonymus J. M. V. D. M. in Epistolâ ad Amicum, editâ Ultrajecti ex officinâ *Cornelii Nonart*. Porro hunc tractatum à capite ad calcem confutavit *Regenerus à Mansfield*, Professor Philosophiæ olim Ultrajectinus. Post obitum *Spinosæ*, à discipulo suo quodam, edita fuerunt opera posthuma ejusdem, in 4to. in quinque libros divisa: primus ejus *Ethicam*, secundus *Politicam*, tertius *de intellectu humano melius dirigendo*, quartus continet *varias Epistolas* ad viros doctos, & ab illis ad eum datas; quintus libellus *Grammatica Hebræa*. In Ethicâ geometricè procedit, qui postquàm definisset substantiam, esse ens per se subsistens; inde deduxit unicam in mundo esse substantiam scilicet DEUM, quo nomine indigitandæ veniunt omnes creaturæ, cujuscunque sunt generis, simul sumptæ; & hoc falsissimo & infirmissimo fundamento innituntur omnes ejus demonstrationes, *Orobis*, Medicus Judæus Amstelodamensis omnia *Spinosæ* scripta confutavit; quæ manuscripta apud *Orobii* nepotes servantur, ut retulit mihi *Dn. Meza*, Rabbinus atque Medicus Amstelodamensis celeberrimus. Porro *Velthuisen*, atque *Poiret* solidissimè *Spinosæ* impietatem corripuerunt, nec non doctissimus *Johannes How*, idiomate Anglicano, libro, cui

cui titulus, *The Living Temple*, acutissimè impietatem ejusdem atque absurditatem patefecit & refutavit.

§. II. *Spinosæ* autem dogmata ab *Hobbesio* hausisse dicitur. DEUM autem & Naturam esse synonyma, multi inter priscos tradiderunt, Vid. *Albert.* in 1. *phys. tract.* 3. lib. 13. apud *Bæilium*, "*Alexander Epicureus* dixit, DEUM esse materiam, vel non esse extra ipsam, & omnia essentialiter esse DEUM, & formas esse accidentia imaginata; & non habere veram entitatem, & ideò dixit idem esse substantialiter, & hunc DEUM appellavit aliquando Jovem, aliquando Apollinem, aliquando Palladem. Et formas esse peplum Palladis & sub veste Jovis." Sed inter *Spinosam*, & aliquos veteres Atheos hæc una differentia, quod illi raptim & confusè, hic magis prolixè & systematicè. Quandoquidem ergo, DEI negare existentiam, *borrendum facinus!* esse fatetur ipsemet præfationis operibus *Spinosæ* præfixa auctor; cujusmodi *reverà in Sapientes ne cadat, ne cadere possit*, omnem movit lapidem, qui præ cæteris mortalibus sapere & sibi & discipulis suis videatur. Cæterum mera sunt æquivocationum ludibria, quibus fucum incautioribus facere studet sceleratus nugator. Etenim DEUS, cujus existentiam videri vult agnoscere, non est ei Supremum illud Numen,



Numen, à quo, tanquam à primo auctore, five primâ causâ efficiente, (ut in scholis loquimur) omnia condita esse, omnia conservari ac gubernari, immoto animorum consensu nos credimus, & evidenter scimus: sed DE I nomine naturam intellige, id est, universum hoc, five quicquid ambitu suo complectitur hic mundus, ex se ipso & per seipsum ab æterno existens, nec ullam sui causam externam, five efficientem, five fatalem agnoscens. Deus namque & Natura ei passim sunt synonyma; & quod nunc huic, idem mox illi tribuere; imo partes naturæ, ipsius DE I Divinæque Essentiæ partes, conceptis verbis appellare non dubitat, in Demonstrationibus suis Ethicis. Sed ipsâ luce clarius evadat, *Spinosam* non agnoscere DEUM, qui mundi hujus conditor sit, eundemque gubernet & ipsi prospiciat, supra allatis testimoniis adjicimus locum alterum ex appendice Ethices, ubi palàm in eos invehitur homo extremè profanus, “ Qui credere non potuerunt, creaturas “ seipsas fecisse; sed concluderint, dari aliquem, vel aliquos naturæ rectores, humanâ præditos libertate, qui ipsis omnia “ curaverint, & in eorum usum omnia fecerint. Atque hinc statuerunt DEOS “ omnia in hominis usum dirigere, ut homines sibi devinciant, & in summo ab “ iisdem honore habeantur; unde factum, “ ut unusquisque diversos DEUM colendi “ modos ex suo ingenio excogitaverit, ut  
“ DEUS

“ DEUS eos supra reliquos delegerit, &  
 “ totam naturam in usum cœcæ illorum  
 “ cupiditatis & insatiabilis avaritiæ dirige-  
 “ ret. Vide quæso (itâ pergit) quo res  
 “ tandem evasit! inter tot naturæ commo-  
 “ da, non pauca reperire debuerunt, in-  
 “ commoda, tempestates, scil. terræ motus,  
 “ morbos & alia: atque hæc statuerunt  
 “ propterea venire, quod Dii irati essent  
 “ ob injurias sibi ab hominibus factas, sive  
 “ ob peccata in suo cultu commissa, &  
 “ quamvis experientia indies reclamaret,  
 “ ac infinitis exemplis ostenderet, commo-  
 “ da atque incommoda piis æque ac im-  
 “ piis promiscuè eximere, non ideo ab in-  
 “ veterato præjudicio destiterunt — pro-  
 “ certo statuo, Deorum Judicia humanum  
 “ captum longissimè superare. Quæ sanè  
 “ unica fuit causa, ut veritas humanum  
 “ genus æternum lateret, nisi Mathesis a-  
 “ liam veritatis normam hominibus osten-  
 “ disse.” Hisce omnibus non obstantibus,  
 adeò est impudens ac sine fronte maledic-  
 tus ille hypocrita, inquit *Kortbolt*, ut ne-  
 gare audeat, quidquam docuisse, quod pietati,  
 bonis moribus, & religiosæ virtutis praxi  
 possit derogare: Alia ejus dogmata, sc.  
 nullos esse Diabolos, vel Spiritus, nullum  
 Cœlum, vel Infernum; nulla esse præmia  
 aut supplicia, corollaria sunt ex superiori  
 dogmate sua sponte emanantia, neque ne-  
 cesse est, ut ea persequamur. Hæc itaque  
 dicta sunt de *Spinozâ*. Si quis plura scire  
 cupiat,

cupiat, adeat *Bæylii Lexicon*; *Hartnaccium* de hæresiarchis, *Kortholt* de tribus Impostoribus; *Jagerum*, qui fusè ejus dogmata enarrant; *Emanuel Weberus* eum tamen scripto Germanico defendere conatur.

Anno 1688. *Casimirus Liszynsky Podsedeck Brzesky*, Nobilis Polonus, in carcerem conjectus est ab Episcopo Wilnensi sub prætextu, quòd, quia DEUM negaret, omni jure esset destitutus. Hic quidem protestatus est contra tales injurias sibi illatas, cum nondum sit convictus, atque accusabat Clerum, quod inquisitionem Hispanicam introducere vellet. Clerus verò contra, cum reum facere cupiebat, non solum Atheismi, sed etiam, quod dixerit, matrimonium sacrum nihil nisi nudum esse pactum. Quapropter etiam filiam suam cognato cuidam rubi voluit, ob quam causam excommunicatus esset. Sed ut majorem speciem acquirerent hæ accusaciones, scriptum quoddam producebatur 15. paginarum, in quo argumenta contra DEI existentiam collecta erant, & simul hoc legebatur; *DEUS non est creator hominis, sed homo est creator DEI, quia DEUM sibi finxit ex nihilo*; ex quo manifestum esse putabant, hunc verum esse Atheum.

Senatores Reipubl. protestabantur contra hunc processum judicii ecclesiastici, quia antea cognitionem causæ habere debuissent. Sed his nihil moratis, illud judicium pergebat, & accusabat hunc homi-

P

nem

nem, coram Fisco Lithuanienſi, cui etiam ſe ità declarabat; “Divinam Majeſtatem  
 “agnosco ac veneror, in vicariâ ſui Chriſti  
 “majeſtate; ego adoro eum, qui eſt cre-  
 “ator, rector & conſervator mundi, ego  
 “verò ſum miſera creatura.” Simul ma-  
 lam corporis ſui conſtitutionem excuſabat,  
 ità, ut lingua ejus palato adhæreret, quare  
 advocatum ſibi concedi petiit. Porro eti-  
 am contra accuſatores ſe defendebat: “Ego  
 “credo DEUM eſſe, & quæ ſcripſi, non  
 “meo nomine ſcripſi, neque iis aſſentior;  
 “ſed ideò omnia, quæ alii ſcripſerunt,  
 “colligebam, ut in alterâ parte refutarem,  
 “& nova argumenta proferrem ad veram  
 “DEI eſſentiam confirmandam. Quod  
 “verò adjeci, *nos Athei credimus*, ideò  
 “factum eſt, quia Atheum loquentem in-  
 “troducebam. Sæpiùs miratus ſum, quod  
 “Alſtedius tam levia argumenta attulerit  
 “pro exiſtentiâ DEI, & ob hanc cauſam  
 “ea annotavi.” Inſimul adduxit fortiora  
 argumenta coram iudice pro exiſtentiâ  
 DEI, quam aliàs leguntur. Advocatus  
 ejus oppoſuit exceptionem termini illegiti-  
 mi, quòd non legitimè citatus & incarce-  
 ratus fuerat, cui verò per decretum regale  
 os occluſum eſt, & ultimus terminus ad  
 cauſam dicendam brevis ſatis indicabatur.  
 Tunc advocatus iterum probabat, accuſa-  
 tum nullâ laborare pertinaciâ in voluntate,  
 neque errore intellectu, ſiquidem tantum-  
 modo aliorum ſententias exſcripſerit ſine  
 appro-

approbatione, sed potiùs cum proposito eos refutandi. Cùm prætereà hic sensus ex ipsius vitæ curriculo satis appareat, quod teste toto comitatu, Christiano more peragebat, quid quod enim brevi ante suam captivitatem cœnâ sacrâ utebatur, & largas elemosynas porrigebat. Scripta sua reliqua jam vero à suis accusatoribus surrepta, multas quoque pias meditationes continere, Denique pollicitus est, hæc omnia jurejurando confirmare, & gratiam implorabat.

Sed accusatores pertinaciter insistebant, lachrymas accusati fictas appellabant, bona opera non effectus esse fidei, gratiam & condonationem regis nullam esse, quia sine justitiâ maxima esset tyrannis.

Deinde patebat, ut sibi concederetur, se in cœnobium conferre, ubi innocentiam suam palàm facere vellet. Sed nihilominus morti adjudicabatur, 10. Martii Anno 1689. coactus est palinodiam canere in ecclesiâ & regis gratiam implorare. Quo facto die 28. demùm supplicio adjudicatus est, & rex ipsi ex gratiâ concessit, ut gladio decollaretur. Quæ decollatio die 30. Martii facta est, corpus verò ejus in cineres reductum sicque tormento injectum, ex ipso versus Tartariam explodebatur. Ut plenius demonstrarent, hunc fuisse Atheum hoc Epitaphium allegârunt, quod sibi ipsi fecisse dicebatur.

*Heus Viator !*

*Lapides istos cave prætereas ;  
Nihil ad hos offendes, nisi veritate offendaris,  
Disces à Saxis,*

*Verum :*

*Quod homines, etiam qui sciunt, id esse verum,  
docent esse falsum.*

*DOCTRINA SAPIENTUM PRUDENS  
est mendacium.*

§. III. Adjungenda hic historia insignis, é libello, de statu imperii Turcici deprompta, idiomate Anglico conscripto, authore *D. Ricaut*, quæ sic habet: “ Illi, qui inter  
“ Turcas Atheismum profitentur, *Musarini*  
“ nominari gestiunt, (i. e.) qui habere pe-  
“ nes se verum secretum: cujus secreti  
“ summa hic redit, DEUM nullum agnos-  
“ cere, atque constanter affirmare, princi-  
“ pium internum aliquod cujusque indivi-  
“ dui, cursum omnium rerum dirigere.  
“ Sol, luna, atque astra cætera inde habent  
“ originem atque motum, neque hominis dis-  
“ similis est ratio, pullulat enim, crescit, viret,  
“ denique marcescit, non secus atque her-  
“ bæ, cæterique flores. Mirum & incredi-  
“ bile dictu, quantus eorum numerus sit  
“ *Byzantii*, qui hanc fovent opinionem,  
“ quorum maxima pars in scriptis Ara-  
“ bum versatissima, & dignitate *Cadiffi*,  
“ seu judices, reliqui sunt Christiani pro-  
“ fugi, & apostatæ, qui conscientia morfi-  
“ sibus

“ fibus atque exprobrationibus exagitati,  
“ propter renunciationis scelera, nihil ma-  
“ gis volunt, quàm ut cum hoc mundo  
“ spectabili omnia finiantur. *Mabomet Ef-*  
“ *fendi*, vir in literis Orientalibus apprimè  
“ doctus, atque hujus opinionis propugna-  
“ tor acerrimus, supplicio publico est af-  
“ fectus, dum essem Byzantii, propter va-  
“ rias blasphemias contra existentiam DEI  
“ ab eodem jugiter effusas. Ad suam im-  
“ piam opinionem stabiliendam, hoc ar-  
“ gumento uti solebat: *aut nullus est pla-*  
“ *nè DEUS, aut non est tam potens, neque*  
“ *tam sapiens, quàm ille à nostris doctoribus*  
“ *esse perhibetur; alioquin me, qui odio &*  
“ *contemptu ejus existentiam laceſſo, exagito,*  
“ *& persequor, si quis ullus alius mortalium,*  
“ *maximo, non tam diu vivere permisisset.*  
“ Et, quod mireris, tametsi posset vitam  
“ redimere, si meliora in futurum profiteri  
“ polliceretur, abhorrendo à tam impiis  
“ opinionibus, conditionem tamen planè  
“ respuit, dicens, se potius moriturum pro  
“ veritate, licet benè noverit, sibi nulla  
“ manere præmia.

“ Fateor (pergit author) me olim credi-  
“ disse, nullum dari Atheum, satis persua-  
“ sus existentiam Numinis demonstrari pos-  
“ se ex lumine naturali; sed incredibilis  
“ hujus hominis pertinacia me clarè docuit,  
“ esse etiam homines, qui horrendum in  
“ modum omnia rationis lumina & sensum  
“ Supremi Numinis prorsus extinxerint.  
“ Hujus

“ Hujus sectæ venenum ità est subtile, ut  
 “ eunuchos, fœminas, præfectos infecerit,  
 “ & in aulæ usque penetralia irrepserit.  
 “ Qui hanc sectam colunt, mirè se invi-  
 “ cem diligunt, humani sunt & affabiles,  
 “ fidei hujus socios libenter hospitantes,  
 “ quos postquam lautioribus conviviis ac-  
 “ ceperint, noctu illis offerunt elegantis  
 “ formæ socias atque amabiles, quando  
 “ tempus est eundi cubitum. Aiunt Sul-  
 “ tanum *Morat* mirum in modum favisse  
 “ huic sectæ & in aulâ & militiâ, quamvis  
 “ inter vulgus aliam sectam, austeram pie-  
 “ tatem præ se ferentem, *Zadexadalis* voca-  
 “ tione, promoveret. Huic valde similis  
 “ apud Chineses est secta decantatissima  
 “ literatorum dicta, in rebus gerendis ver-  
 “ fatissima, ideoque à rege in pretio habita;  
 “ quamvis mundum hunc aspectabilem  
 “ æternum & incorruptibilem credat; ne-  
 “ que ullum agnoscat Numen, ab ejusdem  
 “ materiâ & compagine distinctum; om-  
 “ nemque de animæ futuro statu doctrinam  
 “ fusque deque habeat, ac veluti politicè  
 “ excogitatam, sibilo explodat.”

Habetur quoque apud illustrissimum  
*Leibnizium*, lib. *Theodicæe* p. 15. historiam  
 non dissimilem: “ L’aneantissement de ce  
 “ qui nos appartient en propre, portè fort  
 “ loin par les Quietistes, pourroit bien etre  
 “ aussi une impietè chés quelques uns:  
 “ comme ce qu’on raconte du Quietisme  
 “ de Foë auteur d’une grande secte de la  
 “ Chine,



“ Chine, lequel apres avoir prêché sa re-  
 “ ligion pendant quarant ans, se sentant  
 “ proche de la mort, declara a ses disciples,  
 “ qu’il leur avoit caché la verité sous le  
 “ voile de metaphore, & que tout se redu-  
 “ isoit au neant, qu’il disoit etre le pre-  
 “ miere principe de toutes choses.” Men-  
 tionem denique facit *Arnoldus* scriptor Ger-  
 manicus in Americâ sectæ *Ceraveas* no-  
 mine, cujus patroni DEUM esse negant,  
 sed omnia fato regi & gubernari statuunt.  
 Sed quicquid sit de philosophorum sectis,  
 incredibile prorsus est gentes integras sine  
 DEO, sine lege, & sine ratione vivere.  
 De veteribus quidem *Callaicis* sub gente  
 Hispanicâ vulgo comprehensis narrat *Strabo*  
 lib.<sup>1</sup> 3. ἐνιοὶ δὲ καλλιαικὲς ἀθεῖς φασί, quidam  
*Callacos* non agnoscere DEUM aiunt, sed  
 suspicari licet, hoc inde fuisse, quia nulla  
 haberent simulachra in templis, quod &  
 aliis nationibus commune erat. Sunt qui  
 de *Brasiliensibus* hoc statuerunt, sed meliora  
 edocti jamdudum famam mendacem viri  
 eruditi docuerunt. Vid. *Job. Ludov. Fabri-*  
*cii* Apologeticum pro genere humano  
 contra calumniam Atheismi, ubi attenditur,  
 rudem fortè obscuramque divina tractandi  
 & enuntiandi rationem, penes barbaras  
 gentes observatam pro Atheismo fuisse ha-  
 bitam; sed *Bælius* generatim hanc opinio-  
 nem approbat, ratus scriptores itinerum,  
 præstantissimæ famæ viros, jamdudum in  
 aprico posuisse, quòd Atheæ gentes in  
 Americâ

Americâ invenirentur: sed venire illi in mentem debebant quæ, ex scriptoribus non deterioris famæ in contrariam partem attulerunt alii. Propter hanc variasque opiniones existentiae & attributis DEI parùm faventes, & ipse à multis impietatis accusatur, & hoc certum est, hunc scriptorem elegantissimum, magni ingenii gloriam turpi philosophandi licentiâ deturpâsse in perpetuum.

Sunt plures qui *Campanellam* quoque accusant impietatis propter varias infrunitas opiniones in libro de *sensu rerum*; ubi & quatuor elementis vitam tribuit atque sensationem, imò saxi metallisque singulis sensum inesse statuit. *Ego*, inquit, *Thomas Campanella*, quatuor de *sensu rerum* libros scripsi, maximè necessarium ad ostendendum DEUM esse contra Atheos, ejusque statuam & simulacrum, non autem corpus esse mundum visibilem contra *Var.* & *Plin.*, &c. Defero lib. de *sensu rerum*, p. 27. “ Porro adeò  
 “ acceptus regi Galliae, ac regni proceribus,  
 “ ut scripta ejus à doctoribus Sorbonicis in  
 “ lucem publicam protracta manu clemen-  
 “ tissimâ acceperint; licet in iis de sanctis-  
 “ simis Christianæ fidei mysteriis, otiosis  
 “ suis speculationibus acutè quidem satis,  
 “ sed tamen impiissimè ac maximè blas-  
 “ phemè senserit.”

CAPUT XI.

§. I. **H**ÆC itaque sunt, quæ de omnium temporum Atheis maximè famolis commentari hac vice visum est, ubi, ut res ipsa loquitur, propositum nobis non fuit, vel veram contra Atheos ecclesiæ sententiam operosè confirmare, vel quibus ea oppugnatur adversæ partis argutias in examen vocare curiosius, quod serias heic fecerint nobis viri doctissimi, qui de industriâ contra Atheisticam impietatem pro veritate Christianæ religionis libros dudum ediderunt, ex. gr. *Gisbertus Voetius. Petr. Dan. Huetius* in *Demonstratione Evangelicâ. Mersennus* *Comment. in Genesin.* Sic etiam *Hugo Grotius, Marsilius Ficinus, Philipp. Mornæus, & Abbadius* in scriptis eorum de veritate relig. Christianæ. Itidem *M. F. Dyrois* *Preuve & Prejugéz pour la religion Chretienne; & Reverendi Episcopi Edvardi Stillingfleeti* *Epistola ad Theistam, quâ religionis & sacrarum literarum veritas vindicatur. Malebranchii* *Conversations ecclesiasticæ, quibus Veritas Religionis & disciplinæ Christianæ asseritur. Discours contre les Atheès par M. Tillotson* *Archeveque de Canterbury. Conciones Gallicæ D. de Superville. D. Sam. Parkeri* *Disput. de DEO. Burcheri de Valder* *Disputat. Philosophicæ de Atheis. Dn. de la Serre* *Sepulchrum Atheistarum. Joh. Lud.*

*Lud. Fabricii* Apologeticum pro genere humano contra Atheismum. *Job. Sam. Pufendorf* de Jure Nat. & Gent. passim. *Frider. Spanbemi*us in Selectis de Religione Controversiis. *Rudolph. Gottfr. Knichen*, in Opere Politico. *Bentley*us contra Atheos. *Cudworthii* Systema Intellectuale Anglicæ. *Job. Paul. Habenstreit* Theologia Naturalis. Sicut enim Gallica & alia scripta à Dn. *de Seckendorff* de statu Christian. Cui annecti potest *Frid. Weisii* lumini gratiæ prælucens lumen naturæ, ubi ex naturâ tantum veram religionem probare conatur: sed nimium tribuebat naturæ, cum nobis lumine gratiæ jamjam donatis, facile sit talia invenire, quæ gentiles naturaliter optimi & honestissimi nunquam invenissent. *Spinosam* refutavit *Henric. Morus*, *Manfveldus*, *Lambert*, *Velthuysen*, *Bleyenburghius*, *Petrus Poiretus*, *Abbadius*, *Christ. Wittichius*, & *Petrus Yvon*; qui postremus *Cartesianos* & *Patr. Malebranche* adortus probare conatur, *Spinosam* venenum suum ex *Cartesii* principiis suxisse. Et pro viribus eorum impietatem propalare, & patefacere, ut Atheorum esca, verborum lenocinio, æquivocatione, & fraudibus temperata, capiat & inficiat imbecilles incautorum animos.

§. II. Sed antequam manus tollamus ab hac tabulâ, adjiciemus historiam unam vel alteram, quibus pateat ab hoc fermento, Atheo-

Atheorum aliquos divinâ misericordiâ & assiduitate amicorum fuisse liberatos. Notissima est historia *Francisci Junii*, qui in suâ vitâ de seipso sic scribit: “Memini, “quum libros *M. Tullii* de legibus per “illud tempus, auctore & suasore Barthol. “Anulo, *Gymn. Rect.* expenderem, & no- “tas quasdam in eos animadversionesque “colligerem; venire hominem quendam “ad me, & illa *Epicuri* verba, quæ libro “primo extant, nihil curare DEUM, “nec sui nec alieni, multis quàm diligen- “tissimè confirmare: ad quæ ego non ra- “tione judicioque certè respondebam: sed “assensionem paulatim adhibens, sentie- “bam venenum serpens, quod imbiberam, “confirmari in me: & cum auctoritate “hominis, tum argutiis dictorum ejus præ- “ceps eo deferebar, ut meus animus in “isto malo hærens occalesceret, totusque “fieret *αυαίσθησις*.” *Modum vero liberationis sic habeto suis verbis.* “Hic ergo Novum “illud Testamentum divinitus oblatum re- “perio: aliud agenti exhibet se mihi as- “pectu primo augustissimum illud caput “*Johannis* Evangelistæ & Apostoli, in “*principio erat Verbum, &c.* Lego par- “tem capitis, & ita commoveor, legens, “ut repentè divinitatem argumenti, & “scripti majestatem auctoritatemque sense- “rim, longo intervallo omnibus eloquen- “tiæ fluminibus præeuntem. Horrebat “corpus, stupebat animus, & totum illum

Q 2

“ diem

“ diem sic afficiebar, ut qui essem, ipse  
 “ mihi incertus viderer esse. Recordatus  
 “ es mei, Domine DEUS mi, pro im-  
 “ mensâ misericordiâ tuâ, ovemque perdi-  
 “ tam in gregem tuum recepisti. Ex eo  
 “ tempore, quum in me DEUS tam po-  
 “ tenter spiritûs sui virtute irruisset, alia  
 “ frigidius & negligentius legere & tractare  
 “ cœpi: de his vero, quæ ad pietatem per-  
 “ tinet cogitare amplius, & ardentius in  
 “ eis versari.”

§. III. Quæ sequitur historia non est  
 minus notabilis. “ N. N. Gente Italus,  
 “ patriâ Consentinus Franciscani Ordinis  
 “ Monachus, postquam varias in ecclesiâ  
 “ Romanâ fraudes detexit, quibus circum-  
 “ venire alios Monachi solent, imprimis pa-  
 “ tres monasterii, in quo degebat, quippe qui  
 “ ægre ferentes monasterium suum reliquis  
 “ splendore multò esse inferius, hanc frau-  
 “ dem excogitârunt. Caput imaginis Christi  
 “ in cruce pendentis primò dissecârunt,  
 “ deinde excavârunt, atque cavitatem cu-  
 “ curbita salita impleverunt, terebra factò  
 “ foramine circa utrumque oculorum an-  
 “ gulum, ut sole caput irradiante, humor  
 “ cucurbitæ salitæ efflucet; atque re mox  
 “ publicatâ, populo persuaserunt, imagi-  
 “ nem plorare, quod non eâdem frequen-  
 “ tiâ suum monasterium, atque alia visita-  
 “ rent & adorarent, imò totum ejus tem-  
 “ plum negligenter, ut sensim minaretur  
 “ ruinam; quo factò populus affatim con-  
 “ fluens,

“ fluens, munera non contemnenda appor-  
“ tavit, & lachrymarum guttas aliquas  
“ charo pretio redemit; atque ità Monachi  
“ paulò ante pauperrimi, facti sunt opu-  
“ lentissimi.

§. IV. “ Post hæc de veritate religionis  
“ Romanæ dubitare cæpit Monachus, &  
“ mox quæ corde pressit publicare, motis  
“ contra plerosque articulos dubiis; quod  
“ multis, imprimis ex Neapolitanis nobili-  
“ bus placuit, atque ab iisdem postmodum  
“ in secretum locum ductus, ubi magna  
“ hominum multitudo, præsertim nobilium  
“ convenerat, ubi differentem, nesciebat ab  
“ initio quem, de omnium rerum ex fortu-  
“ ito atomorum concursu sine Numine au-  
“ divit, cujus existentiam orator mox in  
“ dubium vocabat, mox negabat. Pede-  
“ tentim itaque in Atheismum incidit,  
“ præsertim postquam vidit se hoc pacto  
“ variis Nobilibus placiturum; & in eo  
“ tantum fecit progressum, ut excusso om-  
“ ni Numinis metu, contemptim de religi-  
“ one & hominibus religiosis subinde lo-  
“ quutus fuerit; tandem multis suspectus  
“ ad inquisitorem delatus & in carcerem  
“ est conjectus; neque aliâ viâ evadere po-  
“ tuit, quam ficta palinodia, ita jubente  
“ Cardinale de Laurea.

§. V. “ Quamprimum verò è carcere li-  
“ beratus, aliorum se conferre statuit, ubi  
“ tutius

“ tutius animi sui placita publicare sibi li-  
 “ ceret, & quia putabat inter Reformatos,  
 “ utpote homines nullius religionis (quoad  
 “ ille audiverit) se fore tutissimum, ad eos  
 “ transitum fecit; sed divinâ providentiâ  
 “ factum, ut ad virum doctissimum pariter  
 “ atque pientissimum accederet, qui ejus  
 “ Atheismum citò detexit, purioris doctri-  
 “ nâ vere Christianæ ideam sibi proponi  
 “ vidit, ex quibus rebus factum est, ut  
 “ non ità multò post, & Atheismum, &  
 “ religionem Romanam deposuerit.”

§. VI. *Tertia* historia illa *Roffensis Comitis*, conscripta à Venerando Præsule, *Gilberto Burneto*, Sari episcopo, in libello propter elegantiam, Latine redditò Ultrajecti 1698. cui titulus est: *Roffæ Comitis in extremis μὲλάνη, seu pœnitentia salutaris*; ubi narratur, quomodo Comes ille, cum profanam ac belluinam vitam diu satis egisset, præsulis opera ad DEUM per veram pœnitentiam sit tandem conversus, postquam prius ille huic sua cogitata, opinionisque ac præjudicia mala aperuerat. Insuper fessus est *Roffensis Burneto*, se vehementer fuisse confirmatum in opinionibus suis Atheisticis, atque præsertim *de mortalitate animæ*, postquam amici sui maxime intimi anima post mortem promissis non stetit; ante prælium enim navale contra Batavos, datis dextris sibi invicem promiserant, ut si alteruter malo fato fungeretur,



retur, & à vivis decederet, superstiti compareret, & quid in alio mundo ageretur, accuratè referret. Sed quàm injustum & incongruum sit hoc postulatum multis verbis atque solidis docet venerandus episcopus; animæ separatæ non sunt sui juris, neque planè convenit Majestati Divinæ identidem novis atque reiteratis miraculis, hominum libidini atque curiositati satisfacere. Hic lubet apponere Comitis moribundi ultima verba sinceræ pœnitentiæ plenissima: *For the Benefit of all those whom I have drawn into Sin by my Example and Encouragement, I leave the World this my last Declaration, which I deliver in the Presence of the great GOD, who knows the Secrets of all Hearts, before whom I am now appearing to be judged, that from the Bottom of my Soul, I detest and abhor the whole Course of my former Wickedness, and that I can never sufficiently admire the Goodness of GOD, who has given me a lively Sense of my pernicious Opinion, and vile Practices by which I have hitherto lived without Hope, and without GOD in the World; I have been an open Enemy to Jesus Christ, doing utmost Despite to the Spirit of Grace. And that the greatest Testimony of my Charity to such, is, to warn them, in the Name of GOD, and as they regard the Welfare of their immortal Souls, no more to deny his Being or his Providence, or despise his Goodness, no more to make a Mock of Sin,*

*Sin, or condemn the pure and blessed Religion  
of my Redeemer, thro' whose Merits alone,  
I, one of the greatest of Sinners, do yet hope  
for Mercy and Forgiveness. Amen.*

Declared in the Presence of

*ANNE ROCHESTER,*

*ROBERT PARSONS.*

*Sealed,*

*J. ROCHESTER.*

Quæ Latinè sic sonant: “ In communia  
“ mortalium commoda, atque illorum im-  
“ primis, quos exemplo meo & instigatio-  
“ ne ad vitam dissolutam & depravatos  
“ mores seduxi, ultima hæc & intima ani-  
“ mi mei cogitata, coram DEO pronun-  
“ tio, qui secreta cordium novit, & qui  
“ me mox judicaturus est. Profiteor pa-  
“ lam me ex animo, vitæ meæ cursum  
“ hætenus male transactæ vehementer de-  
“ testari, & ab eâ abhorrere quantum pos-  
“ sum, maximè: fateor quoque me non  
“ satis posse DEI bonitatem erga me ad-  
“ mirari, quæ ut pleno aspectu errores  
“ mentis & vitæ dissolutiones abundè ob  
“ oculos ut videam mirè effecit. Hæte-  
“ nus etenim sine spe & sine DEO, proh  
“ dolor! vixi; in odio habui Jesum Chris-  
“ tum; & Spiritum Sanctum, omnis gra-  
“ tiæ authorem, petulanter contempsi.  
“ Quam-

“ Quamobrem omnes atque singulos hor-  
 “ tor, precor, obsecro in nomine DEI  
 “ immortalis (majora enim charitatis meæ  
 “ argumenta dare non possum) si salus ani-  
 “ marum propriarum cordi sit, in futu-  
 “ rum neque existentiam ejus in dubium  
 “ revocate, neque providentiam negate,  
 “ neque bonitatem ejus vilipendite, pecca-  
 “ tum ut susque deque habeatis, diligenter  
 “ cavete, neque castissimam excellentissimam  
 “ redemptoris mei religionem spernite; prop-  
 “ ter cujus sola merita ego peccatorum maxi-  
 “ mus adhuc remissionem peccatorum spero.”

Huic non dissimile est, quod de seipso fa-  
 tetur *Ruffius Rabutinus* Comes, hujusmodi  
 pactum inter se & quendam *Jumellum* in-  
 tercessisse, idque utrique tantopere fuisse  
 cordi, ut quoties alter alterum morti esse  
 propinquum existimaret, identidem de ex-  
 solvendâ hâc post mortem fide commone-  
 ret. Ac cum postremò *Jumellus* iste diem  
 obiisset, *Buffius* ipsius spectrum per multas  
 noctes avidè à se, & sine ullo pavore fuisse  
 expectatum commemorat; verùm id frus-  
 trâ, atque incassum. Et quanquam apertè  
 non dicat, sese hâc re inceptâ dubitatione  
 esse confirmatum, tamen ità multis post  
 annis vixit, ut haud esse pientissimum, fa-  
 cilè posset intelligi. Ipse sanè in T. I.  
 Epist. Gall. pag. 209 lecto libro Rev. *Ab-  
 badii* de Verit. Rel. Christ. ita scripsit:  
*Jusques icy je n'ay point été touché de tous  
 les livres, qui parlent de DIEU, & j'en*

*vois bien aujourd'hui la raison. C'est que la source m'en paroissoit douteuse, mais la voyant claire, & nette dans les livres de l'Abbadie, il me fait valoir tout ce que je n'estimois pas, &c.*



ORATIO

# ORATIO

DE

ORIGINE & PROGRESSU  
Christianæ Religionis

A P U D

BRITANNOS.

Habita die Natali

Serenissimæ PRINCIPIS  
WALLIÆ.


Primo die Martii, 1716.

Cui accedit Dissertatio Historica de Ortu &  
Progressu Romani Pontificatûs.

---

Autore J. T. PHILIPPS.

---





*Odarium Cambrobritannicum.*



Cymry mwynion medrys  
Meun rhynewedd daun a dysc  
Duw heddu yn rhodd anfonodd  
Twysoges yn ein mysc.

E in gwared rhag pabyddiaeth  
A Distriu tîr ein gwlad  
Trwy audwr fradwr dyrys  
Heb gantho fam na thâd.

Duw gatwo y wîr winwydden  
Ai holl Hiliogaeth hardd  
Tro fyddo dydd gwyl Ddewi  
A Chennin Gwyrdd meun Gardd.



ORATIO







# ORATIO

D E

## ORIGINE & PROGRESSU Christianæ Religionis

A P U D

## BRITONES.



IRI Britones antiquitate generis, mitrâ, togâ, vel armis splendentissimi, cujuscunque denique ordinis vel dignitatis, incolæ, acolæ, cives, hospites, quotquot estis.

Quod felix faustumque sit universæ patriæ, ecclesiæ, & nobis omnibus, revertentis hujus anni post mille & septingenta decimi sexti, mensis Martii primus hic illuxit

luxit dies: quo sedulò operam demus ut tristitia & feralia ne nominentur quidem: si quid enim unquam DEI beneficio atque munere, datum fuit Britannis, quod meritò atque optimo jure gauderent, id profectò illis accidit hodierno die, quo cum primis Sancti *Davidis* Menevensis Archiepiscopi recolimus memoriam, viri pietate erga DEUM & erga patriam maximè conspicui. Insuper, quod profectò caput rei est, celebramus hodie natalem diem Serenissimi Dominae *Carolinae Walliae* Principis, antiquitate generis, bonis fortunæ, corporis formâ, & animi dotibus, locupletissimæ, de quibus sigillatim mihi esset dicendum, nisi nimis verear, sancti viri manibus, optimæ principis virtutibus, vobis omnibus, ipsimet mihi denique, me minimè placiturum; & quod amplius dicam, valdè metuo, nè forsitan eandem referam responsionem, quam retulit olim, non sine multo sale, *Herculis* laudator aliquis imprudentissimus, respondente ex adstantibus nonnullo, *Ecquis est hominum, quæso te, qui non laudat, qui non adamat, & mirum in modum non admiratur Herculem, nisi bipedum qui sunt longè inutilissimi?* Quamobrem aliud proponendum est mihi hoc tempore argumentum, quod, quemadmodum spero, gratum erit convivis eruditis, quam quod gratissimum, ut non minus animo quàm ventre delectemur, quemadmodum memoriæ est traditum de

*Pomponio Attico*, qui sine aliquâ leſtitatione nunquam cænare ſolebat. Audiviſtis, auditores, hoc matutino tempore eloquia DEI, in linguâ Cambrobritannicâ, in hac metropoli & per ſparſas hujus regni provincias, olim vernaculâ, & veſtro beneficio, viri generoſiſſimi, poſtliminii jure revocandâ. Sed quia varietas delectat, Latino ſermone de ortu & progreſſu Chriſtianæ religionis apud Britannos, apud me ſtat hoc tempore perorare coram. Quamobrem vos quæſo, excitate atque expergeſcite animos veſtros, quæque de rebus omnium graviſſimis dicere ingrediari, ut penitus percipiatis, navatote operam quantum poteſtis maximè. Majores noſtri, inſulæ hujus aborigines, eâ quæ nobis divinitus aſfulſit æternæ veritatis luce, caruerunt; nihilominus tamen, cum admirabilem innumerabilium ſtellarum ſine ullâ erratione decurrentium, varietatem notaverint, facilè intelligebant præpotens aliquod numen eſſe oportere, immenſum, infinitum, atque ſapiens, a quo rerum univerſitas, & a principio conſtituta eſſet, & ejus concilio & voluntate regeretur. Poſtquam autem humani generis redemptionem ſervator glorioſus confeciſſet, primis temporibus poſt Chriſti reſurrectionem, viri Apoſtolici incolis hujus inſulæ ſalutarem evangelio doctrinam promulgare voluerunt, annis benè multis, antequam *Petrus* veniſſet Romam, teſte *Baronio* aliisque hiſtoricis pontificiis, quare

S non

non est quod laboremus, an historia sit vera, vel antiqua traditio, cum in hoc negotio confidentes habeamus reos. Sub imperatoribus *Romanis* propagata fuit Christiana religio, & *Diocletianâ* persecutione, martyrum nostrorum irrigatâ sanguine, magis magisque viguit. *Constantinus Magnus*, in gremio ecclesiæ Britannicæ edoctus, primus fuit Imperator Christianus, cui pontifices Romani quicquid habent potestatis merito acceptam referunt, & si sana mens inesset eis, quibus maximè inesse debet, gratâ voluntate colerent ecclesiam Britannicam, quæ tot & tantis beneficiis beavit Romam, sed perit quod facis ingrato! Doctrina Christiana quemadmodum a viris Apostolicis recepta, ita immutata mansit ad adventum gentis Saxonicæ, quæ ad media seculi quinti, Britanniam appulerunt, qui hæc terras limpidissimis evangelii scaturiginibus irrigatas invenerunt, qui cum vi & armis, multas provincias sub ditione suâ redegerunt, integra mansit religio inter incolas, pendendo tributum victoribus, quemadmodum postulant mores bellici, cum quibus brevi tempore post coaluerunt; ex quibus clarè patet doctrinam Christianam inter Anglosaxones fuisse notissimam quinquaginta vel eo amplius annis, antequam *Augustinus Monachus*, turpis lucri spe, & dominandi libidine ductus, oras appulerit Britannicas; sexto quippe seculo venit homo vaser & ventosus, ad invadendam nostram ecclesiam, erigen-

do novum archiepiscopatum in ipsa archiepiscopi Londinensis diœcesi, quamobrem ipso facto schismaticus; sed homo superbus, hisce malis artibus minimè contentus, quin & ecclesiam Cambrobritannicum igne & ferro persecutus est, instigando *Edelfredum* Northumbriæ regem ut bella inferret Cambris, quo bello, in defendendâ primitivæ ecclesiæ disciplinâ, contra reptitias Romæ innovationes, bis mille præter propter, viri ecclesiastici vitam cum morte mutare non dubitârunt, quorum crudelissima cædes, sine ultione non diu mansit: *Cadwallus* quippe Walliæ & Cornwalliæ rex, *Edelfredum* ad fluvium Humbriam usque ingenti strage profligavit, ecclesiamque Britannicam, in istis regionibus stabilivit, quam & *Oswaldus* rex ab Aidano episcopo Britannico edoctus, postea coluit diligenter. Regnum Cantii non armis, sed pactis, cessit Saxonibus, manente ibidem integrâ Christianâ religione, cum novis hospitibus communicandâ, linguâ Saxonicâ per spatium 50 annorum Britannis familiari redditâ, vel Britannicâ Saxonibus, quod & in aliis hujus regni provinciis proculdubio obtinuisse affirmare ausim, itâ ut omnes facilè intelligant, evangelium inter Saxones non Romano, sed ministerio Britannico fuisse propagatum, cum verum sit quàm quod verissimum; populum Britannicum in Loegriâ & Albaniâ, nullo modo fuisse deletum, vel sedibus suis expulsum,

sum, si excipias viros nobiles nonnullos, qui in Cambriam sese receperunt, cæteri victricibus Saxonum legibus, salvâ suâ religione sese submiserunt, quem morem, sine ullâ exceptione loci atque temporis, obtinere novimus, hinc manifestum est consequens, incolas Angliæ & Australis Scotiæ, linguâ tantum, non sanguine, non moribus, a Cambrobritannis esse distinctos, ita ut quotquot estis, Britanni estis origine; Romani, Saxones, Dani, Normanni, nullam fere vel levissimam certè mutationem, in magnâ gente efficere potuerunt; invasiones quippe peregrinorum, inundationis ad instar, brevi tempore, per agros longè latèque diffunduntur, sed citò transeunt, atque flumina suo alveo decurrunt iterum, colluviei per campos, hinc inde vestigiis aliquibus remanentibus. Quod si ita res se habeat de ortu religionis Christianæ, ejusque propagatione apud majores nostros; avetis scire auditores, unde tanta zizania ecclesiæ Romanæ, ita ut in nullâ regione, majorem protulerint segetem, quàm in agris Britanicis? Responsio est in promptu, invadendo rapacibus manibus rem alienam, feriendo optimos principes excommunicationis fulgore, ignorantiam crassissimam fovendo, cujus beneficio adulterinas suas merces majore venditarent precio, omni denique turpissimi ambitûs genere, quibus & hodierno die utitur astutia episcopi Romani: sed quod præter cæteras machinationes rei pontifi-

pontificiæ omni tempore inservire novimus, est doctrina illa rudis & incondita, vel ut clarius dicam, plane Judaica quâ attribuitur Papæ, quicquid Judæi suo, quem frustra somniârunt, & usque expectant Messia. Extollunt enim suum pontificem supra reges & imperatores, attribuendo illi imperium plane singulare & absolutissimum. Quod ut efficerent, Scripturæ Sacræ opposita fuit theologia ecclesiastica, Juri Civili autem & edictis *Cæsarum*, oppositum fuit Jus Canonicum, quam malefanam doctrinam tempore *Caroli Secundi* quintæ Monarchiæ expectatores inter nos profitebantur palam, neque desunt homines specietenus ecclesiæ Anglicanæ commodo & caritate ducti, multos hunc in finem effutiunt sermones plane inconditos, sed intus & in cute homines si introspexeris, dominandi libidine sunt perciti, Papæ sunt tubicines, & turpissimæ præcursores servitutis, ab omnibus æquis æstimatoribus meritò sunt habendi. Hisce in antecessum positis, si reformationem religionis defendendum in me susciperem, idem supervacaneum aggrederetur opus, ac si Israelita nonnullus, exitum ex Egyptiacâ vel Chaldaicâ servitute, jubente DEO, magno apparatu verborum defendere satageret, vel quod in eodem redit, si fidelissimus coronæ Magnæ Britanniæ subditus, restaurationem *Caroli Secundi*, legitimam esse, multis argu-

gumentorum ponderibus probare contendere, cum nemo est hominum qui non novit, ex supra dictis, Papam Romanum non majorem auctoritatem habere in ecclesiam Britannicam; quam Mahumedanæ religionis antistes habere poterit. Equidem non sumus nescii, ne cui longa & indubitata possessio deberet auferri, apud Romanos obtinuisse usucapionem & præscriptionem, sed tamen in aliquibus casibus etiam si maximè quis bonâ fide rem possideret, (*Juliani* Imperatoris sunt verba) non tamen illi usucapio ullo tempore procedit, veluti si quis liberum hominem, vel rem sacram vel religiosam, res furtivas quoque & vi possessas, sub potestate habeat; leges *Attilia*, *Julia*, & *Plautia* prohibent, ut diutina possessio prodesse possit possessori. In excutiendo Pontificis Romani durissimo iugo, agebatur, viri Britones, de capite libero, de re sacrâ, de re vi & furto a justis possessoribus ablatâ, rapacibus manibus sacerdotis superbissimi. Hisce itaque missis, consideremus diligenter quomodo DEUS Optimus Maximus, principibus nostris benè vel malè dixit, quemadmodum & illi benè vel malè episcopo Romano voluisse videbantur; *Henricus Septimus Colleto* & *Warnero* valde favens doctoribus in expugnandis Romæ superstitionibus, maximè insignibus: pro DEUM hominumque fidem quot quantisque successibus prosperis usus est



est hic egregius princeps in eruendis bellorum civilium radicibus, quibus unicè innixa erat religio pontificia in nostrâ patriâ; *Henricus Octavus* magnificus liberalis, in asserendâ libertate patriæ & ecclesiæ magnanimus, a *Carolo Quinto* imperatore & a Galliarum rege, aliisque principibus in pretio habitus. *Edwardi* historia est brevissima, sed religionis nostræ cultoribus lectu jucundissima. *Maria* populo & fatis reclamantibus, contra torrentem brachia diregebat, Romanis incitata facibus. *Elizabethe* rem restituit, diu & feliciter vixit, quare subditis suis, mors ejus acerbissima, & memoria maximè colenda in perpetuum. Cætera non est quod prosequar, sed brevissimis quam potero verbis, animi cogitata vobiscum, quotquot estis viri Britones, communicare non dubito; tristissimis temporibus vivimus, pro aris & focus pugnamus, libertatem & rem sacram defendimus, viri Britones, hic est articulus temporis, quo unusquisque nostri, ostendere debet quid & quantum sit hominis, ut universi intelligant, nos nullas impensas, difficultates nullas, capitis pericula nulla recusaturos pro caritate patriæ; omnibus enim bonis expedit salvam esse libertatem civitatis; percurramus quæso, vetustissima & recentiora tempora, claræ sunt mortes habitæ, pro patriâ obitæ; *Codrum* commemorant historici,

rici, qui se in medios immisit hostes, famulari veste indutus, ne posset agnosci, quoniam oraculum erat datum, si rex interfectus esset, victrices fore Athenas. Lacedemonibus *Leonidæ*, Thebanis *Epaminondæ* præclarissima sunt nomina, sed & *Latimeri*, *Hooperi*, *Cranmeri*, *Ridley*, *Ferrarii* in ore est omnis populi Britannici, ut prætermittamus alios bene multos, qui pro libertate patriæ & religionis mortem obierunt acerbissimam. Eandem regionem juxta cum religione possidemus, idem sumus populus, ab omni idololatriâ, rebellionē, perjurio abhorrentissimus, quod attinet illos, vitiis hujusmodi turpissimis afflatus, monstra sunt hominum, & carcinomata corporis Britannici. Habemus nihilominus tamen quod regi nostro GEORGIO, quod nostris principibus, ecclesiæ, patriæ, & nobis ipsis valdè gratulemur, cum videamus tot & tantas societates, magnâ animorum consensione initas magnoque vinculo amicitiae & fidelitatis confirmatas, ad defendendam libertatem patriæ, inter quas illustrissimas societates, hæc antiquorum Britonum cum primis meritò venit nominanda, infirmo meo sermone non tamen laudanda coram, opus hoc prudenter relinquo Britonum nepotibus. Sed antequam finem faciam perorandi, vos monitos esse velim, viri Britones, omni tem-

tempore fuisse hominum genus, qui nihil rectè factum, nisi quod ipsi faciunt putant, in arduis quidem rebus & honestis, inertes sunt & ignavi, in alienis verò rebus corripendis, audacissimi, hi cum nihil per sese laude dignum proferre velint, alios cum ob res bene gestas, in precio apud bonos esse noverint, adeò cruciantur & affliguntur, ut non eis cibus, non potus, non lux, non vita ipsa suavis, nihil denique præter maledicendi satietas, illis dulce est; hoc commune est, omnibus eis, qui patriæ & ecclesiæ inservire incipiunt, ut statim ab invidis, eorum fama, quasi a turbine aliquo quatiatur, & labefactetur; quâ in re, qui adeò delicati, & pusilli animi sunt, ut perterteantur, & ab incepto desistant, ii nihil unquam egregium, aut laude dignum exequi poterunt, qui verò tam generosâ tamque excelsâ mente præditi sunt, ut quamvis undique maledictorum aculeis incessantur, nihilominus tamen, quod semel in salutem vel ornamentum patriæ, & in utilitatem multorum, prudenter & rectè instituerunt, constanter urgent, & ad veri honoris atque dignitatis enituntur arcem, ii verè magni viri æstimandi sunt. Sed ingenio fortassis diutius debito indulgimus, dies est genialis, aliquid concedendum est genio,

T

ut

## 138 ORIGO & PROGRESSUS

ut omni ex parte hodierna solemnitas  
sit integra & verè Britannica, vivat do-  
minus noster & princeps clementissimus  
GEORGIUS rex, vivat serenissimus &  
serenissima Walliæ Principes, vivat regia  
soboles, omnes boni Britones dicitotè,  
vivant.

D I X I.



EXER-



EXERCITATIO

Historico-Politica

D E

P A P A T U.



RÆSENTIS argumenti magnitudo atque dignitas (ad quod rectè tractandum cum omnium minimè sim paratus) me aliquandiu à scribendo deterruit: jucunditates tamen cum utilitate conjunctissimè unitæ, vicerunt. Præsertim cum diligentius mecum perpendissem, nihil posse tractari cum majore meo fructu, nil aptius fore ad delectationem lectoris, quàm temporum varietates, atque ecclesiæ christianæ varia fata & vicissitudi-

nes; quæ etsi non sunt experiundo optabiles, lectu tamen jucundissimæ; habet enim præteriti doloris secura recordatio delectationem. Multa egregia de politiâ ecclesiæ Romanæ possunt prædicari; sed, ut alia missa faciam, hoc tantum habeo polliceri, Papatum esse ædificium tam politâ arte constructum, ut nullis consiliis humanis compactius, vel elegantius, vel magis compositum quid confici possit. Unde & quicumque bene versatus est in omnibus ejus technis, & deceptricibus circumveniendi modis, in omni republicâ sine ullâ exceptione loci vel temporis summus facilè evadit politicus.

Ortum atque progressum ecclesiæ Romanæ diligentius repetere, natura & brevitatis nostræ dissertationis non patitur; multo minus movere litem pontifici, & disceptare, an ipse sit ille Antichristus; & multa id genus alia, quæ theologorum foro excutienda veniunt. Nihil aliud nos proposuimus, quàm tantummodo designare periodos aliquis magis conspicuas, in quibus incrementa cæpit ecclesiæ Romanæ pontificatus, atque socios episcopos sub jugo misit. Tum quoque quomodo à potestate imperatorum sese vindicaverit. Quomodo tandem ad summas angustias redacta fuerit & collapsa. Denique quo pacto præter opinionem atque expectationem omnium, inclinatum atque exulceratum papatum, diligentiam pontificum restituerit. Quæ omnia,  
ut

ut ordo rerum exponeret, excutienda veniunt in sequentibus. Hoc interim existimet lector, etsi consiliis hominum præcipuè inhæreamus, providentiam divinam nos nullo modo excludere; alibi tamen fufius notandam.

Postquam humani generis redemptionem servator gloriosus confecisset, paucis annis post, si fides sit historicis, diffusa fuit per totum terrarum orbem Christiana religio; sparsaque evangelii doctrina per Asiam, in Palestinâ, Syriâ, Armeniâ, Arabiâ, Asiâ minore, insulis Cypri, Cretæ; & per Africam in Egypto, Cyrenaicâ, Lybiâ, Æthiopiâ, &c. per Europam in Græciâ, Macedoniâ, Thraciâ, Italiâ, Hispaniâ, Galliâ, & divisâ ab orbe Britannîa: Plin. Epist. XCVII. lib. 10. frustra refragante Diabolo neque obstante invidiâ Judæorum, atque sævitiâ ethnicorum qui tum potiebantur rerum. Hi enim quamvis gravissimè animadverterent in omnes Christianos, nullâ sexûs, ætatis, vel dignitatis ratione habitâ, nihilominus Christi sectatores, insigni afflatu inspirati nec non ingenti animo donati, insistebant cæptis, etsi inermes atque illiterati; tantumque aberat, ut re infectâ unquam discederent, ut potius egregiâ animi alacritate doctrinam sanguine comprobarent: argumentum profecto haud infimum pro veritate religionis Christianæ.

De

De fundatore eccl. Romanæ nil attinet in initio multis commemorare. Pontificii gravissimè contendunt, divinum *Petrum* primum fuisse Romæ episcopum, atque illi maximè religionem Christianam ibi stabilitam acceptam referunt. Altum vero *Lucae* silentium de *Petri* apostoli œcumenico pontificatu; de hujus extensione ad annos viginti quinque; de actis *Petri* cum esset Romæ; de successore cum eâdem potestate instructo, molestè ferunt pontificii; nam occasio illi non una fuit, *Petri* Romanum iter, & præsentiam in urbe Romæ memorandi, cum maximè, quando tam accuratè descripsit iter *Pauli*, & acta cum circumstantiis minimis dum esset Romæ, Act. 28. Sunt bene multi auctores non infimi subsellii nec obesæ naris, in ordine utroque Romanensium & Protestantium, qui planè negant *Petrum* unquam fuisse Romæ; quales *Baptista* Mantuanus, *Johannes* Aventinus; doctores pontifici: inter reformatos super hâc re eminet magnus *Spanbemius*.

Utcunque sit, non admodum litigo. Satis constat, *Paulum* commoratum fuisse Romæ, per totum biennium, ἐν ἰσθμῷ μισώματι, Act. 28. Et sub *Nerone* multitudo ingens Christianorum inveniebatur Romæ, vigente adhuc persecutione per sparsas imperii provincias, qui sese acerrimos Christianæ causæ defensores ostenderunt, dum horribiles pœnas & longè crudelissimas læto animo



mo dederunt, quales describit *Tacitus, Annal. Cap. 44. Pereuntibus addita ludibria, ut ferorum tergis conteſti, laniatu canum interirent, aut crucibus affixi, aut flammandi, atque ubi defeciſſet dies, in uſum nocturni luminis urerentur. Ad hæc alludit Juvenalis Sat. 1.*

*Pone Tigellinum, & tādā lucebis in illā.*

Crefcente vero hæreticorum ſegete per Aſiam atque Africam, Roma adhuc caſta manebat & intacta virgo, evangelicæ veritatis ſtudioſiſſima. Etiam ad trecentos annos plus minus retinuit fidei documenta & eccleſiæ diſciplinam ſine labe, aut ullâ innovatione notabili, uſque ad ultima *Conſtantini Magni*. Inde propter conſtanciam quæ fuit maxima, prudentiam in regendâ eccleſiâ, atque diligentiam in corripiendis hæreticis magnam famam apud exteros conſecuti ſunt epiſcopi Romani. Notandum autem eſt, in omnibus horum temporum ſcriptis & monumentis, unde doctrina & praxis Chriſtianorum conſtat, altum eſſe ſilentium, neque ulla veſtigia hodiernæ ſuperſtitionis. Nil equidem de epiſcopi Romani œcumenico pontificatu, atque de eccleſiæ Romanæ dominatione. Ut verum fatear, victor inſultantis animi ſpecimen, edidit benè manè, qui more inſolito in ſocios graviffimè invehatur, in negotio paſchali; verum non ſine tempeſtivâ,

## 144 *Exercitatio Historico-Politica*

pestivâ castigatione *Irenæi* episcopi Lugdunensis.

Sub initia seculi tertii magna utique in moribus simplicitas, & ardentior charitas, officia mutua præsertim erga pauperes, vi-  
duas, & ægros: de quibus *Tertullianus*. Studiosè etiamnum vitabant, quæ gentilium ritus & superstitionem redolerent. Sensim tamen à primâ cum simplicitate, tum integritate discessum est, in ritibus atque moribus. Hinc cum primis in episcopis & clericis fastus intolerabilis, ambitio, æmulatio, diffidia, perpetuæ lites, de quibus queruntur passim epistolæ *Cypriani*. Inde quandoque rituum pompa & ceremoniarum apparatus, quorum non paucae ut Judaicæ, sic paganæ originis. Seculo quarto sub initia imperii *Constantini Magni*, postquam ad religionem Christianam se contulisset, subito, ecce! nova rerum facies, per edicta & constitutiones pro libertate Christianâ, inhibitis persecutionibus, quæ hucusque ecclesiam propemodum exhauferant. Non multò post consecuta est gentilium proscriptio, quâ cultus ethnicus cessare iussus, aræ, idola, simulachra templis evulsa, ipsis his conversis in usus Christianos; erectis quoque scholis in quibus bonæ literæ & ingenuæ artes traderentur. Si quæ provincia vacaret, Christianis demandata. Reditus sacerdotum ac flaminum, hæreditates martyrum, si deessent successores, per civitates singulas in usum ecclesiæ ascribebantur

bantur. Ità ecclesia omninò alia facta quam initio fuerat, altâ jam requie, persecutionibus finitis, episcopi tristissimorum temporum immemores, sumptibus prope-modum effusis viventes, nil magis ambibant quam pontificatum œcumenicum, alii cautè & obscurius, alii minus dissimulanter, usque ad tempora *Bonifacii Tertii*, & *Phocæ*, qui invicem sese iniquè stabili-verunt.

Hactenus tamen documenta fidei manserant ferè integra, vel levissimè læsa; sed inde de die in diem omne ruit in deterius, ritusque superstitionis magis magisque, invaluerunt. E. gr. usus cereorum seu luminarium, etiam extra vigiliarum tempora: scrupulosa abstinentia à certo genere ciborum; cælibatûs admiratio nimia; peregrinationum primordia, uti ad templum Hierosolymitanum, sic ad sepulchra martyrum; reliquiarum conquisitio; invocatio sanctorum, atque id genus alia. Præcipuè nova indies incrementa sumsit institutum monachale, cujus initia sic habeto: viri religiosi, ut felicius cum DEO agerent, sedebant à convictu hominum, modicè viventes, & in humilibus laribus ex virgultis cum cespite constructis, vel in cavernis abditissimis habitantes. Et propter novitatem rei, tantamque pietatem monachorum, vicini spectatum veniunt, non sine munere, ut monachus haberet unde honestè viveret. Augescente dein re familiari, deferbebat

U

zelus

zelus atque prima simplicitas, lapsuque temporis cœperunt nihil magis cupere, quàm splendorem, & ædificia superba æquantia palatia principum: abituro fastu in otium, ignorantiam scripturæ, vestium superstitionem, ac fædam denique idololatriam.

Ecclesiâ ad hæc fastigia elevatâ summo studio contendebat, ut talis rerum status & abundantia non unius ætatis tantum, sed perpetuus foret & stabilitus; ut politici prospicientes, quantum possunt id student, ut status reipublicæ sit æternus, præ aliis imprimis huc intenti episcopi, inter quorum stratagemata, meritò recensenda venit audientia episcopalis, innixa verbis *Pauli* 1 Cor. 6. Nempe, ut evitarentur scandala, oriunda ex provocatione ad tribunalia ethnicorum, honestius fore existimabant, ut Christiani accederent suos pastores, qui de causis cognoscerent, & propter gravitatem & auctoritatem, partes in gratiam redigerent. Sed ecce horribilem abusum institutionis profectò laudatissimæ! Illi moderatores qui ex pacto facti erant arbitri, se faciunt dictatores atque iudices quasi lege constitutos, faciliè perspicientes, quantum ex suo usu esset talis jurisdictio, quâ ad suum forum demum lites fere omnes revocarent. Obtinebat quoque istis temporibus, ut pastor adesset matrimoniis, ad preces fundendas, & sponsum atque sponsam ad mutuum amorem exhortandos,

unde sensim factum fuit, ut nullum matrimonium celebraretur sine permisso episcopi. Hinc tandem divortia, nullitates matrimoniorum, successiones, hæreditates, in foro ecclesiastico agitando venirent; ubi tandem nuptiæ omnes intra consanguinitatis gradum ab ecclesiâ definitum, illegitimæ habebantur: id maximè afficiebat principes atque magnates, usque adeò ut rarò detur matrimonium in Europâ inter principes extra gradus prohibitos; hinc dispensationes maximis sumptibus comparandæ fuerunt, vel censuris papalibus continuo ipsi vexandi. Ut felicius procederet nova machinatio, adhibitâ simulatione religionis, decretumque est ut habeatur matrimonium pro sacramento. Commenta equidem ridicula: quia conjugia Judæorum & Mahumedanorum æquè legitima & valida existimari debent, ac nostra; quippe quæ ad jus naturale meritò revocari debent. Quod si tamen velis sacramentum, unde est quod sacerdos præ quibus, te iudice, laicus est telluris inutile pondus, tam divino sacramento privetur; cum sacramenta à DEO instituta nunquam polluant?

Inter ea quæ admodum stabiliverunt papatum maximè recensenda videtur excommunicatio, quæ non modo plebem sed etiam potentissimos reges & imperatores afficiebat ità, ut pontifex pro libitu incitaret cives adversum suos principes, pœnâ gravissimâ denuntiata illis, quicumque aut

convictum aut colloquium haberet cum ullo homine excommunicato. Adeò ut necesse esset, aut in summâ miserâ diem suum obire, aut se sinere spoliari dignitate ad libidinem superbissimi sacerdotis. Quamvis hodiè bullæ papales, fulgura è vitro principibus existimentur, & defervescat iste furor apud cordatiores homines. Et quidem non temerè. Excommunicatio etenim legitima, fortunam, vitam, & hæreditates, nullo modo afficit; tantum monet homines, nisi præstiterint morem & obedientiam mandatis Christi, non posse Christianos haberi eos, qui violârunt leges Christianæ societatis, talesque ecclesia pronunciat ejiciendos, donec resipiscant. Longè secùs se res habet in illis, qui violant leges civiles, ubi obtinet axioma vetustissimum, *qui politicè peccat, politicè puniatur.*

Ad An. post Christi natum 312. Gentes septentrionales Gothi, Vandali homines planè rudes & barbari, quibus se jungebat magna colluvies omnium gentium, per Alpes Romam usque penetrârunt, ferro & flammâ regiones vastârunt, urbes ceperunt & possiderunt: ut jam antè ferè moriens imperium, diem suum obiisse videretur. Illis tristissimis temporibus evertebantur scholæ, ubi artes tradebantur, ludi magistri & doctores claudere officinas bonarum artium, & sibi quisque quâ cuique proximum esset, fugâ salutem quærere cgebantur, dum Martis quàm Minervæ castra se-  
qui

qui per id tempus fatius & conducibilius esse videretur. Hinc ignorantia densissima incubabat ecclesiæ, superstitionis atque errorum facundissima mater. Pontifex interim quovis pretio adulterinam mercem in tenebris vendebat. Christiani ipsi, cæteroqui orthodoxi, multum jam ante contulerant ad introducendam ignorantiam, propter philosophos gentiles, qui infensissimos hostes Christianorum se ostenderunt, tum in scribendo tum in persecutiones excitando. Quidam etiam ex illorum numero, qui castra gentilium deserebant, evadebant ferè pestilentissimi hæretici, religionem Christianam, cum philosophiâ confundebant; ità ut publicis edictis interdictum quoque fuerit, gravi denuntiata pænâ; ne amplius legantur authores prophani. *Hieronymum* certè fingeat post obitum, dedisse pœnas latinitatis suæ, quia mirè versatus fuit in legendis operibus *Ciceronis*, pro quo tamen delicto, sc. pro nimis accuratâ latinitate, insequentibus seculis neminem scholasticorum dedisse pœnas, ausim affirmare.

Excussis literatis auctoribus ex hominum manibus, sacerdotes scribebant pro arbitrio, quicquid ex suo usu fore ducebant, fragmenta quælibet & falsa miracula nemine contradicente. Politicam docebat clerus, qui nil decerneret, quod aliquo modo non inserviret dignitati ecclesiasticæ. Episcopus Romanus in tantis tenebris maxime

imè ambiit pontificatum œcumenicum, frustra retinente imperatore, propter barbarorum vim incredibilem, atque motus civiles per totas sparsas imperii provincias in oriente; Persis regiones integras longè latèque vastantibus; & post illos Saracenis (*Mubammedo* duce, homine obscuro loconato, verum astuto & insigni audaciâ prædito) per Syriam & Ægyptam, grassantibus: qui dum Damascum capiebant, Arabiam subigebant, valde inclinatus erat status imperii in oriente. Atque hæc admodum inserviebant episcopis Romanis ad erigendum pontificatum.

Urbs Roma, orbis terrarum princeps, multum contulit ad stabiliendum Papatum, propter vetustatem & magnam famam. Et fatale nescio quid huic urbi concessum videtur, ut, occidente quoque imperio, Roma tamen de novo imperet. Quodque mirabile dictu, uti primis initiis primi fundatores (si historicis sit fides) erant latrones, ficarii & pessimi quique homines; ità quoque novi domini principes, pontifices ipsi (teste ipso *Baronio*) perditissimi omnium qui sunt, qui erant, vel futuri sunt. Imperatorum vero error fuit longè maximus, in sede imperii transferendâ Constantinopolim, relicta Româ, quam debuissent sibi servare ante omnia, propter auctoritatem urbis & antiquitatem, tum & ad episcopos compescendos, & motus septentrionales cohibendos, uti homines longè bellicosiores quàm



quàm in oriente Asiatici: unde jam olim aliquis, *Philippum* cum viris, *Alexandrum* cum fœminis pugnâsse.

Post translata Constantinopolim imperii sedem, illius loci episcopus admodum superbiit propter præsentiâ aulæ & imperatoris; & jam locum præcipiebat Antiochænis & Alexandrinis episcopis, quibus antea per multos retrò annos semper cesserat. Contendebat etiam de loco cum episcopo Romano. Hic cum nullos agnosceret superiores, ille nullos pares, cœptum est scriptis adversariis disceptari. Et *Gregorius* I. quidem superbiam episcopi Constantinopolitani gravissimis verbis castigavit, dum superbum & Antichristi præcursores nominavit: successores autem *Gregorii* longè aliter senserunt, & dominatione in dies augefcente, procul agentibus in oriente imperatoribus, immodestius multo se gesserunt, & nihil non tentârunt per fas aut nefas, ad introducendum dominatum absolutissimum.

Interfecto, imperatore *Mauritio*, à perfidissimo *Phocâ*, hic cum multum apud populum, largitionibus effusis, valeret, imperio potitus est: resistente admodum episcopo Constantinopolitano, qui nullo pacto probabant hominem sicarium & regicidam gaudere imperio. Igitur ille ad episcopum Romanum confugit, cui nihil gratius, quam habere lites externas in suo foro agitandas. Mox hic *Phocam* legitimum imperatorem,

peratorem pronunciat; *Phocas* vicissim, ne ingratus videretur episcopum Romanum salutabat pontificem maximum, sive episcopum œcumenicum.

Obtinere quoque cœpit, ut frequentes Transalpini episcopi, Gothi alisque ex barbaris gentibus transvolarent Romam, unde religionem suam acceptam referebant, quales quando in patriam redibant, multò majorem gratiam inveniebant apud populum. Adeò ut nisi pallium archiepiscopus è manibus pontificis recepisset, vix esset alicujus nominis apud suos. Unde postea decretum fuit, ut nullus archiepiscopus munere suo fungeretur, nisi Romæ palliatus esset, pallio non sine magnâ pecuniæ vi obtinendo. Si velis confecturam pallii cognoscere, Vid. *Sleidan.* Comment. lib. 13. p. 211. Breviter res sic se habet, In templo *Agnæ* Romæ, supra altare ponuntur duo agni candidi, qui postea in pascuâ mittuntur, & suo tempore tonduntur; ex quorum lanâ, cum aliâ lanâ immixtâ, parantur hæc pallia, quæ ab humeris pendent in pectus atque renes. Ad hunc modum contexta deferuntur ad corpora divi *Petri* & *Pauli* ubi relinquantur per noctem unam. Tum in honesto aliquo loco servantur, donec hanc non adeo operosam, neque sanè pretiosam mercem, archiepiscopus vel episcopus magno pretio redemerit à pontifice. Quod quam displicuerit Africanis episcopis, & qui publicè caverint, ne ullus Romam peteret

peteret causâ religionis, Vid. Histor. African. celebr. *Leidkeri*.

Missis jam sub jugum episcopis, etiam auctoritas conciliorum usurpanda venit, utpote quæ é diametro opponitur potestati pontificis. Si enim inferiora pontifice sint œcumenica concilia, uti affirmant ferè Hispani & Itali, & Papa sit infallibilis, cui tandem bonæ rei concilia? si vero pontifice superiora sint, ut constanter affirmat ecclesia Gallicana, actum est de infallibilitate pontificis. Satis id vidit Papa; ideóque nisi maximâ flagitante necessitate, nunquam convocabit concilia; quia semper inter patres inveniuntur benè multi, qui non benè sentiunt de infallibilitate pontificis, & sæpiùs ulteriùs penetrant ad detegendas ejus impias fraudes. Res fermè se habet, uti olim inter Parliamenta & quosdam reges Angliæ, qui nunquam ea convocassent si salva absque eis res fieri potuisset. Ut scil. cum tempore desuescerent tales conventus: quod jam obtinet in Galliâ, ut nulli sint in vivis qui viderunt comitia Gallicana. Ità nec speranda sunt posthac concilia in ecclesiâ Romanâ, post Conciliabulum Tridentinum, cujus edicta iratorum hominum potiùs quàm constantis senâtus fuisse videntur. Vide Hist. Concil. Trident.

Pontifices hætenus aliquo modo morem gerebant imperatoribus orientalibus, quoniam non dabatur opportuna occasio excu-

tiendi jugum. Cum verò maximè impug-  
naretur ab iis cultus imaginum, his impe-  
ratoribus insensissimos hostes excitavit Pa-  
pa: intereunte interea quoque exarchatu  
Ravennæ, qui speciem imperii adhuc præ  
se ferebat; non resistantibus orientis impe-  
ratoribus, propter debilitatas vires, & res  
admodum exulceratas, per dissidia domesti-  
ca. Cumque unum restaret quod molestè  
ferebat pontif. Rom. sc. Longobardorum ni-  
dificatio per Italiam: ut funditûs extirpa-  
retur, adversos illos excitabat *Pepinum* re-  
gem Galliæ, qui dominum suum *Cbilderi-*  
*cum* throno detruserat, & ejus loco se re-  
gem constituerat. Is contendit in Italiam;  
fufis fugatisque barbaris. Post hunc *Caro-*  
*lus magnus* insignibus maximi honoris orna-  
bat pontificem; quod profectò pro condi-  
tione temporis cautè factum fuit. Nullus  
enim princeps bene audiebat inter sacerdo-  
tes, nisi largiore manu illos muneribus one-  
râset; usque eò, ut principes cæteroquin  
optimi, quia ventres monachorum tetige-  
rant, iniquissimis calumniis & summâ in-  
famiâ notarentur. Quam ut effugerent,  
eò insanix perventum est, ut quando de-  
cumberent morituri, clericos ferè hæredes  
constituerent; quin & aliquando ducatus  
& integra regna, pontifici donarent prin-  
cipes.

Cæterum (neque enim quæ ad rem no-  
stram multum faciunt habent intermedia  
tempora) *Gregorius VII.* qui invasit sedem  
Roma-

Romanam cum contemptu imperatoris primus fuit. Antea nominabatur *Hildebrandus*, homo impensè scelestus, perjurus, crudelis, quique non sine multis fraudibus consequutus fuit papatum. Subjectionem passim imperabat regibus & imperatori *Henrico IV.* sub anathematis pænâ. Multos hic inimicos excitavit imperio, Saxo- nibus jussu pontificis turpiter deficientibus, & tandem *Rodolpho* Suaviæ duce pontificis instinctu, creato imperatore, loco *Henrici* excommunicati: addito versiculo,

*Petra dedit Petro, Petrus diadema Rodolpho.*

Sed *Henricus*, princeps in historiâ laudatissimus, omnes injurias, contumelias & anathematum fulmina magno animo tulit; denique *Rodolpho* superato superbissimum pontificem, in arce *Adriani* obsessum, & inde profugum potestate exutum, Salerni mori coegit.

Postquam violentiâ & aperto Marte infeliciter rem gessisset *Hildebrandus*, nihilominus tamen successores ejus à suo tramite minimè deflecebant, sed expeditiorem methodum excogitandam duxerunt, qualis rationem habeat religionis. Ideoque sermone multo vehementer fuerunt hortati omnes reges atque principes, ut bellum indicerent Saracenis, & terram sanctam, sic illis dictam, manibus hostium eriperent. Et nescio quo cæco impetu ducti potentis-

fimi reges atque principes Europæ, posthabita suarum terrarum curâ, honorem summum duxerunt sub insignibus crucis militare. Callidus verò Papa, ut animosius hoc iter susciperent, promisit unicuique militum munito signo crucis, siue domum reverteretur, siue in bello decumberet, plenariam remissionem peccatorum. Interim ex nundinatione istarum crucium, incredibilem pecuniæ vim corrasit sibi Pontifex Romanus. Imperatores & reges in isto bello, postquam exercitum ad lanienam plerumque duxissent, unus post alium revertebatur in patriam, opibus exhaustam per instigationem Papæ motibus & dissidii plenissimam, ut jam nil possent tentare contra Papam.

Dum talia moliuntur papæ Romani, duo erant impedimenta maxima, quæ hætenus admodum eos vexabant, jus divinum, sc. SS. Scriptura, & jus civile; quibus remotis pro arbitrio licebat imperare S. Scripturæ opposita fuit theologia scholastica, à *Thoma Aquinate* ac *Petro Lombardo* deducenda. Hos secuti scholastici, à masculino philosophandi genere alienissimi, meras nugas venditantes, atque ad circumveniendos se ipsos cuminisectores subtilissimi. Juri civili atque edictis *Cæsarum* oppositum fuit Jus Canonicum, quod ferè redit ad conciliorum statuta, & decreta pontificum. Vide *Lancelot* de Jure Canonico, p. 16. ubi affirmat, jus civile nullius esse firmitatis, nisi ab

ab ecclesiâ fuerint comprobatum. Et his duabus machinis Christum atque Cæsarem quam potuit maximè labefactavit Pontifex Romanus. Unde unâ voce clamârunt tum boni, qui his temporibus erant varii, Romam esse Babylonem, & Papam Bestiam Apocalypticam.

Haecenus vidimus (missis tamen plurimis, huc quidem spectantibus, sed non hâc paginâ capiendis) quo modo episcopi Romani suæ dignitati interservierint, & à minimis initiis ad tam immensa fastigia conscenderint. Nunc videamus, quomodo per ignaviam atque prodigalitatem aliquorum pontificum, admodum decreverit splendor & dignitas hierarchiæ Romanæ. Ubi se primo loco offerunt diffidia gravissima, quibus aliquando duo, etiam tres creati simul pontifices, se invicem diris atque anathematibus devoentes, dum miraculis & visionibus quisque electionem suam confirmabat. Accessit Avignonem translata sedes, ubi tamen *Petrus* nunquam commemorabatur; hic fuit sedes pontificis per 70 annos, quos Itali quidam vocant annos captivitatis Babylonice. Hoc facto pessimè consultum fuit Papæ, qui istic in potestate regis Galliæ fuit, qui nunquam totus favebat papatui, ut ferè apud Italos & Hispanos Galli habiti hâc parte semihæretici. Cæterùm tritum illud, *Cantante Gallo Petrus flet*, non immeritò usurpatum; nisi enim habuisset sæpiùs Gallus alibi quod ageret,

ageret, dudum forsan ejus jam factus fuisset eleemosynarius.

Sub idem tempus in celeberrimâ academiâ Oxoniensi *Wickliffius* extinctis cæteris luminibus, lucem tulit occidentali ecclesiæ. Vir fuit summæ facultatis, & si quis alius doctissimus. Papam esse hæresiarcham & antichristum publicè affirmabat, & ad oculos fraudes atque idololatriam ecclesiæ Romanæ in lectionibus publicis demonstrabat. Illum admodum venerabatur maxima pars nobilium, ipseque rex *Edvardus* illum in delictum habuit; sed, propter invidiam & odia monachorum, regnante *Richardo*, relegatus fuit in Bohemiam, ubi colloquia habuit & convictum cum Waldensibus, qui frequentes tunc erant in Bohemiâ. Sed tandem revocatus in Angliam, ubi diem suum obiit extremum. Porro ad annum 1453, capta à Turcis Constantinopoli, doctores Græci dispergebantur quaquaversum, etiam Romam usque pervernerunt; multique in Galliâ & Germaniâ sedes figebant. Hi quippe linguæ Græcæ peritissimi, multum damni adferebant Papatui.

Jam reverso *Wickliffio* in Angliam, in academiâ Pragensi, quæ istis temporibus erat nobilissima, florebat *Johannes Hussus*, professione theologus. Ille *Wickliffi* doctrinam uti piam & salutarem pro concionibus celebrabat, & longè latèque propagabat. Status ecclesiæ tùm temporis erat valdè



valdè turbulentus; ideòque indictum fuerat Concilium Constantiæ, ad quod *Hussus* citatus, cui publicâ fide cavebatur. Itaque, comitantibus nonnullis nobilibus, Constantiam venit *Hussus*: sed mox captivus detinetur, contra omne jus divinum, naturæ, gentium, & juratam fidem, publicis flammis combustus fuit, cineribus in profluentem Rhenum dissipatis, ne quæ superessent ejus reliquiæ. Paulò post simili supplicio finiit vitam auditor atque discipulus *Hussi Hyeronymus Pragensis*. Undè continui motus per Bohemiam, propter dogmata istorum heroum, plurimis probata. Hâc quoque ætate ars typographica Papatui multum nocuit, pulsura tenebras, quibus sese involvit, meliorem lucem non ferens papatus.

Indè per tres papas continuos, ecclesiæ Romanæ splendore & dominatione magis atque magis decessit. *Alexander VI.* ambibat dominium Italiæ, suo filio spurio *Cæsari Borgia*, hoc scopo convocatis nobilibus & cardinalibus benè multis, veneno è medio tollendis: sed per errorem famuli, pater & filius ex veneno hauserunt, quod convivis paratum erat.

— *Neque est Lex justior ulla,  
Quam necis artifices arte perire suâ.*

Pater statim ex veneno, utpote jam ætate gravis, moritur; filio tardiùs convalescente.  
Post

Post hunc homo bellicosus *Julius II.* invadit papatum: qui vehementiâ suâ multum damni attulit, contendens plurimum suis fulminibus cum *Ludovico XII.* rege Galliae, quin & armis quoque, gladium *Pauli* clavibus *Petri* præferens, ideóque claves regni cælorum in profluentem *Tiberim* abjecturus.

*Leo* decimus bonarum artium fuit amantissimus, sed homo planè minimæ religionis, muneribus amplis & largitionibus in homines doctos collatis, aliâque multa prodigalitate ærarium suum exhaustit, ut ad inopiam ferè fuerat redactus. Nova igitur methodus conscribendi pecuniam cum excogitanda veniret, nullum expeditiorem existimavit, quam indulgentiarum nundinationes. Quapropter missi quæstores in Germaniam, qui abusi Germanorum pietate, in ludibrium divinæ gratiæ, & opprobrium religionis, incredibilem pecuniæ vim colligerunt. Hi omnium peccatorum remissionem promittebant interventu pecuniæ: ovis, lacte, caseo, carne vescendi facultatem diebus jejunii, pretio vendebant: & quod longè pessimum, libellis editis, hæc sua deliramenta confirmabant & defendebant. *Martinus Lutherus*, per ista tempora theologus Augustinianus & Wittenburgæ professor, quæstorum concionibus & libellis exercitatus, cum videret à vulgo credi, quod illi tam superbè jactabant, cœpit monere homines, ut nè nimio pretio adulce-

adulterinas istas merces compararent. *Quin* & scripsit antitheses aliquot contra libellos & theses *Tecelii* hominis in vendendis pontificis indulgentiis fervidi. *Tecelius* confugit ad infallibilitatem, papæ & conciliorum decreta. *Lutherus*, dum disertissimus scripturæ locis admodum stringebat adversarium, hâc occasione datâ potestatem pontificiis in dubium vocare cœpit, de quo initio minimè cogitabat. Sed propter adversarii impudentiam unum ex alio sequebatur, usque ad articulum momenti maximi de justificatione peccatoris coram DEO, quem non temerè appellant theologi stantis vel cadentis ecclesiæ dogma.

Controversia denique delata fuit ad pontificem, coram quo *Lutherus* hæreseos inculcatus. Quâ de re cum hic certior factus esset, datis ad *Leonem* literis, exponit, quam temerè quæstores illi agant, freti ipsius, vel potius abusi, auctoritate; orat, ne illorum criminationibus fidem habeat; concionibus quæstorum & libellis nimium ineptis, se coactum edidisse quædam disputandi solum gratiâ, profitetur; cæterùm, omnia sua scripta, vitam quoque & salutem, ipsius arbitrio se submissurum pollicetur. En pulcherrimam profectò occasionem ad suffocandam reformationem, dum in herbâ erat, ut nè longius serpat! si nempe Papa bona verba dedisset *Luthero*, aut saltem, si comiter illum tractâisset, & istorum nundinatorum imprudentiam nonnihil inhibuisset,

Y

quod

quod unum volebat *Lutherus*. Sed imprudens minas & excommunicationes in *Lutherum* jactabat. *Lutherus* autem his nequaquam motus, magno animo & infracto, contra audentior ibat, adversarium argumentis ex sacris literis confutabat, graviterque affirmabat, nullam doctrinam, quantumvis speciosam, præter illam quæ à prophetis & apostolis nobis est relicta recipiendam esse. Hæc insolita disputandi ratio, quâ *Lutherus* utebatur, nova fuit monachis, sua argumenta ex Jure Canonico petere ferè consuetis. Inde argumentis *Lutheri* consternati & confusi, quo se verterent, quodve primum, quod deinceps agerent, vix habebant. Quoties in arenam descendebat *Lutherus*, palàm testabatur, nil se moveri Papæ excommunicationibus atque verbis ad ostentationem compositis, etiamsi capitis pœna subeunda foret; vivere tamen & immortalem esse Christum, cui tribuenda gloria. Ut jam leo tenuerit lupum auribus!

Imperium interea temporis ardebat bellicis, quæ gerebantur inter *Carolum Cæsarem*, & *Franciscum* regem Galliæ, hostes potentissimos, & olim competitores coronæ imperialis. Sed & in Britannia dissidia gravissima orta sunt inter Papam & *Henricum VIII.* propter *Catharinam Ferdinandi* catholici filiam repudiatam, & ejus loco in matrimonium ductum *Annam Boleniam*. Rex fulminibus Papæ contemptim habitis, reditus

reditus ecclesiæ sibi sumpsit, & bonam partem inter nobiles distribuit; politicè satis, ut necesse haberent regem contra pontificem defendere. Cæteroquin *Henricus* satis erat pontificius, ut patet ex scriptis editis contra *Lutherum*: quibus hic respondebat non sine scommate & multo sale, nullâ ratione habitâ coronati capitis. Sub idem tempus, vel, ut aliqui, paulo ante *Lutherum* *Zwinglius* publicè concionabatur in Helvetiâ contra indulgentias, & evangelicam veritatem annuente magistratu masculè defendebat. Multum autem conferebat ad reformationem promovendam, ipsa doctrinæ indoles ac natura, quæ & maximè favebat auctoritati magistratus stabilendæ, & optimè accommodata conditioni plebis, quæ antea ingentem pecuniæ vim pro remissione peccatorum pendebat. Per *Lutherum* verò non opus erat aut Romam petere, aut nummos expendere pro remissione peccatorum; quam habemus domi plenam, sine ullo pretio, modo supplices veniamus ad thronum gratiæ per mediatorem.

Florebat tunc temporis *Jobannes Reuchlinus*, linguarum orientalium peritissimus, & absque quo actum ferè fuisset de Judæorum scriptis, quæ nitebantur pontificii flammis comburere, quin si quis intelligeret hebraicè, parùm aberat, quin incusaretur hæreseos. Ille interim *Reuchlinus*, alias *Capnio*, facem præferebat reformato-

ribus. Vide *Colloq. Erasmi de Apotheosi Capnionis*. Erasmus quoque facetiis suis ad ludibrium monachorum compositis, vehementer eis nocebat. Mirum etiam in modum extollebat idem in initio opera *Lutheri*, in epistolâ ad *Fredericum*, ut videre est apud *Sleidanum*: etsi paulo post causam Semipelagianorum sustinebat contra *Lutherum*; à quo tam falsam & acrem responsionem retulit *Erasmus*, ut nunquam quicquam regeret. Domus *Navarræ* etiam optimè merita est de reformatione; præcipuè *Johanna Navarræ regina*, mater *Henrici IV.* post regis *Galliæ*. Inter pontificios quoque non deerant viri boni, qui sordidissimam monachorum, juxta atque omnium clericorum vitam, paulò acrius à *Luthero* perstringi non malè ferebant. Ità videre licet inclinationes istorum temporum, & varios affectus hominum, omnesque motus ità ad divinam voluntatem accommodatas, ut quæ ab æterno DEUS decreverat, suo tempore perficerentur.

Haftenus feliciter præter spem & expectationem hominum triumphabat doctrina purior: quare autem non latius se extenderet, hujus loci est inquirere. *Lutherus* vir quantumlibet bonus, tamen habuit suos nævos. Opinionis adeo tenax, ut si vel latum unguem ab illo quis recederet, actum esset de amicitia. *Melancthon* quidem compescuit iras *Lutheri* quantum potuit, tamen natura viri usque recurrebat. Hinc diffidia

dia maxima atque tempestates horribiles, quas *Lutherus* movebat *Carolsladio*; qui imagines ex cordibus hominum removendas esse contendens, priusquam ex templis. Posthac inter *Zwinglium* & *Lutherum* contentio maxima quoque de cœnâ *Zwinglium* defendendum suscepit *Calvinus*: quæ lis, necdum sopita, admodum reformationem in suâ primâ origine impedivit. Etiam indies expullulabat magna hæreticorum seges; unde pessimè audiebat reformatio. Notabiles erant Anabaptistarum quorundam furores. Antistes eorum *Johannes Bucoleus* Leidenfis, post multos motus & violentiam illatam civibus, rex monasterii factus fuit. Reginam suam suâ manu interficiebat, quia favebat reformatis: ipse cum sociis paulo post pœnas daturus blasphemiarum. Ortum quoque per Germaniam bellum rusticum, ab illis motum, qui magistratum prorsus respuebant, affirmantes se per evangelium factos esse liberos; unde omnia hinc orta infortunia, tribuebantur reformationi, itâ ut multi principes fœdus inirent, ad defendendum pontificem; quia malebant uni superbo pontifici servire, quàm millenis rusticis furibundis; dum *Muncerus*, homo planè phanaticus, multa millia hominum ad lanienam duxit, in vectus in magistratum ut in tyrannos & canes; suisque promittens, quando ad arma ventum esset, globos tormentarios hostiles, se veste suâ recepturum.

Ex

Ex iis quæ hætenus commemoravimus fati constare potest, quæ ecclesiasticæ dominationis in papatu primordia, quæ incrementa fuerint: exulceratum simul & pænè morientem papatus statum, triumphante *Luthero*, vidimus. Operæ præteritum fore duximus, etiam interiorum ejus compagem hodiernam, & quibus contineatur vinculis, quibusque fulcris sustentetur, paucis contemplari. Statim, post vulnus per reformationem acceptum pontificiæ causæ *Carol. V.* Germaniæ imperator, & post hunc *Philip. II.* Hispan. rex, acerrimos defensores sese præbuerunt, & in eum statum non semel rem adduxerunt, ut valdè sibi suisque metuerent Protestantes. Nec desiderabantur viri doctissimi, qui tanto studio tuebantur papatum, ut neque subtilitate majore quisquam, neque contentione defendere potuerit. Quos inter memorandi sunt, præter cæteros, *Bellarminus* in controversiis versatissimus, uti *Baronius* in historiis ecclesiasticis. Attamen quanti quanti fuerint, & quantumvis pugnares, adversariis telis oppressos tamen vidimus. Cæterum, quum imprimis neglecta bonarum artium studia ingentem rei pontificiæ cladem *Lutheri* tempore intulerint, jesuitæ postmodum (uti cohors prætoriana pontificis) susceptâ rei scholasticæ procuracione, & translato ad se quasi bonarum artium monopolio, eas ad rationes regni tenebrarum accommodarunt, & teneras adolescentum mentes suis docu-



documentis politicis imbuerunt usque adeò, ut ab illis rationibus nullis, quamvis firmissimis, depelli se sinant. Scilicet propter maximam præceptorum curam & severissimam disciplinam evaserunt clarissimi; elegantissimi quoque sermonibus atque gestibus corporis, monachorum rusticitate, & sordidissimis sophistarum moribus rejectis, in consuetudine atque omni vitâ incredibilem quandam urbanitatem & mores politissimos præ se tulerunt. Inde occasione auricularis confessionis in aulas plerorumque principum irrepserunt, ut jam multis in locis ex ipsorum nutu omnia administrentur; ubi pontificis dignitati inservire magnoperè laborant, conscii ipsi secretorum, quæ à principibus his suis confessionariis creduntur.

Sacras Scripturas ex hominum manibus jamdudum extortas fuisse, bene notum est; quod etiamnum diligenter observant, ne quid noxium & perniciosum ecclesiæ in oculos hominum incurreret. Sed &, quod caput rei est, tribunal iniquissimum erexit pontifex, coram quo citandi sunt gravissimi etiam veteris ecclesiæ patres, ad censuram subeundam, si quid loquantur quod ex usu pontificis minus sit, indice expurgatorio in hunc finem consignato. Adversariorum verò scripta importari prohibentur in Italiam, dum ad fauces Alpium habet Papa speculatores, qui cognoscant, ne  
viatores

viatores deferant secum hæreticorum libros. Nullus porrò scriptor cujuscunque ordinis aut dignitatis sit, cui fas est edere quemcunque libellum, sine consensu virorum de hoc negotio cognoscentium. Quo fit, ut adversariorum Papæ æquitas & virtus, plebi lateat ignota, dum vitia adversariorum etiam conficta, in volumina congesta & continuò proposita in concionibus, tanquam hominum sine fide, sine lege, sine judicio viventium. Unde narratur, Italum, cum audisset hæreticum esse in urbe, spectatum venisse, & cum, quod expectaverat, nil monstri vidisset, admirandum exclamâsse: hæreticus equidem est homo haud dissimilis nobis.

Superioribus temporibus maximos terrores mortalium animis incutiebat anathema excommunicationis: sed hodiè, quosdam tenuissimæ potentiæ principes si excipias, hoc obtusum & hebetatum telum vix quisquam pertimescit. Erectum ergo est officium sanctæ inquisitionis, tribunal longè crudelissimum, à *Ferdinando* catholico institutum contra Judæos, qui post baptismum suos ritus atque leges retinerent. Quando vero nomen *Lutheri* erat vulgatum, in omnes promiscuè exercetur, & asperè quidem atque subitò, quum interim rei, & culpam & incusatores ignorent. Quomodo in isto carcere inhumaniter tractentur homines, Vide in *Histor. Inquis. de Goa*. Hujus quidem inquisitionis beneficio infinita evitari incom-

incommoda Hispani jactitant, quæ cæteris rebus-publicis cultus divini diversitas, attulit; at verò religionis quidem simulatio imperari eo pacto, & os obturari hominibus potest, pietatem certè animis mortalium eâ ratione nequicquam inferueris.

Ex dictis divinare licet, an ullus locus reliquus sit emendationis sperandæ in papatu. Omnes cæterùm cultores pontificiæ religionis non temerè in tres partes dividemus. Et primò facilè credamus magnam eorum partem omninò persuasum habere, vera esse, quæcunque ipsis à suis doctoribus traduntur; & hi facilè in officio continentur prohibitâ lectione S. Scripturæ, de quâ antè. Pars altera est pontificiorum, qui totius rei structuram satis perspexerunt; & illorum animis terrorem maximè incutit inquisitio & jactura fortunæ, si contradixerint. Tertia pars est atheorum turba, qui detectâ clericorum fraude, divina quoque jussu commenta anilia existimant. Quod facilè accidit hominibus, qui nec sacras literas nec ullum melioris notæ librum protestantium legerunt: tales, quando sine simulatione & pallio religionis res teneri non potest, quid mirum, si sequantur religionem indoli accommodatam; adorentque DEUM in pane, quem in cælis esse non credunt.

Quæ hæcenus de papatu disputavimus, etsi multò longiore & accuratiore trutinâ  
 Z sunt

sunt dignissima, paucioribus tamen attingere, multa quoque intacta planè præterire, jusserunt chartæ angustia & præfixi disputationi academici termini. Coronidis loco lubet tribus verbis discurrere: ecqua spes componendæ pontifices inter & protestantes controversiæ, sit reliqua, ut demum post tam horrida bella in mutuam gratiam redeant, pacemque inter se colant? Non defuerunt omni tempore ab utrâque parte, qui rationem & conditiones pacis monstrare conati fuerunt: Instituto, quod quidem primâ specie laudabile videri poterat, reipsa tamen planè irritum. Certè syncretismus, ut vulgò vocant, vix alio modo, quam uno horum trium, concipi posse videtur: nimirum, aut mutua tolerantia, quâ dissentientes partes, salvis opinionibus cuique suis, alii alios fratres habeant, & quicquid litis est, habeant minus principale, ac tale, quo non obstante, æterna salus obtineri possit; aut, ut pars utraque aliquid hinc inde de suo jure remittat, & sic mutuo accessu divortium tandem tollatur; aut denique, ut pars altera in partes alterius prorsus transeat, positisque pristinis opinionibus cum ipsâ sentiat. Quæcunque verò illarum viarum proponatur, omnes pariter reipsa religionem ludibrio habere videntur, & perinde æstimare, quid aliquis de eâ sentiat. Non enim de leviculâ re controversatum, sed de gravissimis opinionibus, & quæ spectant divini cultus animam.

mam. Induxit enim Roma novum fidei  
 principium, novum scripturæ interpretem,  
 novum ecclesiæ caput, novos mediatores,  
 nova sacramenta, novum animarum re-  
 ceptaculum, novam ecclesiæ disciplinam,  
 uno verbo, tantum non omnia nova.  
 Quod si verò hæc universa non tanti vide-  
 antur momenti, quin transigi super eis  
 posse putetur, quæ ergo futura sint capita  
 super quibus transigere non liceat, videre  
 lubet? Unde & omne hoc syncretistarum  
 genus hanc gratiam iniit tandem, & ab  
 utrâque parte, nec planè immeritò habitum  
 fuerit hominum genus cui sua religio aut  
 minus intellecta, aut minus cordi foret  
 quàm decet. Sileo politicas causas, infini-  
 tas easque gravissimas, & humanitùs lo-  
 quendo impossibiles, quæ non sinunt vel  
 ut Romanenses multum concedant pro-  
 testantibus, vel ut protestantes mul-  
 tum concedant Romanensibus, de quibus  
 dicere non jam pagina finit. Vi & armis  
 ut illi ab his opprimantur, fieri posset, fa-  
 teor, constigante veritatis evangelicæ neg-  
 lectum DEO; verum, ut nulla violentia  
 fidem religionis ingenerare potest animis  
 hominum, ità in verum opinionem consen-  
 sum dissentientes adducet nunquam. Et  
 profectò ipse hic omnes per dracones con-  
 vertendi modus, tam est ab omni spiritu  
 evangelico remotus, ut vel solus sufficiat  
 ad alienandos in perpetuum protestantium  
 animos à tam immanis tyrannidis regno.

## 172 *Exercitatio Historico-Politica*

Æterna igitur sunt cum Româ bella !  
neque desperent protestantes, aut animos  
abjiciant, ob immanem hostium tum cru-  
delitatem, tum multitudines, quandoqui-  
dem norunt esse in fatis, ut æternos refe-  
rant triumphos, duce & auspice Christo,  
de regno, cujus tantâ astutiâ politicâ sunt  
compacta membra, ut nullâ humanâ vi,  
sed solo spiritu oris Omnipotentis DEI,  
suo tempore veniant solvenda.



REGI-



# REGIMEN

Ecclesiæ Sanctgallenensis,

ET

ABBATISCELLANÆ

IN

# HELVETIA

BREVITER DELINEATUM.



T. Gallensis urbs, quæ & inter imperii civitates numeratur, non est ita magnæ antiquitatis, sed sua initia atque originem *Scito Gallo* acceptam refert, qui ibidem in septimo seculo domumculam & cellam primum, seu oratorium in densissimo nemore condidit, ut con-

conversioni incolarum daret operam, qui pro conditione istorum temporum christianæ veritatis ignari colebant idololatriam: *St. Gallus* verò, secundum *Caveum* in Scriptor. Ecclesiastic. Histor. Literar. erat gente Hibernus qui in ætate tenellâ, *S. Columbanus* curæ à parentibus commissus, sub eo monasticam instituit vitam: unâ cum eo in Britanniam & exinde in Galliam transfretavit, in cœnobio Luxoviensi vitæ & laborum comes adfuit. Anno circiter DCX. Columbanum iter in Italiam parantem, sequutus, jussu illius in Rhætiâ substitit, ut populares evangelii luce perfunderet: quod & condita sibi seorsim cellâ, strenuè effecit. Ad episcopatum Constantiensem præsulum vicinorum suffragiis designatus, *Joannem* discipulum suum præfici curavit. Circa An. DCXV. monasterium celeberrimum à nomine suo dictum in Helvetiâ fundavit. In hoc monasterio diu detentus fuit in vinculis *Pepinus* filius spurius *Caroli Magni* qui perduelli & patri suo parabat insidias.

Primi reformatores inter Sangallenses fuerunt *Benedictus Burgoverus* pastor ecclesiæ *S. Laurentii* & *Wolfgangus Wetterus*, quibus adjunxit se *Kesslerus* qui 1523, in Saxoniâ operam dedit studiis. Insuper *Hermanus Miles*, *Jacob. Rhinerus*, & præter cæteros, *Joachim van Mat*, alias *Vadianus*, D. M. Consul Urbis, & theologus consummatissimus, qui multa scripsit elegantissima



gantissima ad defendendam reformationem contra pontificios; interfuit quoque in pluribus colloquiis publicis, e. gr. Bernæ 1528, & Tiguri 1523, & dicitur primum esse qui curavit missam *St. Galli* aboleri. Quadraginta imaginum plaustra extra portam urbis publicis flammis commiserunt, ut nullum amplius simulachri simulachrum restaret, templa quoque omnia ad cultum divinum non necessaria, æquavere solo, ut removerent omnem ansam pontificiis illos locos superstitionis causâ frequentandi: reliquiæ *S. Galli* tum temporis periere, quia nullas jam reliquias habent monachi, nisi *Bacchi* & *Sergii* corpora, quæ magni æstimant; erat in urbe magna crux auro obducta, quæ pretiosissimis reliquiis referta esse dicebatur, quæ dum aperiretur, faragine pannosâ & linteamentorum frustulis, omnique impuritate aliâ, inventa est plena; quæ tamen per aliqua sæcula colebatur à populo, erat quoque ibidem & cornu deauratum in quo dicebatur lapillum ex sacro sepulchro, magnâ religione atque curâ servari, quod cum in præsentia legati Glarensis esset apertum, testudineam cochleam intus invenerant; quæ fraus ita movebat nuncium Glarensensem, ut ex pontificio acerrimo, factus fuerit reformationis assertor strenuus, & ad ejus exemplum tota Glarensis regio magnâ ex parte reformatis se addixit. Sub idem tempus 1526, duo fratres sectæ Anabaptistarum addicti disputabant

bant inter se de efficaciâ divinæ voluntatis & de resistantiâ liberi nostri arbitrii, & ut decideretur quæstio non verbis, sed re ipsâ, conveniebant inter se, ut unus collum suum securi submitteret, & ut alius alacriter percuteret, firmiter enim credebat contra voluntatem divinam incassum & frustra percussurum fratrem, sed ecce temeritatis suæ dedit pœnas uterque, unus utpote amputato capite vivere desiit alius justitiæ daturus pœnas vel ad minimum dum viveret horrendo fratricidæ stigmate notandus, & conscientiæ stimulis exagitandus. Hoc contigit non procul ab urbe.

Quantum attinet ad cultum divinum St. Gallensium nusquam locorum me meminisse observâsse majorem alacritatem in frequentandis templis, majus silentium in audiendis sacris sermonibus, severiorem disciplinam ecclesiasticam in castigandis delictis publicis, vel paratiores oratores sacros in concipiendis sermonibus ad populum habendis, ita ut sæpius usu veniat, unum pastorem ter quater imò quinquies de die, in concione populi verba facere, alterius vicem, propter absentiam vel valetudinem minus prosperam, aliave negotia necessaria, sustinentem. Dum essem apud Sangallenses bis vidi delinquentes publicè in templo coram toto cœtu pœnitentiam agentes, primus abstulit partem eleemosinæ publicæ pauperibus destinatæ, quapropter comprehendebatur, in carcerem trusus, donec

donec institueretur examen, & ejus delicto cognosceret senatus, tum die Dominico constituto, à lictore ductus fuit in templum, & scamno pro delinquentibus destinato, collocatus fuit, posthæc fufis precibus & psal-morum cantu peracto, pastor textum aliquem scripturæ delinquentis errori accom-modatum explicuit, urget, & ad statum peccatoris & usum fidelium omnium, dex-trè & efficaciter applicuit. Secundâ vice vidi alium cum uxore propter falsum jura-mentum præstitum, easdem pœnas luentem, ad quem adaptavit pastor textum illum *Ananiæ & Sapphira*, quem magno cum Zelo ad præsentem casum explicuit. Aliquo-ties in anno ibidem mos est, ut unus ex magistratu conscendat suggestum, sermo-ne sacro jam finito, & legat admonitionem senatus verbis gravissimis conceptam, contra luxum aliosque pravy mores maximè inter vulgus grassantes, interminationibus, ne quis falsò sibi persuadeat impunè se pecca-turum: habent intra & extra urbem, sex templa, & in unoquoque, tempore æstivo diversis horis, habentur conciones, ità ut quoque die dominico, sex vel septem liceat audire sermones sacros, & unoquoque die septimanæ, ad minimum binas, præter concio-nes alias, funebres & extraordinarias. Fæ-minæ omnes nigris vestibus indutæ, cujus-cunque sunt ordinis, petunt templa, ità ta-men, ut viduæ, virgines, uxores facilè à se invicem, distinctis aliquibus indumentis

distinguantur. Matrimonia inter liberos fororum vel fratrum, vel sororis & fratris liberos, nunquam instituuntur, nisi patriam derelinquant; credunt enim nonnulli hujus generis copulationes per legem Moisis esse prohibitas, alii hanc prohibitionem magis ob prudentiam civilem, nec scilicet familia jamjam præpotens, tali matrimonio evadat nimis opulenta, quod cum statu democratico minimè convenire videtur. Pro parvâ urbe magnus habetur prædicatorum numerus, plus minùs scilicet viginti: quinque quorum, sunt primarii, totidem ferè diaconi & reliqui in scholis præsent, donec gradatim mortuo uno ex pastoribus ordinariis, occasio detur, promovendi illum, qui est rector collegii, ad dignitatem concionatoris ordinarii, ità ut unius pastoris primarii decessu, omnes subordinati unà promoven-  
tur, inferiore scilicet usque in superioris sui locum ascendente, & pro ultima classe in collegio, novus constituitur præceptor ex candidatis expectantibus; & hic ordo rarò aut nunquam mutatur, inde est quod amor mutuus integer, inter ecclesiasticos conservatur, & habeant quoque inter primarios pastores viros semper consummatissimos utpote aliquando per 15. vel viginti annos expectantes, & per omnes inferiores gradus transeuntes, antequam ecclesiæ præesse possint; longè autem secus se res habet in aliis locis, imò & in Helvetiâ, ubi juvenes per saltum ad summa fastigia subito,  
doctis

doctis senibus & venerandis posthabitis, gratiâ superiorum noscunt ascendere; sed nimis vereor ne tales ambitus etiam si non interveniat pecunia, *Simonem* illum *Magum* aliququaliter sapiat. Nulli pastori permittitur induere capillitia, nisi adferat causam omni exceptione majorem, quod nunquam vel rarò accidit; insuper quinque pastores primarii omnes prolixas nutriunt barbas, quamprimum ad hunc gradum ascenderint, qui mos etiam apud illos valet, qui sunt in tribu textorum, vel si quis forsân barbam raserit, mulctandus est pecuniâ, quæ consuetudo tantummodo inter textores vim legis habet.

*St. Gallenses* habent hoc sibi peculiare, ut non habeant istum antiquissimum ritum in ecclesiâ valentem, impositionem scilicet manuum in ordinandis pastoribus; aliquando etiam & in ecclesiâ Basileensi sed raro & singulari planè casu, scilicet quando aliquis diaconus, (nemo enim ibi, antequam sit ecclesiæ pastor, recipit impositionem manuum) eligitur in antistitem, tum quia nullum habeat sibi superiorem, vel æqualem, nullus creditur idoneus ex presbyteris imponere manus suo antistiti vel episcopo. Habent & hoc *St. Gallenses* quod in sacrâ cænâ adhibeant panem azimum, quod tamen Tigurini, Glarenses, Abbatiscellanenses & Toggenburgenses quoque faciunt, non ex aliquâ superstitione vel spiritu singulari ab aliis ecclesiis reformatis dissentien-

endi, sed quod verentur ne plebs scandalizetur per subitam antiquæ ceremoniæ mutationem, & nequando pontificii novam ansam habeant cavillandi, cæterum viri docti ubique consentunt, se ex animo desiderare ut adhiberi liceret panis communis, cum satis vident ex historiâ ecclesiasticâ, novam esse inventionem primo ab *Ebione* Hæretico excogitatam, qui simul aquam loco vini in sacram synaxin introduxit, & in oriente primò opinionem suam propagavit, quam postea *Alexander Primus*, Pontifex Romanus teste *Platinâ*, ob has infirmissimas rationes amplexus est, scilicet quod azymus esset fermentato melior atque purior, atque ut ne offenderet *Ebioni* & suis discipulis: in antiquâ ecclesiâ non obtinuisse azymum *Suarez*, *Aquinas*, alii-que scriptores Romani fatentur. Et quod hoc extra omne dubium ponit, est constans & hodiernus usus ecclesiæ Græcæ, qui nunquam non accusant Romanos innovandi pruritu propter hanc opinionem, ut videre est ex libro *Gabrielis Seberi* Philadelphię episcopi, qui scripsit in linguâ Græcâ modernâ contra præcipuos errores ecclesiæ Romanæ librum certè eruditissimum, ubi ostendit azymum apud Judæos commemorasse tantum servitutem in Ægyptum, sed cum christiani sub gratiâ sint, & non sub lege panem utpote solidiorem, esse multo  
con-

convenientiorem\*; hi azymi qui apud Tigurinos in usu sunt, quadranguli oblongi habent figuram, libellum in octavo ferè referentes, qui commodè dividi potest inter sex vel septem communicantes, quod semel apud Tigurinos vidi, qui & hoc habent singulare, quod in poculis ligneis ministrant vinum sacratum communicantibus in eucharistiâ: res ità se habet, concione finitâ, pastor primarius cum diacono & alio pastore adjuncto, legunt formulas precum & liturgiæ, ad istam sacram solennitatem destinatas, tripartitâ lectione, modo aliquo responso, incipit scilicet primarius pastor, assumit alius, sequitur diaconus, reasumit de novo primarius, & sic porrò usque ad finem; in altare vel mensam communionis intereà ponuntur triginta, ni fallor, pocula lignea, mediocris magnitudinis, semimensuram præter propter capientia, quæ implentur vino à junioribus theologis vel candidatis, quorum triginta ferè, cum magnâ veneratione ad sacram mensam vel altare adstant, ut quisque capiat poculum, quod primo in quoque scamno porrigit, quod & hic suo vicino tradit, & sic porrò, ità ut brevi tempore, hoc modo aliquot millia hominum communicare possint; alii azymos in parvis canistris per templum eodem modo distribuunt, sed hoc ausim de Tigurinis affirmare, quod etiamsi non ha-

\* Vide meam Versionem Dissert. Græc. de Eucharist. Lond. editam.

beant nisi lignea pocula, aureos certè habent sacros oratores. Sed ut ad meos *St. Gallenses* redeam, nulli prædicatori ex aliâ provinciâ integrum est apud illos verba facere ad populum, tum quia habent copiam sufficientem concionatorum ordinariorum in scholis & in ecclesiâ, quod antè monui, nec non plures expectantes, qui nullo adhuc gaudent munere, & libenter offerunt se occasione datâ ad inserviendum ecclesiæ, tum quod vereantur ne forsan peregrini secum adferant peregrina. Denique observârunt nonnullos candidatos theologiæ eloquentiâ & doctrinâ pollentes, opulentissimis totius civitatis virginibus contraxisse matrimonia, & secum in patriam adduxisse, quod illi non æquo animo patiuntur.

Studioſi theologiæ in peregrinis locis, dant operam literis, Basileæ, Genevæ sæpiùs, ad linguam Gallicam addiscendam, aliquando etiam Marpurgi vel in academiis Batavicis; finito studiorum & preregrinationis curriculo, domum redeunt testimoniis instructi à theologis illius academix, in quâ per aliquod tempus vixerunt, diligentiam in studiis theologicis progressum & institutum vitæ honestissimum satis indicantibus; hæc testimonia à primariis pastoribus, à decano cum primis examinantur, tum examen instituitur, in præsentia pastorum atque magistratûs; qui si inveniuntur linguarum Latinæ, Græcæ putà & Hebrææ, philosophiæ & theologiæ bene periti, præ-



præscribunt illi textum Sacræ Scripturæ, die certo publicè explicandum in templo coram populo, hæc omnia si feliciter processerint, in sequenti synodo recipiuntur in numerum candidatorum. Qui aut expectant postea aliquod in urbe munus, vel in terris peregrinis ambiunt officia ecclesiastica, donec illos revocaverint sui cives. An. 1710, duodecim theologos numerabant extra patriam viventes, & totidem ferè domi expectantes, vel in visitandis aliis regionibus occupati.

Consistorium ecclesiasticum octo judicibus constat; quorum quatuor sunt ministri ecclesiæ, aut aliqui viri literati, duo præterea à minori, & totidem ex majore senatu: his omnibus nonus præsidet, è minori senatu aliquis; hic sententias rogat, & si paria fuerint suffragia, alteri parti accedit, & ejus sententiam ratam facit. Fert autem consistorium sententiam de controversiis matrimonialibus & de divortiis, neque ab eâ provocare licet. Verùm si difficiles controversiæ incidant, & ubi politicæ causæ cum matrimonialibus conjunguntur, tùm vel causam ad senatum remittunt, vel rem differunt, atque interea senatum & viros doctos de eâ consulunt. Fornicatores, cujuscunque sint ordinis vel conditionis, sine respectu personarum in carcerem traduntur, ille atque illa, ubi per quatuordecim ad minimum dies detinentur, postea vir, si cælebs sit vel viduus, in uxorem illam neces-

necessariò sumat, vel careat patria, vel magnâ vi pecuniæ castigandus. Insuper adulterium punitur degradatione ab officio, vel si tertiâ vice quis peccaverit, decretum est ut morte puniatur.

De xenodochiis aliisque locis publicis non est hujus instituti quid differere; sed quando agitur de eleemosinâ pauperibus erogandâ cives *St. Gallenses* sunt promptissimi, itâ ut paucis hinc annis centum mille tallerorum ad adjuvandos Gallos fratres propter religionem profugos, alacriter impenderint. Bis quoque in anno, solenni modo omnibus egenis ex peregrinis locis ibi ad constitutum diem confluentibus, panes distribuunt, itâ ut propter magnum expectantium numerum multa millia integrorum panum minimè sufficiant, quorum loco tamen pecuniam illi suppeditant.

In hâc urbe habentur duæ bibliothecæ instructissimæ, una in monasterio abbatis est, ubi septingenta ostenduntur antiquissima manuscripta, quæ tamen nolunt æquo animo ut consulant protestantes, ne quid inde contra pontificiam religionem vel contra ecclesiasticorum usurpationes in rebus politicis extrahant: questus est de hâc re ad me vir Lindaviensis doctissimus, qui ad nonnulla manuscripta consulenda, ad tuenda jura urbis adversus prætentiones abbatissæ vel principissæ quæ inhabitat monasterium quod est Lindaviæ, (prætendit enim dominium supremum in totam ur-

*Dissertatio de St. GALL. 185*

bem) *St. Gallum* expressè petiit, sed re infectâ domum rediit. Jam Domini Tigurini Bernenses, ea gaudent, qui peregrinis bibliothecas suas semper patefaciunt. Pastor Swollenfis, D. Sl. vir planè optimus retulit mihi historiam satis lepidam, semel dum simul cum amico visitaret bibliothecam abbatis, bibliothecarius ut illos, utpote protestantes, aliquantum ureret, ostendit illis collectionem variarum figurarum & ad aperturam, indicavit effigiem *Lutheri* à diabolis in frustra distracti, amicus autem fortè fortuna alium folium vertens, ecce! apparuit effigies *Joannæ Papistæ* Patris Patriæ, parientis parvum puerum prope Portam *Petri*: tum pudore suffusus monachus, clausit librum, & ad alias raritates illos circumduxit.

Alterâ bibliothecâ, vulgo Vadianâ, à fundatore ità vocatâ, in Epist. Manuscript. ad Vadian. fol. 11. p. 229. hæc quæ sequuntur inveni, "Rex Angliæ fassus est, "cum libellum qui suo nomine contra "*Lutherum* circumferebatur, non suum "esse, quamquam passus est, ipsum suo "nomine inscribi persuadentibus matæologis. Vale ex tenebris nostris plus quam "Egyptiacis."

Tuus, *Michael Hummelburgius.*

A. D. MDXXV.

B b

Hæc

Hæc bibliotheca instructissima est libris præcipuè novis, solenne enim est omnibus civibus lautioris fortunæ, magni pretii & raros libros bibliothecæ donare. Et præcipuè mercatores cum prosperè & supra vel præter expectationem negotia succedant, liberales hæc in parte inveniuntur; qui quidem & hoc gaudent privilegio, ut quoscunque, & quotquot libros voluerint domum transferre, & donec totos perlegant retinere, illis sit licitum. Hæc urbs semper alit viros, in omni literarum genere illustrissimos, & hic non erit abs re meâ allegare verba ingeniosissimi *Gio. Anton. Pazzaglia*, in suâ descriptione urbis *St. Gallensis*. *Mentre si danno sempre in questo molte persone letteratissime, ed assai dotte in diverse fuculta, e Scienze, che si fanno piacere di passar il tempo, che loro resta dalle proprie occupationi, nel virtuoso essercitio della lettura; il che mi fa ricordar del proverbio Genovese che dice, veni le scienze dalle montagne; E in effetti quelle di questo paese hanno prodotto, e producono sempre degl' huomini insigni, illustri, e sapientissimi, e per prova di questo le farò sovenire ch' il gran Theofrasto Paracelso, E il celebre Goldasto nacquero in questi contorni, e menorro quasi la maggior parte della Lor vita in St. Gallo: Ha questo dato la Nascita al Vadiano al Wetter, al Kessler, al Varenbuler, a David Sciobinger, e Sebastiano di detto cognome, ed a tanti altri illustri letterati, che ne sono*  
*troppo*

*troppo comuni le notizie per farne io a V. S. illustrissima una particolare mentione, non posso però far di meno di non mentionare uno dei più moderni, cioè e la recente memoria di Tobias Sciobinger, uno in vero dei più dotti, ed eloquenti personaggi, che si sia trovato nel ultimo secolo: possedeva egli diversissime lingue cioè e la Latina, Greca, Hebraea, e Siriaca, per non parlar dell' Italiana, Spagnola, Francese, Inglese, e tedesca; mentre queste gli erano così comuni che indifferentemente havrebbe potuto orare sì in una, come in un'altra: Era in oltre buon filosofo, teologo, matematico, astronomo, intendente sì in medicina com' in legge, ed eloquentissimo oratore; tal uomo in fine che il Cardinal Sfondrati già principe di S. Gallo lo amava teneramente a causa della sua virtù, lo conversava, e visitava spesso chiamandolo il suo Achate: la dieta di Bade dove fu molto tempo Ambasciatore, lo teneva per un oracolo, e la corte di Vienna confessò ch' era impossibile il trovarsi un erudito suo pari.*

*De humanitate incolarum & animi candore, plura proferre possem, neque mirum cum totum St. Gallense territorium, quod certè est minimum, & hyeme & æstate candidissimum, hyeme quidem atque verno tempore nivibus, æstivis autem mensibus planè coopertum est linteis candidissimis; & quia linificium ad tanta fastigia evexit cives. Hic apponam in gratiam curiosorum integram descriptionem ejus.*

Quoniam verò linificiū cura, præcipuum quæstum è linificio faciunt, & non tantum plebs urbana, sed maxima pars vicini agri, hinc sibi victum parat, diligenter & accuratè omnia constituta sunt, & cautum ne qua his fraus admitti possit. Primum igitur omnium rudis tela, mox ut à textore opus absolutum fuerit à tribus hujus rei peritis & juratis hominibus inspicitur, & prout fuerit bona vel mediocris, tali signo notatur. Quod si mala & vitiosa videatur, ad textorum tribus magistratum & XI. viros remittitur. Hi vel pecuniā textorem multant, vel telam juxta octonas ulnas in partes dividunt, aut per mediam latitudinem integram dissecant, aut si prorsus nullius pretii fuerit, publicè eam comburunt. Quotidiè autem inspectio & examen hujusmodi fit, & forum lineæ telæ exercetur certis legibus, ad quas servandas proxenetæ lini se juramento obstringunt. Postquam tela examinata fuerit & probata, jurati mensores eam metiuntur & signant. Mensoribus additi sunt alii; ex XI viris & mercatoribus, mensurarum inspectores, mensuram lintæ telæ vocant *Den Reyff*. Aliud deinde examen est telæ, opera fullonum jam candidæ. Qui hanc inspiciant, vocantur *Die Weissenus Schauwer*. Hi inspiciunt candorem, an satis alba sit; item an in officinâ fullonis non sit læsa, ac prout fuerit, signo notant, aut multam irrogant. Certi quoque homines ex mercatoribus & textorum

rum tribu, fullonum officinas inspiciunt, an omnia ordine & ritè fiant an lignorum & cineris copiam habeant, ne cuiquam in morâ sint. Officinarum quoque magistri quot annis, gravi juramento obstringuntur. Ea vero tela quæ tinctorum officinis destinatur, ab inspectoribus qui a colore nomen habent *Blau und schwartz schawer* in partes æquales secatur ab lini sectoribus, *Leinwatt-Schneider*, & ab aliis denuò examinatur an justam mensuram habet. Denique, si inspectoribus color probetur, signo notant: et rursus, ubi cylindro complanatum fuerit, denuo ab aliis probatur, & sigillum additur; quod si vitium aliquod habeat, vel secatur, vel id, si fieri potest, emendatur, atque tinctores & complanatores mulctantur: Urbs enim *St. Galli* hoc privilegii habet, ut eos qui in lino signando, sigillo addendo, tingendo, complanando, texendo, & similibus, fraude & dolo usi fuerint, capitali judicio sistere, & si in asilum aliquod Cæsareum confugerint, ab inde eximere, atque jure in ipsos animadvertere possit.

Qui plura de rebus *St. Gallensibus* intelligere cupit, adeat *Simlerum* aliosque scriptores de repub. Helvet. & cumprimis *Pazzaglia* superius laudatum. Jam de ecclesiâ Abbatiscellanâ cujus pastores cum *St. Gallensibus* unam faciunt synodum, aliquid dicendum est, necessariò, ut stemus promissis nostris, & quamcunque à viro in istâ regione

regione doctissimo potui acquirere notitiam, hic libenter opponam.

**A** *Batiscellanorum* ritus ecclesiastici conveniunt maximâ ex parte cum ritibus ecclesiæ Tigurinæ, tum quod illa hanc maximi semper fecit, tum etiam, quod verbi divini ministri inde à reformatione ad hæc usque tempora, plerique fuerunt Tigurini, quamquam cœtus quilibet, pro absoluto suo in eligendis pastoribus jure ex aliis etiam Helvetiæ reformatæ cantonibus præcones constituere consuevit. Ex hâc præconum diversitate ipsa rituum diversitas in diversis unius ejusdem regionis cœtibus orta videtur, quos paucis jam enarrare conamur. Equidem si oculos nostros convertimus, in I. *Viam*, quâ ad sacra in hâc regione munera eundum, examen videlicet & vocationem. II. *Officium* ministrorum, quod consistit in docendo per conciones ordinarias & extraordinarias, sacramenta administrando, disciplinæ ecclesiasticæ exercitio, curâ scholarum & ægrotorum, matrimonii consecratione, & litium matrimonialium decisione, & tandem III. *Medium* officio benè obeundo inserviens, quod est congregatio synodorum, spatiosus se aperit de ritibus differendi campus; at cum ecclesia angustis continetur cancellis, vix convenit, ut descriptio rituum illa sit latior.

Qui



Qui munus ecclesiasticum, in hac regione ambit, vi constitutionum synodaliū ab amplissimo magistratu confirmaturum, testimoniis authenticis comprobare necesse habet, se examen theologicum in unâ quatuor celebriorum Helvetiæ reformatæ urbium, *Tiguri, Bernæ, Basiliæ aut Scaphusi* sustinuisse, & in numerum S. S. ministerii candidatorum receptum esse. Studiosus quilibet theologiæ annum ætatis vigesimum olim, jam prægnantibus de causis vigesimum secundum egressus sufficientibus & vitæ et studiorum testimoniis instructus decanum, sive antistitem Gallopolitanum, quâ par est veneratione, de examine secum instituendo compellat. Inde conventus verbi divini ministrorum indicitur, in quo testimonia exhibita ponderantur, & si nihil obstat, dies examinis, ab amplissimo senatu, rogatione consulis ad gubernacula sedentis designatur. In eo præter dictum D. Decanum, quatuor ministri ex urbe, reliquis diligenter ad propositas quæstiones & responsiones attendentibus, in profectus studiosi philologicos & theologicos, quâ theoreticos, quâ practicos inquirunt. Finito examine locus vel textus quidam Sacræ Scripturæ idem pro suggestu tractandus præscribitur, & si utrobique expectationi superiorum satis fecit, gravi & piâ decani oratione in numerum S. ministerii candidatorum, concessâ potestate verbum DEI publicè prædicandi, & sacramenta juxta præscriptum

scriptum Christi, administrandi recipitur, & de officio monetur. Hic singularis amplissimi magistratus Gallopolitani munificentia silentio non prætereunda, quâ non solum examinatores & ministros externos, examinis assessores designatos, post examen unumquodque, sed etiam præcones & sacri ministerii candidatos ex agro pariter & urbe universos, finita synodo communi lauto hætenus solitus est excipere convivio.

Defuncto pastore cœtus alicujus, vel aliorum vocato fratres & symmistæ vicini vicariam præstant operam, donec successor electus sit. Candidati ministerii, ad sedem vocantem aspirantes, amplissimum chorarcham, quem *Landammannum* vocant, & decanum adeunt, post debitam honoris præfationem, & testimoniorum vitæ piæ transactæ, examinis sui, & indulgentiæ vocationem ambiendi, tum à magistratu, tum a ministerio patrio ritè impetratæ exhibitionem, veniam concionis publicè habendæ modestè petunt, quâ datâ, ad præfectos cœtus se conferunt, petitionem suam repetentes. Hi, perceptâ superiorum sententiâ, diem dicunt, quo specimen edere possint, quotquot vel indigenæ vel peregrini, spartam ambiunt, omnibus & singulis pro suggestu auditis, dies conventus ecclesiastici & electionis definitur, quâ sacra peragere solet, finitâ concione templis exeunt mulieres & peregrini quique, manent masculi omnes, e quibus  
suf-

suffragia ferunt, quicumque sacrae cœnae participes facti sunt more christianorum prisca temporis, quoniam, ibi locorum, jus patronatûs habetur venenum præsens disciplinae ecclesiasticae, & innovatio pontificia. Præfectus, vulgò centurio dictus, plebem, penes quem omnimoda est & absolutissima pastores suos eligendi potestas, graviter hortatur, ut arduum hoc negotium in timore Domini suscipiant, gloriae DEI & saluti animarum suarum promovendæ studeant unicè. Tum quo ordine quilibet candidatus specimen suum habuit, enarrat & suffragia per *χρηστω* colligit, his aut similibus verbis: *cui inter vos visum est, ut N. N. sit pastor vester futurus, is manum extendat.* Quod si suffragia numero vix videntur differre, uti fortè etiam accidit, pars plebis per hanc, pars per illam januam dimittitur, egredientium numerus notatur, major pariter ut in senatu & foro matrimoniali litem dirimit, & quis pastor sit ostendit. Hic solâ concione inaugurali munus suum auspiciatur, ritibus vel ceremoniis ordinationis, quæ apud Tigurinos & Basileenses locum habet, omiſſis, quanquam olim adhibiti fuerint.

Decanus, potiore tum pastorum, tum cœtuum curam gerit, præsidis officio in synodis & conventibus ecclesiasticis communiter fungens. Camerarius datâ occasione in quibusdam ejus agit vicarium, de fisco

capituli conservando & dextrè administrando potissimum sollicitus, ministri omnes vestitu non splendido, honesto tamen, facile à plebeis distinguuntur.

Templa, five ædes sacræ pro numero cœtuum sunt quindecim, quatuor cis, undecim trans Sintriam, omnia ab imaginibus papanis repurgata, unico excepto, *in Grub*, quod incolis regionis cum vicino pontificiis est commune. In his, tempore æstivo pastores, ludi moderatores, juniores utriusque sexûs in musicâ vocali tum informant, tum profectus quos in scholis privatis fecerunt, explorant. Ubi singularis ardor plebis in hâc arte addiscendâ, notandus, rarò quippè in modicâ ejus scientiâ acquiescit, sed tam diu se exercet, donec psalmos, aliosque hymnos sacros quatuor vocibus, etiam absque libro exactè canere sciant.

Conciones ordinariæ diebus Solis & Mercurii habentur. Horâ nonâ matutinâ turba convenit, propter pecuariam, cui maxime vacant incolæ, habitaculorum item nimiam à templis distantiam, & vias, tempore brumali altâ nive, invias. Ante concionem paragraphi aliquot è psalmo canuntur, post minister suggestum conscendit, preces ex liturgia vel agendis, ut vocant, fundit, quas oratione dominicâ claudit, non quidem genua infra suggestum flectendo, sed corpore erecto, omnibusque conspicuo. Tum textus prælegitur, explicatur, applicatur; integri libri biblici ordine

ordine tractantur, licet, pro occasione datâ, themata peculiaria eligantur. Post concionem, præco edicta & mandata magistratus prælegit, populum ad concionis proximè instantis frequentationem hortatur, precibus & cantu actus clauditur, & turba signo per campanam dato dimittitur.

Horâ duodecimâ catechisationes æstate omnibus in locis habentur, in quibus, Catechismus, qualis in Palatinatu in usu est, recitatur à junioribus, à natu majoribus verò explicatio petitur; his peractis, precibus & hymnis ante & post concionem dictis, finitur: aliquibus in locis ante explicationem, præco breviter explicat quendam sacri codicis textum.

Hora secunda pomeridiana Catechisationibus destinata est, per totam æstatem continuandis; in quibus, post cantum & preces, dialogismi, catechismi Tigurini secundum ordinem, explicantur. Quoniam verò multiplici experienciâ compertum est, catechisationes istas, quæ in formâ concionis, stylo licet simplissimo, & ad captum plebis accommodato habitæ sunt hætenus, expectatos à junioribus fructus non ferre, hinc ministri ædificationem etiam aliis modis quærunt, sacros nimirum conventus, præter consuetos & ordinarios, in templis, scholis, & curiis, instituendo, juniores & ætate provectiores vel de sensu concionum habitarum, vel de aliis religionis capitibus interrogando, controversias, quæ nobis cum

pontificiis intercedunt, dilucidè explicando; responsiones datas emendando & ulterius informando. Quidam ipsâ etiam in hyeme, tùm concionando, tùm catechizando pergunt. Alii, finitis concionibus catecheticis, horas, quas vocant precatórias, instituunt, quibus post prælecta aliquot ex bibliis sacris capitula, precibus potissimum vacant.

Festa anniversaria habentur quatuor, Nativitatis, Paschatis, Ascensionis & Pentecostes; primum & ultimum duobus, secundum quatuor diebus absolvitur. Jovis, Veneris, ipsius paschatis, & sequente die Lunæ, duobus prioribus ex his manè frequentantur conciones, & finitur explicatio historiæ passionis Domini nostri Jesu Christi, sex septimanis antea inchoata, à prandio reditur ad labores, duo posteriores integri cultui divino destinantur. Tertium non nisi per unum Jovis, in quem incidit, diem durat, & tum concio ordinaria, quæ die Mercurii habenda fuisset, intermittitur. Præter hæc festa, sacer etiam est primus cujusque anni dies, quo, aut memoria circumcissionis Salvatoris nostri celebratur, aut textus alius tempori conveniens, explicatur, & pia pro cœtuum incolumitate vota concipiuntur. Jejunium publicum quotannis ferè unicum habetur, à D. D. delegatis Cantonum Helvetiæ reformatorum in comitiis vel Badenribus vel Aroviensibus determinatum, & post edicto magistratûs

promulgatum; illud, textuum cumprimis pœnitentialium explicatione & applicatione seriâ, horis matutinis & pomeridianis transigitur.

Etiam defuncti, quotquot sacræ cœnæ participes facti, concionibus, ut vocant, funeralibus honorantur, minister quippe ante omnia, nomine familiæ defunctorum, gratias agit iis, qui hos ad locum sepulturæ sunt comitati; concioni habitæ brevis annectitur personæ defunctæ, ejusque vitæ descriptio, qualis quidem ad communem ædificationem facere videtur, precibus tandem se ad DEUM convertit præco, quem, ob liberationem defuncti laudat, simulque invocat, ut superstites lugentes paternè tueatur, erigat afflictas, pristinæ sanitati restituat ægros, & morituris suo tempore beatam largiatur ἀνάλυσιν. Incolis quibusdam mos est ante ædes & ad sepulchra defunctorum, qui efferendi & terræ mandandi sunt, genibus flexis precari, pars autem maxima huic consuetudini valedixit.

Baptismus singulis diebus, imò & horis, si in diem Solis incidit, hic ante cantum, trinâ ablutione frontis, præsentibus ad minimum quinque personis, patre nimirum infantis, susceptoribus binis, viro & fœminâ honestis, obstetrice & ædituo administratur. Finito baptismo, quibusdam in cœtibus susceptores genua ad baptisterium flectentes fundunt preces, aliis his omisiss statim discedunt. Liberi illegitimi, si modo  
per

per firmitatem corporis eorum licet, tam à baptismo arcentur, donec verum parentem indicaverit mater.

Sacra cœna ter in anno, festis scilicet nativitatis, paschatis & pentecostes celebratur. Tempore instante ad dignum ejusdem usum conciones habentur præparatoriæ; cœlibes singuli utriusque sexûs ad reddendam vel in templis, vel in ædibus parochialibus fidei suæ rationem edicto magistratûs adiguntur; illi verò, qui sacra symbola nondum acceperunt, sex diebus Solis, vel pluribus ante quodlibet festum, in templis examini rigorosiori subjiciuntur, in quo tamen pastores & juniorum & ætate provectorum habent rationem, hos in fide confirmando, illos verò fideliter instituendo. Communicantes singuli ad mensam domini accedunt, viros præcedentes sequuntur fœminæ. Panem à pastore accipiunt, azymum, non nisi ex longo usu; calicem in quibusdam ecclesiis præbent duo, vel etiam tres seniores & curatores ærarii ecclesiastici; aliis unus sufficit. Durat communis vel sacer iste actus plerumque per tres horas, & altero post festum demum die, propter maximum communicantium numerum finitur. Communio privata, non nisi in extremo necessitatis gradu administratur, si quis nimirum per annos complures graviter decumbens, viribus planè exhaustus ardentissimum subinde sacramenti hujus percipiendi testetur desiderium,

hac



hâc tamen lege, ut alii fideles, non pauci numero, ecclesiolam quasi constituentes, simul sacræ hujus cœnæ interfint.

Scholis porrò ministri plerumque ipsimet præsumt, ut mores in juventute formandi, & pietatem maturè instillandi commodior ipsis fiat occasio; in quo quidem officii genere, mirè sibi animos auditorum conciliant. Quod si pro more regionis ludimagistri id agant ex plebeiis, viri honesti, eorum scholas diligenter visitant, dirigunt, in id intenti maximè, ut juniores non saltem legere & scribere discant, sed præprimis fundamenta salutaris cognitionis jaciant, & catechismum memoriæ mandent. Ægrotis suis visitationem vel mediâ hyeme, altâque nive expetentibus ope & solatio adfunt. Pauperes ob Nosocomiorum defectum, tum consanguineis, invitis magistratus auctoritate ad id charitatis officium compellendis, tum spontaneæ cœtûs universi liberalitati pro suggestu commendant. Conjuges à se dissidentes sibi reconciliant, refractarios & scandalosos delinquentes & turpiter palàm degentes sine discrimine ad se vocant, corrigunt, hortantur, minantur. Obstinatiores ad amplissimum magistratum delatos, & nec per mulctas, neque carceres correctos excommunicant, hoc ferè modo: ministri cum singulis præfectis cœtûs, vel omnes in synodo congregati, cum delegatis magistratûs, delinquentes post iteratas & frustraneas admonitiones, &  
incre-

increpationes, ab usu sacrae cœnæ arcent, & ex ipsâ ecclesiâ rejectas habent, donec ad se redierint, delictorum seriâ pœnitentiâ ducti, eadem publicè professi sint, & sui emendationem non promiserint saltem, sed ejus signa haud contemnenda dederint. Excommunicatio, ut vocatur, major in hac urbe ignoratur, non quod ea improbetur, sed quod ejus nulla planè extent exempla.

Matrimonia diebus Solis, Martis & Mercurii consummantur & consecrantur; primo quidem ordinariè maxima incolarum pars, secundo *ιουγενεσποι*, tertio scortatores, vel quorum concubitus præmaturi innotuerunt, copulantur, quia inter scortatores & præmatturos concubitus, nullum vel parvum est discrimen. Ante copulationem solemniter promulgantur, vel si promulgare noluerit, testimonia à consistorio sufficiunt, ut, si quid fortè personarum conjunctioni obster, ad magistratum deferri possit. Die copulationis minister de suggestu finitâ concione descendens, in locum baptisterii se confert, quem neogami adeunt, & in genua procumbunt. Prælectis prælegendis, desponsandorum dexteras præhendens, quærit ex utroque, *utrùm personam præsentem expectant conjugem propter DEUM?* Tùm affirmantium dexteras jungit, fidem datam confirmat, iis benedicit, & de mutuo officio monet; cœtus autem universis precibus apud DEUM intercedit, benedictionem iis expetens; oratione dominicâ & cantu actus

actus finitur. Templis egressi neogami diversa adeunt, convivio nuptiali lætati, lares suos repetunt. Exteri quique matrimonia sua hic consummare volentes iisdem quibus incolæ legibus tenentur matrimonialibus, gradibus nimirum consanguinitatis in hac regione prohibitis abstinere, & testimoniis quæ politicis, quæ ecclesiasticis demonstrare, nihil sui copulationi obstare, hoc quoque observandum quod quilibet nisi uxorem duxerit è patriâ suâ, quandam mulctam luere cogatur.

Lites matrimoniales olim quidem episcopus Constantiensis decidebat, at quoniam conscientias incolarum confessione auriculari, ad quam eos vi compulit, turbare cepit, ad forum matrimoniale in ipsâ regione jam à seculo & quod excurrit, erectum deferuntur. Hic juxta verbum DEI, leges scriptas & conscientiæ dictamen judicant, in causas quascunque severius inquirentes; dubiis de causis, matrimonia vel impediens, vel promoventibus ex sinistra legum vel graduum consanguinitatis interpretatione oriundis, respondent, refractarios carceribus includunt, divortia quoad thorum & vinculum ob commissâ adulteria aut malitiosam desertionem concedunt. Ab hoc foro provocatio ad judicem superiorem non datur, cum litigantes nec esse talem, habeant juramento asseverare, & se sententiæ judicum staturos.

Synodi huic regioni sunt duæ, altera communis cum ministerio Gallopobitano, quam majores præter alias causas, ob paucitatem cœtuum suorum instituerunt, & peculiaris, sive propria, quæ in ipsâ regione vicibus alternis Trogæ & Herisaviæ habetur, die Mercurii post Pascha. Verbi divini præconibus & ministerii candidatis singulis assident, amplissimi magistratus delegati sex, suprà in descriptione fori matrimonialis recensiti. Sacrum hunc actum præcedit concio matutina, quâ finitâ, post prologum brevem decani, acta synodi superioris enarrantur, & membra, si quæ adfunt nova in communionem synodi recipiuntur. Postquam decanus per suffragia de novo, præses est designatus, leges synodales præleguntur, gravamina à fratribus panduntur, & cum assessoribus politicis de iis vel tollendis, vel mitigandis deliberatur. Sequitur dein censura, factò initio ab ipso decano, in singulorum mores, & in officii administrationem inquiritur. Qui fecit, quod decuit, locum suum reassumit (quia dum censura instituitur in aliquem, it foras, cum omnibus suis si quid adsint consanguinitatis, ut liberius vicini pastores, de ejus moribus coram, differant;) qui verò suo munere satis negligenter fungitur, vel id malis moribus deturpavit, corripitur, increpatur, & pro culpæ naturâ sæpius ab officio donec resipiscat suspenditur. Hic quisque colit spartam sibi creditam per se, non per vi-

carios, neque cuique licet frui duobus in ecclesiâ muneribus, hoc etenim portentum ingens existimaretur, a priscis moribus christianorum abhorrentissimum, & polygamia haberetur ecclesiastica, civili quâvis multo turpior & ab omni pietate christianâ remotior, nemo etenim animitus intervenire potest duobus dominis multo minus dominabus. Hæc pauca de rebus Sangalensibus, lector benevole, volui tecum communicari, quas æqui bonique consulas, valde te rogo. *N. B.* Hæc regio Abbatiscellanensis stilo veteri sola utitur, cui addictissima est plebecula, ut neque postulatione reliquorum Cantonum, nec sui magistratûs suasionibus, ad novum stilum recipiendum adduci possint; quapropter motuum publicarum metu, gaudent ad hunc usque diem suo stilo veteri.



ILLUS-





ILLUSTRISSIMO atque SERENISSIMO

Principi G U L I E L M O,

Duci de C U M B E R L A N D.

J. T. P H I L I P P S, S. D.



ERBREVES has Epistolas, quarum pleraque jamdudum legisti atque intellexisti, eâ quâ par est observantiâ tibi offero, Princeps celsissime, ut eas nitidissimè impressas, de novo ~~re~~ <sup>re</sup> volvas diligenter; continent enim ad cultum ingenii, atque ad vitam sapientissimè instituendam, multa longè utilissima; & si quid tibi occurrat difficultatis, operam meam, studia mea & cogitationes omnes libentissimè tibi do, dico, dedico. Sed tu tibi persuadeas velim, discipulorum optime, me dare ut des, facere ut facias; a te enim amari peto & volo, nec non ut alacri animo

## DEDICATIO.

animo prosequaris studia literarum: quod si feceris (facies sine dubio) museum tuum non erit ergastulum, sed verè ludus literarius; & nihil profectò felicius vel facilius addiscitur, quàm quod discimus ludendo. Maeste virtute regie puer, & plus quam dimidium animæ meæ; sic itur ad astra, sic acquiritur fama immortalis & amor totius populi Britannici. Misceamus colloquia Latina continuè, pro re natâ, de rebus divinis & humanis; ut more majorum, usu quotidiano (omnium disciplinarum optimo magistro) Latinam linguam perdiscas, & eruditionem solidam, quam cæteri nostri temporis pueri multorum annorum laboribus & corporis & animi lacerationibus debere solent, ingenio tuo acri, tuto, cito & jucunde, tu Dux inclyte, acceptam referas. Vale.

Die 26. MAII.

EPIST.





# EPISTOLÆ SELECTÆ.

## EPIST. I.



**V**EHEMENTER a me petebas, Principum optime, ut per literas te docerem, *Quid est Sapere?* Hodie honestissimo tuo desiderio satisfaciam libenter; ante omnia discute somnum benè manè, induc te eleganter, lava manus & faciem aquâ limpida; flexis genibus precare Deum Optimum Maximum, ut sospitet Dominum Regem, atque clementissimam Reginam, & benedicat studiis tuis omnibus. Hæc officia viri boni si præstiteris indefinenter, verè sapiēs. Vale. Die vigesimo octavo Novemb. 1727.

EPIST.

## EPIST. II.

**L**ITERAS meas fuisse tibi gratas, gaudeo ex animo; ideoque quæstioni tuæ de Sermone Brutorum, profectò satis curiosæ, paucissimis respondebo. Omnia Bruta edunt sonum aliquem naturalem, in omni regione eundem. Agnus balat Be, Be, Be; Lupus in Galliâ atque Germaniâ, ululat Lu, Lu, Lu. Sed aliquæ aves imitantur vocem humanam, ut Psittacus, atque Corvus, qui satis distinctè loquuntur Gallicè, Germanicè, atque Græcè, si habeant doctos Præceptores. Vale, & da operam linguæ Latinæ. Et si me amas, cura ut valeas. Die 30 *Novemb.* 1727.

## EPIST. III.

**D**E naturâ Dei Optimi Maximi, & creatione omnium rerum, nuper scripsi: examinabimus hodiè si tibi placet, quatuor Elementa, cum suis incolis; mare nutrit pisces, quorum Rex est Balæna; in aëre regnat Aquila, avis rapacissima; terra est diversorium omnium animalium, quique præest Homo, qui ea gubernat pro suo libitu. Has paucas lineas, si Anglicè vel Germanicè ad amussim interpreteris, eris, Dux Charissime, plusquam dimidium animæ meæ. Vale. Die 20 *Decemb.* 1727.

## EPIST.

## E P I S T. IV.

**I**GNIS est ex numero Elementorum, attamen nullum animal potest in eo vivere; quod attinet enim Salamandram, quam aliqui affirmant vivere in igne, credo esse meram fabulam. Ignis excitatur beneficio chalybis & silicis, cujus scintilla minima aliquando causa est maximi incendii, quod multas domos splendidas reducit in cineres. Vale. Die 30 Decemb. 1727.

## E P I S T. V.

**M**ONU te heri, Serenissime Princeps, Ignem Elementum esse sterile, & nullas habere incolas, nihilo minus tamen est causa vitæ, non tantum quadrupedibus, & avibus cœli, sed etiam in vermibus terræ; preterea neque gramen cresceret in campis, neque ulla arbor ferret fructus, sine calore ignis; uno verbo, quicquid vides tuis oculis, sine beneficio ignis, mutaretur in glaciem durissimam. Jubeas rogo ancillam tuam, ut accendat splendidum ignem benè manè, quod mihi homini seni ita gratum erit, ut nihil gratius esse possit. Vale. Die 4 Decemb. 1727.

E c . E P I S T.

## EPIST. VI.

**I**N duabus epistolis heri atque nudiustertius ad te, Charissime Discipule, datis, fatis, ni fallor, scripsi de naturâ atque indole ignis. Hoc tempore scias velim, Fumum esse humorem aqueum ligni, vel carbonis, qui ascendit in altum, & postea dissipatur in aetern; & siqua particula hujus fumi adhæreat camino, vocatur fuligo, qui si inflammetur, tota domus comburitur; ideoque habemus parvos pueros, qui bis in anno purgant nostros caminos, ne quid accidat infortunii; & in summitate domûs, canunt altâ voce, magnâ alacritate animi, *Sweep, Sweep.* Vale. Die 5. Decemb. 1727.

## EPIST. VII.

**Q**UAM primum te cognoveram, fatis videbam esse tibi magnum ingenii acumen, & te natum non ad colendas nugas, ut alii pueri nostri temporis, sed ad tractandas bonas literas. Proposuisti mihi heri, Princeps Optime, quæstionem satis curiosam, sed difficilem explicatu, Exempli gratiâ, a me petebas, siqua res redigitur in nihilum? respondebo tibi, verbis quam potero paucissimis: materia est immutabilis, & semper eadem, sed varias, & quotidie induit novas formas; ut, pluvia

si parum gelata, fit nix; si magis, fit grando; si verò maximè fuerit gelata, fit glacies; & tamen semper est aqua. Ità tu, si sis nudus, si induitus tunicâ nigrâ vel rubrâ, semper *Gulielmus* es *Cumberlandiæ Dux*, mihi sub omnibus modis maximè charus. Vale. Die 6 *Decemb.* 1727.

## EPIST. VIII.

**V**ARIAS ad te dedi epistolas de naturâ quatuor Elementorum. Jam ordo requirit, ut aliquid scribamus de metallis & lapidibus pretiosis, qui nascuntur in sinu terræ, & quos homines inde effodiunt magno labore suo: sed ante omnia loquamur de Auro, omnium Metallorum gravissimo; quod semper est charum, quia rarum. Ideoque valde abs te peto, Discipulorum optime, da mihi dono mille aureos: quod si feceris; facies (sine dubio) quod gratum mihi erit, ut nihil gratius esse possit. Vale feliciter. Die 8 *Decemb.* 1727.

## EPIST. IX.

**C**UM esses *Richmondæ*, non per jocum, sed sæpè dicebas feriò; quemadmodum magnes trahit ferrum, eodem modo studia literarum trahunt animum meum; Deus optimus maximus te servet,

& fospitet per multos annos, in hoc optimo tuo proposito; ut tu ipse, Dux Serenissime, instar magnetis, trahas ad te, non tantum oculos, sed animos quoque omnis populi Britannici: ideoque peramanter abs te peto, ut semines in animo tuo candido, omnis virtutis semina, quæ crescant denique in magnam arborem, ferentem aurea poma; modestiam scilicet, & pietatem, quam ut feras in magnâ copiâ, DEUM vehementer oro & veneror. Vale. Die nono *Decemb.* 1727.

## EPIST. X.

**S**ÆPE te moneo & hortor, ut tibi caveas ab adulatoribus, qui affectibus animi tui inserviunt, sed dignitatem famæ tuæ planè negligunt: ideoque ne mihi irascaris quæso, si epistola mea sit aliquando aspera & vehemens, dissuadendo te ab omni procacitatis genere; quia meum officium est adhibere remedium morbis animi, quemadmodum boni medici curare student varios morbos humani corporis. Ego Deum precor omni tempore matutino, ut det tibi mentem sanam in corpore sano. Felicissime vale. Die Decimo *Decemb.* 1727.

EPIST.

## E P I S T. XI.

**H**ODIE mane in somno fui turbatus; habui enim ob oculos, parvum puerum formæ profecto elegantissimæ, benè vestitum, stantem inter duas fæminas, quarum impudens & petulans una, quæ obtulit ei voluptates vanas, atque nugas omnis generis, easque proposuit ei pro summo bono. Altera vero matrona erat placida satis, atque modesta; promittebat ei famam immortalem, & amorem omnis populi Britannici, felicitatem veram magni Principis. Tum egregius ille puer, ægrè ferens petulantiam istius fæminæ nullius frugis, abi, inquit, in malam rem, cum tuâ adulatione & malis fraudibus: quæso te, interpretare hoc somnium meum, & magnum tibi debebo beneficium. Vale.  
Die undecimo *Decemb.* 1727.

## E P I S T. XII.

**P**RO elegantissimo libello, quem mihi dono dedisti, maximas ago tibi gratias: summâ etenim voluptate eum legi a capite ad calcem: doctissimè describit Coronationem Regis & Reginae, multa profert de virtutibus serenissimarum Principum tuarum sororum; sed & *Fredericum*, Walliæ principem, vocat spem Patriæ, & delicias humani generis; & te quoque his  
verbis

verbis alloquitur, Salve *Gulielme* Magnæ  
 Britannię & Saxonię Stella clarissima. Vale.  
 Die decimo tertio *Decemb.* 1727.

## EPIST. XIII,

**O**BSERVARI jam per multos dies  
 continuos, Librum Exodi valde esse  
 difficilem, & nullo modo tibi gratum;  
 quamobrem præteribimus secundam hu-  
 jus libri partem, aggrediamur Historiam  
*Joshuæ*, quæ aded est lectu jucunda ut ni-  
 hil jucundius esse possit. Hic enim habemus  
 transitum populi Israelis per fluvium  
 Jordanem, mortem sacrilegi *Achan*, Jeri-  
 chuntem cornuum sonitu destructam, &  
 Hai urbem per insidias captam, & com-  
 bustam flammis. Vale. Die decimo quar-  
 to *Decemb.* 1727.

## EPIST. XIV.

**M**ITTO tibi *Terentium* gallico-lati-  
 num, cum figuris satis lucidis; uti-  
 nam mihi liber esset elegantior, tecum pro-  
 fecto communicarem libenter. Observa  
 diligenter personas omnes dramatis, &  
 præcipuè *Phormionem*, nebulonem maxi-  
 mum, qui bono seni verba dedit & impo-  
 suit turpiter. Tu interea, charissime Dux,  
 ita gravissimè & modestissimè te gerito,  
 ut omnes spectatores dicant, velint nolint,  
 partes



partes tuas te optimè egisse. Vale. Die decimo nono *Decemb.* 1727.

## EPIST. XV.

**I**N illustrissimâ scholâ Westmonasteriensi, recreasti animum tuum sermonibus *Terrentii* poetæ, oculos elegantissimis actorum vestibus, & aures tuos exhilarasti musicâ suavissimâ: dic amabo, tota comœdia quomodo est peracta? quis bene, quis male, quis denique mediocriter se gessit? qui quæso adfuerunt episcopi? cum quibus nobilibus viris habuisti colloquia, me doceas rogo. Tu sine dubio, serenissime Princeps, superasti spem atque expectationem omnis populi, præbendo te speculum bonæ mentis, ut decebat *Gulielmum* Cumberlandiæ Ducem. Feliciter Vale. Die vigesimo *Decemb.* 1727.

## EPIST. XVI.

**G**RATULOR tibi, gratulor Regi atque Reginae; uno verbo, gratulor toti generi humano, felicissimum hunc diem natalem Jesu Christi; qui nostram naturam libenter induit, & passus est mortem acerbissimam, ut redimeret nos miseros peccatores, a servitute Diaboli. Ille est semen muliebri promissum in Paradiso *Eve* & *Adamo*, primis nostris parentibus, ad conterendum caput serpentis. Officium meum

meum est, charissime discipule, & tuum est quoque officium, imitari a primâ tuâ juventute vitam piissimam dulcissimi Jesu. Vale. Die 25 Decemb. 1727.

## EPIST. XVII.

**Q**uemadmodum heri celebravimus nativitatem Jesu Christi, ita hodie ecclesia Christiana memoriam *Stephani*, viri sanctissimi, qui pro veritate religionis nostræ lapidatus fuit a Judæis; (omnium hominum qui fuerunt, qui sunt, vel unquam sunt futuri, longè pessimis.) Dulce est pro veritate & pro patriâ mori; sic etenim viri boni acquirunt sibi famam immortalem. Vale feliciter, semper ama veritatem, & cole religionem. Die 26 Decemb. 1727.

## EPIST. XVIII.

**Q**UI nostro tempore scribunt ad magnos principes, maxima pars epistolæ consumitur in laudando bona corporis, formam pulcherrimam scilicet, & membrorum firmitatem; vel laudant bona fortunæ, ut sunt tituli dignitatis, vel magna vis auri & argenti; sed, charissime princeps, sic tu tibi persuadeas velim, bona corporis sunt incerta, bona fortunæ habent alas; ideóque author tibi sum, ut diligenter quæras bona animi, virtutem scilicet & scientiam,

tiam, quæ nunquam te deserent, sed manent post funera, nomenque tuum reddent maximè charum seris nepotibus. Vale. Die 27 Decemb. 1727.

## EPIST. XIX.

**L**EGI nudiusquartus in novellis publicis, quid & quantum tu præstiteris in gratiam Domini *Palaret*. Quomodo fratrem ejus liberaveris a tristissimâ servitute, & eum feceris caput liberum. Hæc profectò erat actio verè heroica, & juvene Cumberlandiæ Duce digna: amabo perge alacriter hanc viâ rectâ, quæ ducit ad gloriam immortalem; adjuvando viros bonos, & colendo optima studia literarum. Vale. 29 Decemb. 1727.

## EPIST. XX.

**H**Odierno die mensis Januarii, & anni novi primo, quisque mittit, aut accipit strenas. Viri divites, atque nobiles, servis suis fidelissimis dabunt res pretiosissimas; ex contrario pauperes atque nullius fortunæ homines offerunt principibus dona parvi momenti, ad captandam gratiam. Ego qui hoc tempore meliora non habeo, ad te mitto (Dux eruditissime) strenas literarias, epistolas scilicet meas, quas tu jamdudum singulas legisti libentissimè, collec-

tas in volumen. Ne ægrè feras rogo. Vale.  
Die 1 Jan. 172½.

## EPIST. XXI.

**G**RATULOR tibi, gratulor mihi, gratulor omnibus bonis, prosperam valetudinem tuam restitutam: non ego etenim solus angebar animo, sed omnes erant valdè tristes, cum intelligerent te ægotâsse per tres dies continuos: uxor mea, quæ te optimè novit, amici omnes; uno verbo, senes, vetulæ, pueri, puellæque, quæ obviam mihi venerunt, clamabant altâ voce; dic amabo, quomodo se habet *Gulielmus* Dux; nostra spes, & omnis virtutis speculum; profectò si ille abiit ad plures, nos omnes quotquot sumus, descendemus in eandem cymbam Charontis, & cessabimus esse inter vivos. Vale & vive feliciter, ne moriantur multi boni.  
Die 2. Jan. 172½.

## EPIST. XXII.

**P**ER duodecim annos continuos iter institui per omnes fere Europæ regiones, & colloquia habui cum multis viris illustrissimis, baronibus scilicet, comitibus, ducibus, principibus, episcopis, cardinalibus, nec non cum ipso pontifice Romano: sed, ut verum fatear, nemo horum invitabat me ad computationem infusionis

sionis theæ, nisi optimus *Gulielmus* Cumberlandiæ Dux; cui infinitas & immortales habeo & ago gratias. Vale. Die tertio *Jan. 173½*.

## EPIST. XXIII.

**I**llustrissima Domina *Tipping* nullo modo est adulatrix, neque inservit animi tui affectibus, mittendo tibi reculas parvi momenti, nugas scilicet inanes, quæ tantum bimulis vel trimulis gratæ esse possunt; sed tibi dono dedit naviculam bellicam, cum toto suo ornatu, quæ te monebit quotidie, ut incipias notitiam habere rei nauticæ, quia suo tempore futurus es architalassus totius Angliæ, ad superanda omnia monstra marina, piratas scilicet, & omnes alios hostes populi Britannici. Vale. Die 8 *Jan. 172½*.

## EPIST. XXIV.

**C**UM heri laborares exquisitissimis illis aurium doloribus, profectò adeò dolebam tuam vicem, ut dolores tuos, si id fieri poterat, in aures meas transtulisssem libentissimè; sed quod penes me est, faciam sine ullâ exceptione loci vel temporis, precabor scilicet DEUM O. M. ut in futurum pellat longissimè a tuâ Altitudine, morbos atque dolores omnis generis. Vale. Die nono *Jan. 172½*.

## EPIST. XXV.

**N**ON ità pridem somnium meum, interpretatus es dextrè & doctè satis, ideóque abs te peto, dic fodes, quid sibi velut somnium hoc, quod somniavi hodiè, horâ quintâ matutinâ? vidi scilicet puerum bonæ fortunæ, & egregiè vestitum; attamen ludibundum satis, & nugatorem maximum, quod cum viderit hujus pueri pater (qui erat vir planè optimus) exiit filium suum istis vestibus pretiosis, & eas dono dedit puero pauperi & modesto, qui colebat virtutem & bonas literas. Vale. Die 11 Jan. 1728.

## EPIST. XXVI.

**A**UDIVI a multis clementissimam Reginam, plurimis nobilibus viris comitatam, in vivario heri ambulâsse, per duas horas continuas; miror profectò te hoc tempore sereno nunquam prodire foras, quia moderata ambulatio multum conducit sanitati corporis & animi. Vale. Die 12 Jan. 1728.

## EPIST. XXVII.

**H**ERI tempore matutino vidi Regem nostrum potentissimum, cum serenissimâ Reginâ petentem ecclesiam, sed te  
nun-

nunquam vidi. Ideoque magnopere scire a te velim, quam petis ecclesiam? Anglicam, Gallicam, Germanicam, vel planè nullam? forsan etenim colis DEUM in tuo cubiculo. Quicquid sit, mihi satis persuadeo, te ludendo & garriendo, non consumere ullam diem dominicam. Vale.  
Die 13 Jan. 172½.

## EPIST. XXVIII.

SEMEl atque iterum te monui (Princeps celsissime) hominem vocari Microcosmum, vel parvum Mundum? quia nihil est in mundo magno, quod non invenias in tuo corpore; saxa etenim referunt ossa, capilli gramen, aqua sanguinem, flumina venas & arterias, magna tussis terræ motum; & quemadmodum animus regnat in humano corpore, sic DEUS O. M. dirigit universam machinam quam habes ante oculos, terram scilicet, & cælum, cum septem planetis, & omnibus stellis fixis. Vale. Die 15 Jan. 172½.

## EPIST. XXIX.

Observavi jamdudum, te vehementer ambire notitiam corporis humani; verbis paucissimis sic habeto rem totam: est pulcherimum ædificium, duobus columnis sustentatam; quas Latine vocamus pedes. Dividitur in tria cubicula vel con-  
tignationes

tignationes tres, quorum supremum est cranium, in quo est cerebrum: medium est pectus, quod cor continet atque pulmones. In infimo cubiculo est jecur & ventriculus, ubi quoque sunt intestina (vulgo *Guts.*) Vale. Die 17 Jan. 172 $\frac{1}{2}$ .

## EPIST. XXX.

**H**ERI satis benè intellexi, te magno affectum esse gaudio, cum meam epistolam de partibus humani corporis perlegeres. Sed scias velim, (Principum optime) corpus nullius esse pretii, si id comparaveris cum animo immortalis: ideóque apud me stat (DEO dante) ob oculos tuos ponere naturam humanæ mentis, cum variis ejus affectibus; quam doctrinam si rectè comprehendere possis, tu statim incipies noscere te ipsum; quæ profectò notitia omnium studiorum est finis ultimus. Vale. Die 18 Jan. 172 $\frac{1}{2}$ .

## EPIST. XXXI.

**C**ORPUS humanum, etiam si mirâ arte sit fabricatum a sapientissimo artifice, qui creavit mundum; attamen nihil aliud est quàm animæ domicilium. Et quemadmodum rex pluri æstimatur quàm ullum splendidissimum palatium, gladius quàm vagina, gemma quàm capsula; ita anima tua pluri est pretii, quàm tuum  
cor-



corpusculum. Quod si verum est (crede mihi, verum est, charissime Dux, quàm quod verissimum) tu debes magis ambire ornamenta animæ tuæ, quàm cibos delictos pro ventriculo, vel pro humeris vestimenta serica. Vale. Die 19 Jan. 172 $\frac{1}{2}$ .

## EPIST. XXXII.

**A**RS longa est atque difficilis, sed nostra vita valdè brevis, quæ dividitur in varias partes, scilicet infantiam, pueritiam, adolescentiam, juventutem, ætatem virilem, senectutem, & vitam denique decrepitam; cum homines repuerascunt, loquentes & garrientes quicquid in buccam venit; & quia non possunt incedere recto statu corporis, utuntur baculo. Ideoque si vita est adeò brevis, da operam tuis studiis, quia hora ruit sensim sine sensu. Vale. Die 20 Jan. 172 $\frac{1}{2}$ .

## EPIST. XXXIII.

**A**DEO benignè atque clementer me tractasti hesterno die post meridiem, atque diligens fuisti in persequendis tuis studiis, ut animum meum magnâ voluptate recreaveris; &, quod caput rei est, liberasti me a pessimâ meâ tussi; uno verbo, si hoc pede pergas, vergendo quotidie in melius, inservies tuis studiis, famæ tuæ, & vitam meam reddes longiorem, atque suaviorem;

viorem; quod si facies, gratum erit mihi ut nihil gratius esse possit. Vale. Die 23 Jan. 172 $\frac{1}{8}$ .

## EPIST. XXXIV.

**S**Eptimanâ superiore, multos atque prolixos habuimus sermones de figuris hominum bicipitum, tricipitum, labeonum, atque loripedum; & valde desiderabas, ut paucissimis verbis te docerem, quid est monstrum, quid gigas, quid denique nanus; Respondeo; quod abit a formâ ordinariâ, vocatur monstrum; quod majus est debito, vocatur gigas; & quod minus est debito, vocatur nanus. Vale. Die 24 Jan. 172 $\frac{2}{8}$ .

## EPIST. XXXV.

**S**atisfeci tibi, quàm optimè poteram, de gigantibus atque nanis in epistolâ meâ ad te, inclyte Dux, heri datâ: hodiè repetam tibi, quid nuper legi de Austriæ Principibus; qui, si fides sit adhibenda historicis, omnes ad unum sunt labeones. Ego ipse *Carolus Sextus* Germaniæ Imperatorem sæpius vidi, & si tua Celsitudo mihi velit credere, est reverà labeo. Vale. Die 25 Jan. 172 $\frac{3}{8}$ .

## EPIST.

## EPIST. XXXVI.

**N**OVI puerum nobilem, cui est egregia indoles, magnum acumen, & memoria planè divina; perlegendo etenim paginam integram ter vel quater, memoriter poterit repetere. Alterum novi juvenem, adèd tardi ingenii, ut si vel prælectionem millies legat, nihil retinere possit, ac si esset cribrum pertusum. Tu, Dux inclyte, quis horum culpandus sit vel puniendus, si non satisfecerit suis præceptoribus, esto justus judex; & nihil tribue animi affectibus. Vale. Die 29 Jan. 1728.

## EPIST. XXXVII.

**H**ISPANI, Galli, Itali atque Germani, magnoperè colunt vineas; regiones enim sunt calidæ, ideóque habent vinum in magnâ copiâ, & parvo pretio. Sed insulæ Britannicæ sunt magis frigidæ, ideóque non optimo successu colunt vitem; quamobrem incolæ, pro vino habent cerevisiam generosissimam, quam sæpe non modo ad sanitatem corporis, animique alacritatem, sed ad ebrietatem usque bibunt. Vale. Die 30 Jan. 1728.

G g EPIST.

## E P I S T. XXXVIII.

**E**GO candidè profiteor, me non satisfecisse Celsitudini tuæ, de modo conficiendi linthea atque pannos; ideoque author tibi sum, ut quàm primum attingas annum tuæ ætatis decimum, tu ipse oculis examines diligenter res artificiales; quæ multo facilius intelliguntur semel atque iterum eas videndo, quàm audiendo prolixos sermones præceptorum, qui rarissimè ipsi intelligunt artes mechanicas. Vale & ignorantia meæ ignoscas rogo. Die 1 *Feb.* 172 $\frac{1}{2}$ .

## E P I S T. XXXIX.

**A**DAMUS omnium mortalium parens, nullam habuit domum, multo minus palatium; quia istis temporibus, nullus erat faber lignarius, neque murarius, qui ex lapidibus & lateribus extrueret muros; sed vixit sub arborum ramis; quia paradysus posita erat in regione temperatâ; & ejus filii postea, in locis frigidis, habitabant speluncas; & tandem *Adami* nepotes ædificabant sibi domos, atque agebant vitam sub tentoriis. Vale. Die 4 *Feb.* 172 $\frac{1}{2}$ .

## E P I S T.

## EPIST. XL.

**E**ST in ore omnis populi, aliquem juvenem valde nobilem, malè tractâsse suam sororem natu minimam, quamobrem delatus fuit ad summum magistratum, atque parum absuit quin conjiceretur in carcerem publicum; dic, quæso, si quid audivisti de hoc negotio, quia valde velim scire nomen istius pueri. Vale. Die 9 Feb. 1728.

## EPIST. XLI.

**E**PISTOLAM tuam stilo Gallico scriptam, magnâ animi alacritate, bis, ter, quater, quinquies legi, & de novo eam incipio relegere, ut DEUS unus noverit, quando finem facturum sum legendi, adeò ejus lectio est mihi grata; si sæpe ad me scripserit Celsitudo tua, magno honore atque beneficio me afficies, & tu ipse scribendo discas scribere; & orthographiam Gallicam magnoperè coles. Vale. Die 10 Feb. 1728.

## EPIST. XLII.

**E**N habes, discipulorum optime, historiam valdè tragicam, de Sacerdote Pontificio, qui persuadere tentavit puero rustico Lutherano amplecti religionem Romanam;

manam; sed cum puer ei noluit morem gerere, sacerdos personavit Diabolum, quem intrepidè aggressus est juvenis magnâ securi, & sub Diaboli formâ, divisit caput sacerdotis in partes duas. Vale. Die 14 Feb. 172 $\frac{1}{2}$ .

## EPIST. XLIII.

**M**ONUI te heri per literas de duello inter servum rusticum, & sacerdotem ecclesiæ Romanæ qui induens formam Dæmonis, vitam suam stultissimè pro morte mutavit: neque est alienum abs re nostrâ, ut hodiè te certiores faciam de pugnatâ in meo horto pugnatâ inter duos Gallos, quorum unus erat pater, alter verò filius, & pater interfectus fuit a filio. Vale. Die 15. Feb. 172 $\frac{1}{2}$ .

## EPIST. XLIV.

**H**esterno die, cum valedicerem Celitudini tuæ, horâ quintâ me certiores fecisti, te sine morâ petiturum tragœdiam de morte *Julii Cæsaris*, qui occisus fuit in senatu, a *Bruto* aliisque senatoribus. Dic, quæso, an hæc tragœdia magis palato tuo placeat, quàm *Terentii* Comœdia, non Anglicè, sed Latinè pronuntiata a pueris nobilissimis scholæ Westmonasteriensis. Vale. Die 17 Feb. 172 $\frac{1}{2}$ .

## EPIST.

## E P I S T. XLV.

**G**AUDEO ex animo, me nugacibus meis, & de lanâ caprinâ literis, provocâsse tandem tuam Celsitudinem ad respondendum manu tuâ, stylo Gallico; quia omnes amici mei uno ore affirmant me esse hominem felicissimum, qui habeo commercium literarum cum inclyto (& quod caput rei est) cum doctissimo *Gulielmo* Cumberlandiæ Duce, qui multum superat omnes Principes suæ ætatis, in omni doctrinarum genere. Vale. Die 18 *Feb.* 172 $\frac{3}{4}$ .

## E P I S T. XLVI.

**R**EDITÆ fuerunt mihi humanissimæ tuæ literæ, quibus nihil palato meo poterat esse dulcius vel gratius; quod attinet ad Gallorum pugnam ad mortem usque pugnatam, sic se res habuit; Gallinam in eodem horto nive candidiorem habui; hæc discordiæ semina inter eos sparsit, quemadmodum olim pulcherrima *Helena* causa fuit belli Trojani. Et observes velim, serenissime Princeps, omnia ferè magna ab initio mundi bella, a fœminis mota fuisse. Vale. Die 19 *Feb.* 172 $\frac{3}{4}$ .

## E P I S T.

## EPIST. XLVII.

**O**PTIME' nosti nullum esse fœdus ineundum sine consensu duorum: ego frustra laboro, atque ad ravim clamo, nisi tua Celsitudo seriò valedicat omnibus tuis nugis, & intendat animum tuum ad expediendas epistolas *Ciceronis*, ante diem natalem clementissimæ Reginae; quod ut facias (facies quemadmodum spero) iterum atque iterum te submissè atque peramanter rogo. Vale. Die 26. *Feb.* 172 $\frac{1}{2}$ .

## EPIST. XLVIII.

**I**NFINITA tibi debeo beneficia, plura tamen Celsitudini tuæ debere velim; sed certiozem te facio, nihil hoc tempore matutino petam, nisi id quod nequaquam honestè mihi negare potes, si famæ tuæ consulis; rogaturus etenim te sum iterum atque iterum, ut mentem intendas tuam, quantum poteris maximè, ut rectè interpreteris epistolas tres *Marci Tulli Ciceronis*. Vale. Die 28 *Feb.* 172 $\frac{1}{2}$ .

## EPIST. XLIX.

**H**IC Mensis Martii dies primus est meis gentilibus Cambrobritannis, totius anni longè felicissimus, quia summâ animi alacritate celebrant hodiè nativita-



tem *Carolinæ* nostræ, omnium Reginarum sine dubio optimæ, & colunt memoriam quoque Sancti *Davidis*; qui porro viridi ornatus, in magno bello superabat Anglos: quamobrem populares mei in pretio habent hanc herbam semper viridem, ut pulcherrimum animi constantis signum; contra Angli in odio habent porrum, neque ejus odorem ferre possunt. Vale. Die primo optimo mensis Martii 172 $\frac{3}{4}$ .

## EPIST. L.

SATIS vidi hesternam diem maxime tibi fuisse gratam, & tu faciliè intelligere poteras, eandem mihi esse dulcissimam. Precor D. O. Max. ut sospitet clementissimam nostram Reginam per multos continuos annos; & ut primus dies Martii recurrat sæpissimè: quia te certiore facio, nunquam dabis operam studiis die natali nostræ Reginæ, & die festo Sancti *Davidis*. Vale. Die 2 Martii 172 $\frac{3}{4}$ .

## EPIST. LI.

JAM diu nihil ad me dedisti literarum, pro more solito, itaque non possum non timere, ne forsân, (quod DEUS prohibeat) tabellarius tuus laboret podagrâ; quare si me amas, rogo te iterum atque iterum, adhibe alium servum bonæ fidei, donec alter tardipes incipiat convalescere,  
ne

ne cesset tua scriptio epistolica. Vale. Die  
6 Martii 172½.

## EPIST. LII.

**S**EPTEM mundi miracula numerabat  
veneranda antiquitas, quæ ex ordine  
sic habeto, Pyramides in Ægypto, Laby-  
rinthus Dædali, muri Babylonis, Mausole-  
um vel sepulchrum Cariæ Regis, Tem-  
plum Dianæ Ephesi, Colossus Jovis Olym-  
pii in insulâ Rhodo, Templum Solomonis.  
Et nostra tandem ætas peperit octavum.  
Verbum sat sapienti. Vale. Die 7 Mar.  
172½.

## EPIST. LIII.

**A**UDIO plures latrones nequissimos,  
qui viros bonos de nocte aggredie-  
bantur eos spoliandi causâ, esse captos a  
lictoribus, & in carceres conjectos; donec  
suo tempore rapiendi sunt ad furcam.  
Vale, DEUS nos omnes sospitet a latro-  
nibus. Die 9 Martii 172½.

## EPIST. LIV.

**N**UPER me certiorē fecisti tuam  
Celsitudinem abhorrere ab epistolis  
longioribus. Esto bono animo, te quæso,  
in futurum etenim, eâ brevitate, ut nihil  
brevius

brevius vel compendiosius esse possit. Vale.  
Die 11. *Martii* 172 $\frac{1}{8}$ .

## EPIST. LV.

**G**AUDEO mirum in modum epistolas Angeli Politiani tibi esse gratas; sunt protectò magnoperè elegantes atque breves; ut non mirer eas esse gustui tuo saccharo atque melle dulciores; *Erasmi* quoque literæ adeò sunt intellectu faciles, & acumine plenæ, ut earum authorem, velis nolis, amare debeas. Vale. Die 12 *Martii* 172 $\frac{1}{8}$ .

## EPIST. LVI.

**C**IVES Attici vel Athenienses, res parvi momenti atque nugas multis verbis exprimere callebant; contra Lacedæmones vel Lacones maxima negotia, verbo uno vel altero facillimè expediebant; dic, amabo, suavissime Princeps, an vis ut ego stilo Attico utar, vel Laconico? Vale. Die 13 *Martii* 172 $\frac{1}{8}$ .

## EPIST. LVII.

**R**UMOR est sparsus per totam urbem, Principem Frisiæ, brevi tempore in hanc Aulam esse volaturum: Quatuordecim abhinc annos, vidi eum peramanter valedicentem serenissimis tuis *An-*

H h

næ

*na* atque *Amelia* sororibus; erat tum trimulus, optimè formatus & bellus, ut nihil formosius esse possit; serenissimum hujus patrem multos abhinc annos, Ultrajecti ad Rhenum novi, ibi studiis incumbentem: erat Princeps brachio fortis, & rei militaris peritissimus; sed nescio quo infelici fato, dum in curru trajiceret aquas, miserrimè fuit suffocatus. Vale. Die 14 *Martii* 172 $\frac{7}{8}$ .

## EPIST. LVIII.

**S**ALVE mi *Gulielme* Dux charissime. Vale. Die 15 *Martii* 172 $\frac{7}{8}$ .

## EPIST. LIX.

**N**OVI Celsitudinem tuam optimum esse somniorum interpretem; utinam velis interpretari hoc Ænigma. Quod sic habeto: Pater habet duodecim filios, & quisque filius habet triginta filias, quæ moriuntur quotidie, & tamen vivunt. Eris mihi *Ædipus*, si hæc rectè explicueris. Vale. Die 16 *Martii* 172 $\frac{7}{8}$ .

## EPIST. LX.

**M**E miserum! stupidus sum, & stupidus ero usque ad mortem; natus enim fui in libris, nutritus quoque in libris, devoravi multa volumina Græca & Latina

Latina; attamen ut verum fatear, ad hunc usque diem non novi viginti quatuor literas. Tu si nosti hujus animalis nomen, charissime Dux, eris mihi non tantum Œdipus sed etiam magnus Apollo. Vale. Die 18 Martii 1724.

## E P I S T. LXI.

**M**AGNA laudatio te manet, si me docere possis, cujus generis est hoc animal, dic, quæso, an est bipes, quadrupes, volucris, vel piscis? Tempore matutino incedit quatuor pedibus, meridiano duobus, vespertino verum tribus pedibus. En, Dux illustrissime, habes pulcherrimam occasionem monstrandi magnum acumen tui ingenii. Vale. Die 20 Martii 1724.

## E P I S T. LXII.

**E**ST proverbium vulgare in ore omnis populi, pessimum esse imperatorem qui sibi imperare non potest, quoniam impossibile est vincat hostes multos, qui unum superare non novit: *Alexander* ille magnus, ut armis invictus laudatur; ita irâ victus, culpatur ab omnibus. Gaudeo magnoperè te jam esse egregium imperatorem domi tuæ, & summâ cum dignitate dominari animi tui affectibus. Vale feliciter. 21 Martii 1724.

## EPIST. LXIII.

**D**IC quæso, charissime Dux, siquid audivisti, de adversâ valetudine illustrissimi præfulis Archiepiscopi Cantuariensis, quia heri fama tulit eum cessasse inter vivos; sed magnoperè spero, famam hâc vice esse mendacem; valde etenim est vir bonus, doctus, tui amantissimus, atque dignus (si Deo placuerit) ut vivat per multos annos, ad regendam Ecclesiam Anglicanam. Vale. Die 24 Martii 172½.

*C. Plinius Secundus Fabio Justo suo. S.*

**O**LIM nullas mihi epistolas mittis. Nihil est, (inquis) quod scribam. At hoc ipsum scribe, nihil esse quod scribas: vel solum illud, unde incipere priores solebant, *Si vales, bene est: ego valeo.* Hoc mihi sufficit: est enim maximum. Ludere me putas: seriò peto. Fac sciam quid agas: quod sine solitudine summâ nescire non possum. Vale.

*C. P. Tacito suo. S.*

**C**ommendas mihi *Julium Nasonem*? *Nasonem* mihi? quid si meipsum? fero tamen & ignosco: eundem enim commodâsem tibi, si te Romæ morante, ipse abfuisset. Habet hoc sollicitudo, quod  
omnia

omnia necessaria putat. Tu tamen, censeo, alios roges: ego precum tuarum minister, adjutor ero. Vale.

*C. P. Feroci suo. S.*

**E**ADEM epistola & studere te, & non studere significat. Ænigmata loquor: ita planè, donec distinctius, quod sentio, enuntiem. Negas enim te studere: sed est tam polita, quæ nisi a studente non potest scribi; aut es tu super omnes beatus, si talia per desidium & otium perficis. Vale.

*Trajanus Plinio. S.*

**R**ECTE renuntiasti mihi, Secunde charissime; pertinet enim ad animum meum, quali itinere in provinciam pervenias. Prudenter autem constituis interim navibus, interim vehiculis uti, prout loca suaferint. Vale.

*Plinius Trajano Imperatori.*

**S**Olemnia vota pro incolumitate tuâ, quâ publica salus continetur, & suscipimus, domine, pariter & solvimus; precati DEOS ut velint ea semper solvi, semperque signari. Vale.

*Tra-*

*Trajanus Plinio. S.*

**A**GNOSCO vota tua, mi Secunde carissime, quibus precaris ut plurimos & felicissimos natales, florente statu reipublicæ nostræ agam. Vale.

*M. T. Cicero Terentia suæ. S. P. D.*

**S**I vales, benè est: valeo. Nos quotidie tabellarios vestros expectamus, qui si venerint, fortassè erimus certiores, quid nobis faciendum sit. Faciemusque te statim certiozem. Valetudinem tuam cura diligenter. Vale.

*M. T. Cicero Terentia. S. P. D.*

**S**I vales, benè est: valeo. Da operam ut convalescas; quod opus erit, ut res, tempusque postulat, provideas atque administres: & ad me de omnibus rebus quàm sæpissimè literas mittas. Vale.

*M. T. Cicero Terentia. S. P. D.*

**S**I vales, benè est: ego valeo. Si quid haberem, quod ad te scriberem, facerem, id & pluribus verbis & sæpius. Nunc quæ sunt negotia, vides. Ego autem quomodo sim affectus, ex *Lepta* & *Tre-*



*Trebatio* poteris cognoscere. Tu fac,  
ut tuam & *Tulliae* valetudinem cures.  
Vale.

*Cicero Basilio. S. P. D.*

**T**IBI gratulor, mihi gaudeo, te amo,  
& tua tueor: a te amari, & quid  
agas, quidque agatur, certior fieri volo.  
Vale.

*Angel. Politian. Jacobo Modesto suo S. D.*

**D**OLES quod non rescribam: dolere  
define, jam rescribo. Vale.

*A. P. Cuidam. S. D.*

**N**ON præstas quod pollicitus. Con-  
queror si oblitus, magis etiam si non  
oblitus. Oblitum fuisse vix amici est: non  
præstare cum recorderis, prorsus inimici.  
Vale.

*A. P. Pico Mirandulæ. S. D.*

**Q**UÆ vellem corrigeres, tu laudas.  
Hoc verò facilè facis, quod semper  
facis. Vale.

*A. P.*

*A. P. Amico. S. D.*

**I**RASCERIS quod iste me Simius carpit: non ideò me carpit, ut carpat: sed ut sibi victum quærat homo famelicus apud quosdam, qui multum gaudent assentatoribus, plus tamen detractoribus. Vale.

*A. P. Amico. S. D.*

**S**I te ob divitias amare cœpissem, desissem tibi nunc esse amicus, cum tu desisti esse dives. Verum si nunc desissem, ne tum quidem cum fuisti dives, fuisset tibi amicus, sed adulator: quod esse qui potest, is esse liber non potest. Vale.

*A. P. Amicis. S. D.*

**M**ULTI simul epistolas poscitis. Multis ecce mitto, sed unicam. Convenit unica multis, quos unicè diligo: quæ tamen erit ut multæ, quando multi legetis. Valete.

*A. P. Maledicò alicui.*

**M**Aledicenti non remaledico, ne maledicere mihi tu forsan, hoc est, ne laudare me desinas. Quis enim laudatur verius, quàm qui maledicetur a malo viro. Te verò appellare malum virum, tantum

a maledicto abest, ut nihil possit dici melius.

*A. P. Laurentio Medici. S. D.*

**C**YGNO Poeta similis; uterque candidus, uterque canorus, uterque fluvios amans, uterque *Phæbo* gratus; sed negatur canere cygnus, nisi cum *Zephyrus* spirat. Quid igitur mirum, si taceo tamdiu tuus Poeta, cum tu tamdiu non spires meus *Zephyrus*. Vale.

*A. P. Pico Mirandulæ. S. D.*

**V**INCEBAR a te prius doctrina, vincebar ingenio; sed vinci tamen lætabar, atque adeò lætor, quoniam te diligo: quin ob hoc ipsum diligo, quod his vincor. At nunc & humanitate vincis. Hoc equidem ferre nequeo, quoniam turpe: Sed jam fero, nihil enim turpe mihi, quod honestum tibi. Vale.

*A. P. Amico. S. D.*

**D**OLES quod amicus in disputatione te vicerim; dolere non debes: nam si amicorum omnia sunt communia, non magis quàm tu victor ego; nec minus quàm tu victus. Sed hoc tu fortassè doles, quod hâc amicorum lege, nec planè sum victor, qui te vici. Vale.

I i

*A. P.*

*A. P. Amico. S. D.*

**D**OLUI vehementer, lætatus sum vehementer: quod ægrotâsti, quod & convaluisti. Vale.

*Erasmus Cuidam. S. D.*

**Q**UOD pristinam meam scribendi consuetudinem intermissam miraris, nihil est, quod suspiceris mali: neque enim (quod semper fui) tui amantissimus esse desii. Bene vale.

*Faustus Erasmo. S. D.*

**F**RUGALEM omninò mihi cœnam postulo: nihil volo præter muscas, & formicas. Benè vale.

*Erasmus Fausto suo. S. D.*

**Q**UÆ, malum, tu mihi objicis ænigmata? Num me *Ædipum* putas, aut *Sphingem* esse domi? Quamquam equidem somnio, tuas muscas, aviculas, formicas, cuniculos velle. Verum alias jocabimur; nunc cœna emenda est: quare ænigmatistes esse desinas oportet. Vale.

*Faustus*

*Faustus Erasmo. S. D.*

**N**UNC planè intelligo te *Œdipum* esse : nihil volo præter aviculas, & quidem parvulas : de cuniculis absit. Vale, optime ænigmatum interpretes.

*Erasmus Batto suo. S. D.*

**V**IDE quantum maledicendo valeas. Unicâ tantum epistolâ victus, do manus, arenâ cedo, in Angliam usque perfugio. Hic certè a tuis convitiis, tutum me fore confido; nam si me persequi voles, alter tibi adeundus esset orbis: & pigritiam probè novi tuam, qui tametsi mediis in fluctibus es natus, nihil tamen pejus odisti fluctibus. Quod si huc quoque tuæ conviciatrices epistolæ penetrabunt, audio in ultimâ Britannîâ Orcades esse insulas; in has aufugiam, etiam si quid est Orcadibus remotius, vel ad Antipodes usque. I nunc, & de gloriosâ victoriâ, magnificum triumphum agito. Bene vale.

*E. Paludano suo. S. D.*

**M**ITTO Epitaphium, ne usquam non obsequar Paludano: si displicebit, quod scio fore, cogita scriptum a theologo, cui generi scis quàm iniquæ sunt Musæ. Bene vale.

*E. Andreae Hoochstrato. S. D.*

**D**EFLEXI non nihil ab itinere meo, ut & te veterem amicum meum viderem, & urbis tam celebris conspectu fruerer; verùm utrumque frustrà, malo quodam meo fato. Nam & tu aberas, & urbs ità placuit, ut a nullâ unquam discefferim lubentius. Bene vale.

*Petrus Bembus, nomine Leonis decimi Pontificis, Leonardo Lauredano Venetorum Principi. S. D.*

**J**USSIMUS interpretem apud te remque publicam tuam, esse nostrum *Petrum Bibienam*, cum prudentiâ & rerum gerendarum usu præditum hominem, tum imprimis nobis probatum & gratum: scripsimusque ad illum eâ de re. Quamobrem abs te petimus, ut omnibus in rebus, quas is nostro nomine ad te perferet, eandem illi fidem habeas, quam haberes nobis ipsis, si te coram alloqueremur. Vale.

*P. B. Sigismundo Gonzagæ Cardinali. S. D.*

**C**AROLUM *Orpheum*, unum ex iis qui mihi sunt carissimi, hominem plurimis virtutibus præditum, proficiscentem ad te, commendo tibi majorem in modum;

modum: porro mihi gratissimum feceris, si eum ità suscipies tractabisque, ut intelligat se, quoniam a me diligitur, abs te amari. Vale.

*P. B. Herculi Storio. S. P. D.*

**A**VIAS ambas meas, effœtas deploratasque fœminas, & tam prope centum annorum mulieres, mihi fata reliquerunt; unicum fratrem meum, juvenem atque florentem abstulerunt, spem & solatia mea. Quamobrem quo in mœrore sum, ipse facilè potes existimare. Reliqua ex meis intelliges. Heu me miserum! Vale.

*Jacobus Sadoletus Anton. Perrenoto Episcopo  
Atrebatensi. S. D.*

**C**UM scriberem ad patrem tuum clarissimum virum, mandavi tabellario, ut meis verbis tecum accuratius loqueretur. Ego, quod at me attinet, amorem eum conservo, quem ab eo congressu, quo ad Nicæam primum unà fuimus, erga te suscepi. Tu si pari erga me voluntate fueris, non solùm meæ expectationi satisfacies, sed humanitati etiam constabis tuæ. Vale.

*Paulus*

*Paulus Manutius Seb. Leoni Cordubensi.  
S. D.*

**N**ICOLAUS Nathanaëlus, egregiè moratus adolescens, magnos in Latinis literis progressus a discessu tuo fecit: is cum mihi per se carus est, tum eo magis, quod de te sæpe loquitur amantissimè, tuamque erga se patremque suum, insigni probitate atque doctrinæ virum, perpetuam benignitatem sic in ore habet, ut ejus memoriam nunquam finat intermitteri. Vale.

*Petrus Bunellus Lazaro Bayfio. S.*

**Q**UI has tibi reddet, vir probus est, & bene doctus, mihiq; amicissimus: habet isthic non nihil negotii, quod quale sit, ab eo, si placet, intelligas: atque ad id explicandum, auctoritate tuâ, quantum poteris, non solum propter æquitatem causæ, sed meâ etiam causâ libentiùs adjuvabis. Hoc te vehementer rogo. Vale.

*M. Antoninus Muretus A. Repario suo.  
S. P. D.*

**A**CCEPI ternas tuas literas: in postremis autem quædam erant ita negligenter scripta, ut facilè constaret, aliud



liud egisse te, cum illa scriberes; ostendam ea tibi, cum isthuc venero, & auriculam pervellam tibi; ut postea in scribendo attentior sis, & saltem eos solæcismos effugias, quos effugerent etiam pueruli, qui primis literis imbuuntur. Noli tamen ex hac meâ admonitione molestiam ullam capere. Non enim propterea volo quidquam de tuâ hilaritate detrahi, sed ad diligentiam addi. Vale.

*Justus Lipsius Josepho Scaligero. S. D.*

**A**BIT iste ad te, & vult commendari. Ecce breviter & verè. Amat literas, ut qui maximè; amat te, ut in iis maximum. Inspice & nosce, redamabis.

*J. L. Gulielmo Camdeno. S.*

**M**UNUS a te accepi, vir ornatissime, per mihi gratum Britanniam tuam: quam illustrâsti ingenii & industriæ clarâ face. Multum patria tibi debet: multum exteri nos, qui per te pulcherrimam insulam videmus, etiam cum non videmus. Perge in hoc & simili studiorum genere, quod abesse non potest quin tibi famam, posteris æternum ferat fructum. Vale.

*Elysius*

*Elysius Calentius, Colotio. S. D.*

**C**OLOTI si me amas, utere: si non uteris illud in argumento est non amabis: Vive.

*E. Calentius Opiliano. S. D.*

**M**EMINISTI unquam, procellose in mare navem diu jactari, atque ab littore pelli: mox peractâ ventorum vi, subito in portum labi. Sic, *Opiliane*, sunt, qui reges sequuntur. Spera & vale.

*E. Calentius Hiaraco. S. D.*

**J**UBET Rex, quamprimum ad se venias, causam itiuers non intelligo, nisi id sit, quo filii a patribus vocari consueverunt. Spero fore, ut ditior ac melior revertare. Veni & vale.

*E. Calentius Hiaraco. S. D.*

**C**AVE quicquam, *Hiarace*, dixeris unquam aut feceris, quod si opus sit, nequeas ratione defendere. Illud enim pulcherrimum est in vitâ, & quod dicas rectè scire, & quod agas non ignorare. Vive.

*E.*

*E. Calentius Hieracolo. S. D.*

**A**RMATUM videre *Forbiantum* quis possit pati, equo insidentem feroci, hastam cruri admoventem, veluti cum hoste congressurum? Papæ totus in auro est, totus fremens, totus ferox, terribilis, ni medio cursu ad terram corruisset! Vides?

*E. Calentius Hiaroco. S. D.*

**S**I me lapidem natura fecisset, aut truncum, neque cuperem aliquid, neque quicquam, *Hiarace*, postulare: verum quia hominem genuit, quæ sint hominis, quærere haud injuria est: quam ob rem id dictum sit, potes intelligere. Domum Tarenti non habeo, neque vineas neque agros: si dederis, facies humanissimè. Quod si tacuero maximè, id me maximè postulare intelligas. Vale.

*E. Calentius Solimeno. S. D.*

**C**RAS te mihi adesse cupio, *Solimene*; languentem ut cures. Aut cessa, aut propera. Quod si cessaris, scito tibi *Calentium* defuturum. Vola & vale.

*Calentius Hiaraco. S. D.*

**G**RATIAS tibi pro donata cane me habiturum ne credas, *Hiarace*: utilius existimarem, si bovem aut asinum, qui rei adderet, donavisses. Vale.

*E. Calentius Hiaraco. S. D.*

**Q**UOD me ames, *Hiarace*, quod laudes palam, & quod nihil des, grato principi non conveniunt. Vive & vale.

*Gilberti Cognati Erasmo Roterodamo. S.*

**T**UA, unicum studiorum decus *Erasme* clarissime, apud principem nostrum commendatio, plurimum mihi & ornamenti & emolumenti attulit. Hic Academiam planè quandam instituere consilium est. Sed O utinam te hic habereamus, ut unà philosopharemur. Cætera coram. Bene vale, clarissime *Erasme*, Patrone incomparabilis.

*G. C. Jacobo Parco. S.*

**S**I tibi, vir amice, res sunt ex sententiâ, majorem in modum gaudeo. Sin minus, tantò magis erigendus est animus, quantò magis premit fortuna. Cura ut valeas: bonâ enim tuâ valetudine nihil nobis

bis jucundius, nihilve gratius annuntiari potest.

*G. C. Sigismundo Gelenio. S.*

**A**CCEPI literas tuas parum lætas. Sed tu fac sis animo philosophico; & homo natus, casus humanos moderatè ferto. Vale.

*G. C. Simeoni Verono. S.*

**C**onsilium tuum de adeundâ Italiâ, vehementer probò: quod ut tibi bene vertat precor. Tu quod facis, magno animo in literas incumbe. Incredibilis enim est tuorum omnium de te expectatio: quam ne fallas curabis. Vale feliciter.

*G. C. Henrico Colinao. S.*

**I**N me, clarissime vir, rogo ut tui similis esse pergas. Nihil addam huic petitioni, in quæ sunt omnia. Bene vale, *Colinae* clarissime, nostræ regionis decus.

*G. C. Georgio Guoto. S.*

**D**E scribendi cessatione me sine culpâ accusari gaudeo. Hic primus est oblatuſ, cui literas committerem. De pa-

rentum negotiis tu memorem mones. Itā enim mihi curæ sunt, ut nec tibi quidem ipsi sollicitudine diligentiaque concedam. Cave putes te a patria abesse, dum ego adero. Vale.

*G. C. Antonio Lullo, S.*

**S**ingularem quandam animi in me tui benevolentiam multis sic perspectam habebam, vir doctissime, ut nullo testimonio fuerit opus. Mihi tamen gratissima fuit tua epistola, undique spirans veterem illum tuum erga me favorem. Utinam sit quo nomen ingrati liceat effugere. Cura, mi *Lulli*, ut quā rectissime valeas, si nos valere cupis.

*G. C. Laurentio Privæo, S.*

**L**IBEBAT, atque decebat, vir optime atque doctissime, tibi pluribus verbis pro sale ad me misso, gratias agere; sed prandens admonitus sum, ut illico pararem literas. Pleno stomacho scribere, mihi tuum non est. Scribam brevi copiosius, & accuratius. Bene vale, amice singularis.

*G. C.*

G. C. *Jacobo Parco. S.*

**Q**UOD audaciam meam in optimam partem interpretaris, mi *Parce*, lubens agnosco tuam humanitatem. Sed cave per gratias ne tandem tribuas meo judicio, quantum te scribis tribuere: quin potius *Horatianum* illud hic locum habeat: *Cæcus uti si monstret iter, tamen aspice.* Vale, optime *Parce*, & me hoc quo cæpisti animo & amore proseguere.

G. C. *Henrico Morello. S.*

**N**ON damno, quod extremæ senectuti reponis luculentum viaticum. Nihil enim miserius sene egeno. Habere divitias sine fraude partas, non est crimen; sed amare pecuniam, & (ut sapiens Hebræus loquitur) cor apponere, est peccatum. Vale.

G. C. *Stephano Fauchio. S.*

**N**ICOLAI fratris tui causam doleo: sed subirascor, quod toties negligit valetudinem suam, quum eo thesauro nihil sit pretiosius. Si quid sciero, in quo possim vobis gratificari, reperietis voluntatem paratissimam. Cura, mi domine, valetudinem, cura quæso: & sic existimes, nihil tuâ valetudine firmiore gratius adnuntiari posse: nihil æquè jucundum, atque si Dominum

minum *Nicolaum*, fratrem tuum, convaluisse intellexero. Iterum vale.

*G. C. Martino Borrhao. S.*

**C**ONSILIUM tuum, mi *Borrhae*, vehementer probo, qui tricis hujusmodi nolis involvi. Hoc seculum plenum est Ardelionibus istiusmodi, qui nihil habent pensi quid in quem scribant, modo innotescant. Vale.

*G. C. Johanni Gastio. S.*

**H**ABEO gratiam, mi *Gasti*, pro literis mihi transmissis per hunc veredarium. Si quod officium vicissim præstare queam, impera: id tuo jure facies. Vale, & me quod facis ama.

*G. C. Claudio Lesmæo. S.*

**D**OLEO te decumbere: sed spero fore brevi ut exilias. Hoc ubi factum fuerit, objurgabo te, quòd non habeas majorem valetudinis tuæ rationem: toties tuo admonitus malo, cura ut convalescas.

*G. C.*



*G. C. Mathæo Junio. S.*

**F**UCATUS ille de quo scribis, sic in me furit, ac si decem dæmones haberet in pectore. Affuetus ego monstris, in tale monstrum hæctenus incidi nunquam. Vale ut cupio.

*G. C. Sileno Rutio. S.*

**Q**UOD scribis de pietate tuâ non satis intelligo : quæ mihi nunquam fuit suspecta, sed alii mihi interdum objiciunt argumenta quædam, quæ invitus audio. Ea literis non expedit committere. Vale ut cupio.

*G. C. Jobanni Vemodo. S.*

**V**ersaris isthic in arce literarum & eloquentiæ; & tamen oratio tua Latina nihilo politior est quàm solet : & Græcè mendosissimè scribis. Quæ res indicat, te nec in Latinis, nec in Græcis authoribus versari ferid. Admonitiunculas meas boni consule. Vale.

*G. C. Gulielmo Clereval. S.*

**G**RATUM est, quod *Gulielmo Moyro* celeriter reddideris literas meas, placavi

cavi cum literis: non erit posthac molestus.  
Dominus te incolumem diu servet. Valeto.

*G. C. Petro Putodo. S.*

**H**OC velim scias, naturam non plus ingenii filio tuo largitam esse, quam tibi: & ferè inanem esse doctrinam, naturâ non suffragante. Vale.

*Johannes Just. Cretensis Amico studia detrectanti, & scire cupienti.*

**S**CIRE cupis: ea vero per quæ ad scientiam pervenitur, facere negligis. Multi sunt in eâdem sententiâ. Etenim nemo est quin vellet multa didicisse, quum haud ita multos invenias, qui velint discere. Quid ita? nempe quia suavius est uvam de vite ungue decerpere, mustum de lacu gustare, quam vineta fodere, aut arare. Sed nihil magnum sine labore Dii dedere mortalibus. Et virtutis planta sudore est riganda: cujus quidem radices cum sint amaræ, fructus dulcissimi esse perhibentur. Vale.

*J. J. Adolescentem ad virtutem hortatur.*

**J**AM quando decurso spatio pueritiæ, ad bivium literæ y, quam dicunt *Pithagoræ*, pervenisti: videndum tibi etiam atque etiam est, quorsum deflectas.

Angusta quidem & ardua est via quæ ducit ad honores, & pauci eam ingrediuntur; porro quæ ad nequitiam vergit & vitæ dedecus, latissima est, sed tandem præceps fertur: facilis enim descensus Averni. Vale.

J. J. *Eidem. S.*

**T**IBI nunc primum iter virtutis ingredienti, tria potissimum obstacula sunt amolienda: gula, libido, somnolentia. Quod vir omni laude superior *Hermolaus Barbarus* mirificè uno comprehendit versiculo, *Venter, pluma, Venus, laudem fugienda sequenti.* Vale.

J. J. *Juveni Temerario. S.*

**Q**UOD tantum facinus aggredi paras, majoraque viribus tuis audes, *Phæthontis* casum facito ut memineris, qui sanum patris consilium negligens, infelici lapsu, magnâ cum suâ multorumque calamitate docuit, quàm præceps audaxque consilium sit pertimescendum. Vale.

J. J. *Adulatori. S.*

**P**RÆSENTI blandiris, absenti detrahis. Dextrâ lapidem geris, panem ostentas alterâ. At tu malus es, aut me fatuum existimas. Verum illud tibi persuade

suade, te jam nemini posse imponere, quia omnibus notus es. Me quidem certe si fallis, non fallis; si non fallis, fallis. Ænigma, dices, nempe *Sphingi*. Vale, ut mereris.

*J. J. Amico, ne præbeat aures assentatoribus.*

**S**I tam bonus ac sapiens esses, quam haberi cupis, minus famæ studeres quam conscientiae. Nunc dum adulatoribus delectaris, id agis, ut & ipsi per te nequiores fiant: & tu per eos deterior ac stultior: aut igitur te ipsum consule, aut vale.

*J. J. Amico, ne fidat palponibus.*

**A**ssentatoribus delectaris, eosque ad te admittis, recta vero suadentes adversaris ac refugis. Istud perinde est, ac si quis philtrea, aut venena propinantem amplexetur: antidotum vero, aut medicinam adhibentem, explodat atque aversetur. Vale.

*J. J. Amico sanum consilium petenti. S.*

**V**IN' tu & sapiens & bonus, & haberi & esse? Non quod passim fieri vides, sed quod fieri decet, id facias: neque vulgi opinionem tu sequere, citra delectum,

delectum, sed quod ratio præscribit, quod jus fasque exigit, id demum facito : & vir sapiens ac bonus eris. Vale.

*J. J. Eidem serius consilium quærenti.*

**N**AVIM conscensurus, debueras de navigando expertos navigationis consulere : nunc te, oblatâ puppi, ad terram respectantem consilium eâ de re quærere, serum est atque importunum. Re integrâ locus est consilio : consummatâ, pœnitentiæ. Vale.

*J. J. Amico de ducendâ uxore. S.*

**D**E ducendâ uxore maturè consulis. Rectè tu quidem istud, ut omnia ; est enim in eo diu deliberandum, quod semel factum, infectum fieri non potest. Cæterum ducenda sit uxor tibi nec ne, id potius erit consilii tui, quàm vel mei, vel alterius cujusquam ; & in eâ deligendâ, oculis pro auribus, auribus autem pro oculis utere. Vale.

*J. J. Marito in uxorem asperiori. S.*

**Q**UID ego de te audio ? An tu propterea duxisti uxorem, ut ipsi carnificinam, tibi supplicium parares ? utrique vero crucem figeres ? An tu putas, quod

L l 2 quod

quod manu sævis, propterea illam tibi obsequentem magis, teque illi chariorem fore? Non est diuturnus officii custos metus. Duæ sunt virtutes præcipuæ in conjugatâ: amor in virum, & pudicitia; cum his incommoda omnia ferri possunt: sine his nullum est commodum, omnia misera & infelicia. Porro amore, commodâ tractatione, officiis elicitur, non malefactis. Amorem sequitur cura rei familiaris, & pudicitia. Denique illud sic habeto: quod incommodis uxoribus utimur, nostro plerumque fieri vitio, non culpâ uxorum. Vale.

*J. J. Adultero uxorem castiganti.*

CUM tu assiduè scorteris, abnoctes, pergræceris, nulli Veneri parcas, nullo genere libidinis aut impuritatis abstineas: ab uxore pudicitiam requiris? Scito, aut tibi abstinendum esse, aut illi ignoscendum: aut certè in aliquam calamitatem vel alteri vestrum, vel, quod poclivius est, utrique postremo incidendum. Vale.

*J. J. Superbo potenti.*

PUTAS, quia te homines timent, te aliis esse præstabiliorem? longè falleris. Ità enim & feræ, & cacodæmones, te multo essent præstantiores. Itaque tibi tanquam ex *Apollinis* tripode illud dictum puta:

puta: carum esse civem, benè de Republica mereri, laudari, coli, diligì gloriosum est: metui vero, & in odio esse; infirmum, detestabile, imbecillum, caducum. Vale.

*J. J. Superbo ignobili, & obscuro.*

**V**IDEO te superbiorem factum nullâ re magis, quàm incogitantîâ. Nam si in te ipsum descenderes, & quis, & undenam esses considerares: haud aliter cristas demitteres, quàm gallus devictus. Hoc igitur fac, & vives. Vale.

*J. J. Nobili insolenti.*

**P**UTAS, ob divitias & nobilitatem tibi omnia licere. At ego illud Comicum tibi etiam atque etiam considerandum puto. *Quàm vos facillimè agitis, quàm estis maximè potentes, dites, fortunati, nobiles: tam maximè vos æquo animo æqua noscere oportet, si vos vultis perbiberi probas.* Vale.

*J. J. Avaro odiofo.*

**Q**UERERIS, quod nemo te amet, nemo salvum velit: omnes interitum tuum cupiant, mortem experant, exitium imprecentur. Quid hoc mirum? Quid enim aliud facit avarus dives, dum viver, nisi

nisi hoc unum: ut omnes illum mortuum malint, quam vivum? hoc certè habes commune cum sue: cujus usus nullus est nisi extincti. Ad eliciendum amorem una est via, ut ames. Miraris igitur,  
 — *Quum tu argento post omnia ponas, Si nemo præstet quem non merearis amorem? Vale.*

*J. J. Avaro expilatori.*

**Q**UIRITARIS, clamas, vociferaris, cœlum terræ misces, quod sis expilatus. Quid refert, habeas, nec ne, rem, cujus vel possessa, vel amissa, idem est usus? Claude capsas, occlude ostia, signa loculos carbone, aut cinere oppletos: ac tecum reputa, ære, argento, auro plenos esse: & nihil amiseris. Vale.

*J. J. Detraçtatori.*

**A**UDIO te in existimationem meam passim debacchari. Si id merito meo facis, irasci tibi non debeo: sed mihi potius, qui tibi occasionem præbuerim in me invehendi. Sin animi vitio inservis: mihi mea satis est innocentia, te tui mores probè ulciscantur, qui quidem abundè pœnarum de te mihi dabunt: quod tamen ut cupiam, Dii prohibeant. Vale.

*J. J.*



*J. J. Seipsum nimium amanti.*

**Q**UOD teipsum amas, minimè id quidem miror. Est enim omnibus a naturâ inditus amor suiipsius: ut videlicet quisque sese, corpusque tueatur. At vero, quod tam tenere te amas unum, ut reliquos omnes negligas: id planè est te ipsum odisse. Nam qui neminem diligit, hoc agit ut a nemine diligatur: quod qui facit, est suimet prorsus inimicus, ac proinde stultus. Vale, & sape.

*F. P. Gabrieli Mauro. S.*

**Q**UOD scire a me vis, quot fuerint amicorum paria, priscorum memoriâ maximè celebrata, ea reperio quatuor numero extitisse. *Theseum & Perithoum, Achillem & Patroclum. Orestem & Pyladen. Pytiam & Damona.* Addunt etiam juniores apud Græcos *Epaminondam & Pelopidam.* Vale.

*F. P. Leonardo Justiniano. S.*

**Q**UOD me hortaris ne properem, neque desperem, fore enim ut melius mihi Venetiis quam usquam gentium consulatur: hortaris tu quidem rectè, modo non sit precio spes emenda. Quare si ità certi quicquam intra constitutum tem-

I

pus

pus allatum fuerit, ut intelligam non esse diutius mihi arandum litus, sequar consilium tuum, vel in hoc vitæ discrimine. Si aliud nihil quam verba animadvertero, faciam, ut scripsi ad te antea. Meque aut ad Bononienſes recipiam, aut ad Florentinos. Vale.

*F. P. Leonardo Justiniano.*

**J**OANNES Corbicius, mercator Florentinus, meo nomine, te adibit, ut meos sibi des ad me libros, unâ cum rebus omnibus, quas deposui apud te. Quod ut facias, te etiam atque etiam rogo. Nam his diutius carere non possum. Vale.

*F. P. Joanni Aurispæ. S.*

**A**dmonitionem tuam libenter admitto, ac probo. Idem etiam ex aliis audi. Si res, ut cœpit, prosperè successerit, nusquam hinc movebo pedem. Sin aliter acciderit, pro tempore navigabo. Nam nescio quid monstri inter hos inter se cives latere audio. Quod ne quid pariat magnæ calamitatis, non possum non vereri. Ego autem in omnem fortunam paratus sum. Vale.

*R. P.*

*F. P. Thomæ Sarzanensi. S.*

**E**GO, mi *Thomâ* dilectissime, sum Florentinæ reipublicæ jam obstrictus annuo munere. Itaque aliam nullam conditionem possum amplecti: quid enim dedecorosius, quàm vel esse vel haberi levem? Nam fidem minus servare hominis est, non injusti solum, sed impii. At scio non modò Reverendissimus pater Cardinalis tuus id ab me factum iri nollet, sed nec etiam tu, qui speculum es imagoque & probitatis & gravitatis. Vale.

*F. P. Francisco Barbaro. S.*

**N**OSTI jampridem, quantâ mecum familiaritate, atque benevolentia junctus est *Antonius Capanorensis*. Qui quanquam suâ probitate & innocentia, tibi debeat esse carissimus; tamen, ut meâ etiam causâ, aliquid cumuli accedat ad pristinam tuam in eum benignitatem, te etiam, atque etiam, rogo. Vale.

*F. P. Joanni Aurispæ. S.*

**M**IHI *Polluce* meo vehementer est opus. Itaque rogo te, ut eum ad me ire quamprimum cures. Nam illum tibi tantisper usui dedi, donec abs te re-  
M m terem

terem. Quare fac ne secundum, hâc de re, ad te scribam. Vale.

*F. P. Ambrosio Monacho. S.*

**L**ITERÆ mihi tuæ semper gratissimæ fuerint: & in præsentia, quam antea longè gratiores. Indicant enim dilucidè, ab quibus mihi cavendum sit. Verum utar equidem more meo, ut & nemini noceam, & laceffitus injuriâ, me virum esse meminerim. Vale.

*F. P. Petro Perleoni. S.*

**S**ILENTIUM tuum, tam diuturnum, tamque inusitatum, suspensionem mihi affert, nescio quam; itaque si tibi benè est, ut & opto, & volo; scribe ad me quamprimum, quo tecum unâ gaudeam. Sin secus est, id quod minimè omnium velim, scribe etiam mihi, quo tibi consilio saltem prodesse possim. Vale.

*F. P. Ambrosio Monacho. S. D.*

**P**AUCIS respondebo tuæ prolixiori epistolæ. Ego amicitiam *Cosmi Medicis* nolo, inimicitias contemno. Nam & insensu animi simulata benevolentia nihil est perniciosius, & ego ita prudentiæ armis munivi me, ut nullas insidias pertimescam. Vale.

*F. P.*

*F. P. Leonardo Arretino. S.*

**Q**UICQUID *Saxolus Pratenfis* auditor noster, verbis tibi meis exposuerit, sic habeto, ac si coram ipse tecum loquerer. Nihil est enim dicturus tibi, quod ab me non dicendum acceperit. Vale.

*F. P. Leonardo Justiniano. S.*

**I**GNOSCE brevitati literarum mearum. Nam repentina tabellarii abitio, non est passa, ut tecum longior fuerim. Quod autem ad rem attinet, ut vera tibi renunciata sunt de meâ, ad *Philippum* ducem, abitione. Non enim Senæ, sine periculo, esse possum, propter sicarios Florentinos qui, nullâ meâ culpâ, meæ vitæ insidiantur. Verum antea quàm proficiscar *Mediolanum*, sum Bononiæ complusculos menses acturus. Inde ad te dabo, & crebriores, & longiores literas. Vale.

*F. P. Aloysio Crotto. S.*

**Q**UOD diutius hic sum, eo serius ad vos redibo. Itaque rogo te, ut ab humanissimo nostro principe mihi facultatem abeundi exores. Nam & hic a me agitur nihil, & familia mea, me absente,  
M m 2 non

non potest Bononiæ non agere incommodè.  
Vale.

*F. P. Catoni Sacco Jureconsulto. S.*

**I**Nstitueram hodiè redire ad vos: sed  
jussu principis, ante diem tertium,  
hinc movere pedem non licet. Itaque  
monebis uxorem *Chrysolorinam*, nequid mi-  
retur, turbeturve quod minus, ad diem  
constitutum, istuc reverterim. Principi  
enim parendum est. Vale.

*F. P. Antonio Panbormitæ. S.*

**J**AM ditior factus es, id quod conjecturâ  
assequor: quod te superbiæ obnoxium  
facias. Nam dum nihil respondes, homi-  
ni amicissimo, tot a me literis invitatus,  
quid aliud esse rear in eâ, quàm super-  
biam? At ne illud te lateat, velim, in quo  
plus est fortunæ, in eo minus esse virtutis.  
Quare tibi cavendum est, ne dum pecu-  
niis diligentius invigilas, negligentior te  
præstes circa ingenii probitatisque præstan-  
tiam. Vale.

*F. P. Alberto Zancario. S.*

**Q**UOD pluribus hortaris, libenter age-  
rem, si liceret. Sed nihil apud me  
licet, quod honestati adversetur, Plurima  
sunt & maxima hujus in me principis be-  
ficia.

ficia. Itaque nunquam patiar me ingrati-  
tudinis accusari. Præterea non est constan-  
tis & gravis viri, quotidie mutare sedes.  
Vale.

*F. P. Joanni Aurispæ. S.*

**E**T ipse bene habeo, & te, ex literis  
tuis, bene valere audio. Itaque utri-  
que nostrum, & gratulandum juxta, & læ-  
tandum est. Id quod, ut quam diutissime  
feri liceat, vehementer opto. Vale.

*F. P. Bornio Salæ Jureconsulto. S.*

**P**ERJUCUNDÆ fuerint mihi lite-  
ræ tuæ, vel perbreves; fuissentque  
longè jucundiores, si Atticum te, quàm  
Laconicum, maluisses. Cæterum ne sis  
me quoque brevitate ipsâ, superior. Vale.

*F. P. Petro Candido, Leuco Decembri. S.*

**I**NTER maxima, innumerabiliaque  
mala, quæ tristis invidia præ se fert,  
id esse boni animadverto: quod nemini  
magis nocet, quàm sibi. Itaque tuâ te  
torqueri insaniâ non molestè fero. Vale,  
& aliquanto resipisce.

*F. P.*

*F. P. Augustino Dato. S.*

**A**CCIPIES ex *Galeacio* isto Cremenſi, qui meas pertulit ad te literas, quæ velim abs te curatum iri: non enim ignoras, quantum discipuli præceptoribus debent, quos non ſecus ac parentes, colere, venerarique, oporteat. Quod quum minimè ignoras, tecum longior eſſe nolui. Vale.

*F. P. Alberto Zancario. S.*

**Q**UID tibi respondeam, haud ſcio; nec auſim afferre, ſiquid etiã ſciam. In Scylleo æſtu navigamus: niſi Deus aliquis opportunè reſlaverit, ultimum naufragium patiemur. Vale.

*F. P. Joanni Aurispæ. S.*

**Q**UID ſuperbiæ me accuſas, quod tibi respondeam nihil? Quasi ea ſint tempora, ut cuique liceat loqui quod ſentit? Itaque malo abs te ſuperbiæ accuſari, quàm ſtultitiæ. Non ſum enim uſque adeò obtuſioribus ſenſibus, ut quid me deceat aut dedeceat, non intelligam. Te igitur rogo, æquo animo feras ſilentium meum; nam cum licuerit, te obtundam prolixitate orationis. Vale.

*F. P.*



*F. P. Blasio Axeretenſi, Mediolanenſium  
Prætori. S.*

**V**ENIREM ad te quotidie, niſi me id facere prohiberet gladiatorum metus, quibus affidue video urbem univerſam coruſcari. Nam in armorum fragore, ut ſcis, verba legum exaudiri non ſolent. Itaque patere, obſecro, me tantisper habere ſalutis meæ rationem, donec alicunde lætior dies illuxerit. Vale.

*F. P. Blasio Axeretenſi, Mediolanenſium  
Prætori. S.*

**V**ERSARI video arma undique. Quid tantus tumultus ſibi velit, nondum ſatis intelligo. Tu ſi quid habes, quod me ſcire oporteat, fac ut quamprimum intelligam. Nam animus præſagit, nescio quid. DEUS bene vertat. Ego me interea domi contineo. Vale.

*F. P. Franciſco Barbaro.*

**V**ELLEM, eam mihi fortunam DEUS optimus maximus tribuiſſet, ut & mihi poſſem, & amicis ſemper gratificari. Non enim libros meos abs te peterem. Sed quoniam illis carere non poſſum rogo, ut reſtituere jam incipias. Vale.

*F. P.*

*F. P. Petro Thomaso, Philosopho, ac Medico. S.*

**D**ESIDERAVI jamdiu literas tuas, rursusque defidero. Itaque si me amas, id quod est mihi clarius luce, noli committere, ut te vel negligentiae nomine, vel oblivionis crimine accusem. Vale.

*F. P. Baptistæ Sachacæ, Barocio. S.*

**I**TA velim officio tuo uti, ut id mihi commodo sit, non incommodo. Quare ne mihi longius verba des, huic nuncio, & epistolarum codicem, & *Aristotelis* particulam, ad me dato. Vale.

*F. P. Sphortiae Secundo. S.*

**P**ETO abs te in majorem modum, ut quod & mihi coram recepisti, & ex proximis meis literis audire potuisti, id apud patrem tuum præstantissimum, & munificentissimum principem, quamprimum, & quàm optimè, conficias. Hâc mihi re, neque gratius quicquam, neque magis necessarium præstare potes. Vale.

*F. P.*

*F. P. Jacobo Camerinati. S.*

**I**LLIS *M. Tullii Ciceronis* orationibus, quas a me commodato accepisti, ut jam cupio. Itaque eas velim propediem ad me des. Nam jamdiu tuo hospitio usæ sunt. Quare facito domum repetant. Vereor enim ne dominum sint oblitæ. Quod si tardarint, extrude. Vale.

*F. P. Petro Thomasio, Medico.*

**J**AM quantum ad te scripseram, posteaquam nullæ mihi redditæ sunt literæ tuæ. Postea verò nihil accidit, quod tua interesse arbitrarer, præter incredibile desiderium meum visendi tui, quod indies, magis, magisque augefcit. Hoc autem me levare tui est officii. Vale.

*F. P. Scevæ Corti, Jurisconsulto, & Equiti Aurato. S.*

**A**MBROSIUS gentilis Derthonensis, necessarius tuus, ut ipse ait, multis mihi in rebus molestus est: hunc igitur velim moneas, ne sit adversus me importunior. Nam mihi jam bilem movet. Vale.

*F. P. Nicolao Varoni. S.*

**J**AMDIU nihil te audio ; itaque non possum non timere, nequid tibi, quod nolim, acciderit. Quare, si me amas, leva me hâc omni sollicitudine. Hoc mihi vix facere gratius, hoc tempore, quicquam potes. Vale.

*F. P. Joanni Aurispæ. S.*

**Æ**QUE mihi amicus est, qui tibi meas reddidit literas, atque tibi, qui eas scripsit : itaque hunc etiam, meâ causâ, in amicitiam volo admittas, & quibus erit opus, studiis omnibus prosequaris. Vale.

*F. P. Marcelfio Varisino. S.*

**M**ARIUS ac *Xenophon*, filii, fecerunt me suis literis certiore, quam secum perhumaniter & perbenignè te geras. Quod etsi mihi dubium non erat, tamen id etiam, eorum literis, audisse jucundissimum fuit. Hos ut tibi commendem opus non est : scio enim quàm meâ omnia tibi sunt carissima. Intelligere autem ex te cupio, num istic *Mario* quicquam sperandum sit. Est enim ; disertus, & doctus egregiè. Commendo etiam tibi *Griphum* nostrum. Vale.

*F. P.*

*F. P. Joannino Barbato. S.*

**Q**UANTUM videre videor ridiculo tibi sum. Nam meos carminum libros toties repetitos, restituere mihi negligis. At ego mihi verba dari longius certè non patiar. Turpissimum enim est *Franciscum Philelfum*, imberbem duci, a *Joannino Barbato*. Itaque aut rem mihi meam restitue quamprimum, aut, ubi ità malis, tibi litem apud principem paratam esse intellige. Nam qui alios ridere nunquam consuevi, rideri abs te nolo. Vale.

*F. P. Georgio Alexandrino. S.*

**T**UUM opusculum in *Virgilium*, & vidi libenter, & lectitavi libentissimè. Sumque tuo ingenio, atque diligentia mirificè delectatus. Quæ vero excogitata scriptaque a te sunt, non potui equidem non probare plurimum. Quam ipsam ob rem sum de te, apud præstantissimum principem, eundemque eruditissimum, *Lodovicum Gonzagam*, honorificè locutus. Reliqua autem ut te cupere intelligebam, curavi diligenter omnia. Vale.

*F. P. Joannino Barbato. S.*

**P**UTABAM fore, ut tandem aliquando resipiscere. Sed incurabilis est morbus tuus, *Barbate*. Ob idque nunquam desinis malefacere. Tibi manus rapacissimæ sunt, aviditasque inaudita. Quid tibi usurpas, homo stultissime, *Cornelium Tacitum* nostrum? Æquè istum es habiturus, ut quæ in eo desertissimè sunt scripta intellecturus. Redde igitur, quod tuum non est, aut tibi suspendium para. Vale.

*F. P. Nicodemo Tranchedino, ducali Senatori. S.*

**C**UM cæteræ virtutes e dolio erupissent, fugissentque, spem solam in ejus fundo relictam finxit antiquitas. Hanc mihi non desinis prædicare, quippe qui des quod accipis. Vereor autem, ne cunctando ea quoque, relictis hominum mendaciis, in cælum evolet. Vale.

*F. P. Bonoaccursio Pisano. S.*

**C**UM nihil respondeas, causam præstas, ut ipse quoque taciturnior fiam, ne a quoquam possim judicari loquacior: aut igitur scribe aliquid tandem, aut causam redde tui diuturnioris silentii. Vale.

*Joannis*

*Joannis Raviffi Textoris Nivernensis, Amico.*

**P**LERUMQUE mihi doluit, quod conveniendi tui nulla sese offeret oportunitas. Eram enim nescio quæ tibi dicturus, in rem tuam magnoperè spectantia. Paucis abhinc diebus pater audivit, te voluptatibus irretitum usque adeo, & illaqueatum, ut jam virtutes omnes aspernatus fueris, ac æstimaveris nihili. Vale.

*J. R. Textoris Nivernensis, Amico.*

**C**REDO horam illam fuisse mihi fatalem & inauspicatam, quâ primum Lutetiam veni. Antea nihil mihi deerat, habebam omnia ex animi voto. Eram indutus Holoferico, Byffo, & Dalmatico. Ne multis agam, eram totus sericatus. Nunc verò incidi in tantam paupertatem & penuriam rerum, ut me oporteat domesticatim victum & ostiatim emendicare, & manum ad stipem porrigere. Vale.

*J. R. Textoris Nivernensis, Amico.*

**Q**UAMDIU fuisti probatis moribus, & spem bonæ indolis præ te tulisti, rebus tuis semper cōsului: nunc vero, quoniam ablegasti virtutem, & hominum expectationem de te fefellisti, interdico tibi  
domo

domo meâ. Quod minaris mihi satyras & mortem, ego has comminationes non facio pluris, quàm fulgur ex vitro. Si quid in me tamdiu parturis, parias quæso. Tanti facio verba tua, quanti nugas obstetricum, & delirantium jam vetularum. Si nihil pendis quod dico, multo minoris æstimo quod facias. Vale.

*J. R. Textoris Nivernensis, Amico.*

**D**EMERUISTI me tibi multis obsequiis: Dii faciant ut mihi liceat aliquando gratiam referre, & agnoscere beneficium. Si velis fieri certior rerum mearum; contineo me domi, neque amplius sequor militiam; partim quod hæc professio non videatur mihi magnæ frugis, partim etiam quod præ senio jam sim emeritus & donatus rude. Quod rogas ut de fratre tuo bene merear, eumque ad viam virtutis reducam, illud factu perdifficile est: jam enim adeo occaluit in suâ nequitia, ut nulla sit spes ejus revocandi. Ad hæc, aspectum meum reformidat ac refugit, quanta maxima potest opera. Vale.

*J. R. Textoris Nivernensis, Amico.*

**N**ON est mirum, si parentes, ignaviam tuam pertæsi, omni ope te destituerint; quoniam (ut accepi) tu quotidie pernoctas



noctas in aleâ: præterea infidiatrices quædam meretriculæ facultates tuas exhauriunt, & crumenam: a quibus nisi caveas, non habebis tandem unde satisfacias tuis creditoribus, & ab eorum ære te eximas. Vale,

*J. R. Textoris Nivernensis, Amico.*

**S**ÆPENUMERO multis periculis vitam objeci, ut ab his te redimerem quæ videbantur imminere tuo capiti. Nihilominus, si quando opus est mihi operâ tuâ, subterfugis astutè. Utere tuis astutiis ut voles: futurum enim spero, ut nihil inde fructus consequare. Ad extremum dabis pœnas tuæ ingratitude: nam non est credibile, deos hoc scelus inultum relicturos. Vale.

*J. R. Textoris Nivernensis, Amico.*

**D**OLENTER & ægrè fero, quod non facias frequentius tui videndi copiam, cum exploratissimum habeas meum in te amorem. Quotusquisque amicorum tuorum prospexit rebus tuis vigilantius quam ego? Te oro, utere amico tuo familiaris. Nullâ in re (quam petiveris) repulsam passurus es. Vale.

*J. R.*

*J. R. Textoris Nivernensis, Amicò.*

**A**DIMAM tibi metum in quo nunc es, & explebo animum gaudio, cum quid dixerò quod a receptæ fidei hominibus intellexi. Pater tuus constituerat te exigere suâ domo: exoravi tamen meis precibus, ut propositum hoc immutaret. Da operam, ut cum in amore tui contineas. Nemo enim est mortalium, cui plura debeas, quàm illi. De te (scio) bene merebitur, si hominum expectationem non destituas. Vale.

*J. R. Textoris Nivernensis, Amicò.*

**I**N morte patris fingebas te plurimum dolere: verum ea sollicitudo bidui solum extitit aut tridui, fuitque ficta, & similis præficarum lacrymis: demum destisti dolere. Tu non refers par pari; jam patris oblitus es, qui tamen nihil unquam tibi deesse passus est. Dabitur tibi magno probro, si hæc ingratitude ad aures hominum pervenerit: propterea, fac ut probum decet adolescentem. Vale.

*J. R.*

*J. R. Textoris Nivernensis, Amico.*

**C**UM te objurgo, & impietatis infimulo, quod rarissimè proficiscaris ad templum, culpam tuam excusas, causarisque te esse podagricum. Eo morbo proximè, atque tu, aut etiam æquè (ut juxta mecum ipse nosti) laboro: neque tamen mihi satisfacio aut apud me conquiescere possum, quin tertio quoque die templum adeam, votivas preces DEO immolaturus, persoluturus, & oblaturus. Nemo est æquè spernendus, quam qui pietatis obliviscitur & religionis: amo te plurimum, nec hodie vivit quisquam mihi amicior ac tu. Nisi tamen perspexero te alio ingenio atque olim fuisti, fieri vix poterit quin amicitia nostra refrigescat & minuat. Vale.

*J. R. Textoris Nivernensis, Amico.*

**M**ONUI te frequentissimè, ut, relicto studio poetico, ad orationem solutam animum convertas: nam versus tui, quotquot scribis, prodeunt invitâ (quod aiunt) *Minervâ*, & musis collachrymantibus. Nihil est penitùs frugis, nihil quod vel tantillum famæ tibi comparet; quin potius facis te publicam & communem vulgi fabulam: adeò ut jam notissimus apud omnes invaluerit rumor, te esse ve-

O o

luc

lut asinum ad lyram. Multo prudentius ageres, si tuo te pede metireris, nihil-  
quē, non æquum viribus tuis, assumeres.  
Vale.

*J. R. Textoris Nivernensis, Amico.*

**N**ON parùm mihi displices; nec mihi tantùm, at his omnibus qui tecum aliquando versati sunt, quod sis aded̃ prodigus verborum, ac in tuam ipsius laudem propensus & proclivis. Ante omnia pessimè audis, & magno probro tibi vertitur, quod palam te prædices bellicosum. Comminaris egregiè; verba tua nihil non Martis spirant: at, si quis te aggrederetur, fugam protinùs arripes, totus animus tibi in pedes decideret. Quod qui norunt, temperare nequeunt a risu, cum audiunt has inanes de te gloriolas. Vale.

*Petrus Bembus, Constantino Sylvio. S. D.*

**A**CCEPI epistolam tuam carmenque, quo patriam exornas meam, venustum sanè & facetum, quod me mirificè delectavit. Res tua mihi cordi est, neque de eâ cogitandi curam & studium remittam, quoad perfecero. D. O. M. tibi navigationem istam fortunet. Vale.

Q. A. Symmachus Syagrio. S. D.

**M**EÆ literæ quoniam acceptæ sunt tibi, crebrius commeabunt. Nam ut respondeas non laboro. Siquidem videtur injurium flagitare officia quæ sponte religiosus animus pollicetur. Vale.

Q. A. Symmachus Juliano. S. D.

**T**ANTA animi voluptate sumpsi literas tuas, quas mihi post longum detulisti silentium, ut me fateor querelæ prioris oblitum, quia memoriam præteritæ intermissionis antiquavit gratia recentis officii. Deinceps si tibi cordi sum, frequenter operam scriptionis admitte, vicissitudine remunerandus & sermonis & amoris. Vale.

Q. A. Symmachus Ricomeri. S. D.

**A**MO & suspicio virtutes tuas. Sed accidit, quod tibi etiam amicus invideam. *Flaviano* meo aliquandiu solus fueris. Accipe planius, quod velim dicere. Ad te migravit quicquid Romæ optimum fuit, & vobis quidem societas vestra dabit mutuum gaudium. Mihi quid solatii erit? quem & ille deseruit, & tu minus desiderabis, quia unus tibi pro utroque sufficit. Vale.

O o 2

Q. A.

Q. A. Symmachus ad Promotum. S. D.

**H**Ærentem me literis impulisti, ut amicitiam, quam dudum tacitus optabam, nunc provocatus excolerem. Amplector futuræ inter nos familiaritatis auspiciem voluntatem. Et quamvis præventus voto tuo; enitar, ut potero, ne vincar officiis. Has enim mihi partes video reservatas, ut religio, quæ te hortante sumpsit exordium, me annitente sumat augmentum. Vale.

Q. A. Symmachus ad Stiliconi. S. D.

**D**IU filuisse me fateor, ut mihi fiduciam scribendi tuus sermo præstaret. Sed cum perspicerem necdum me ullo invitamento officii provocari, prior in verba salutationis erupi, plurimum rogans ut exempli istius imitator esse digneris. Vale.

Q. A. Symmachus ad Magnillo. S. D.

**A**MICUM meum ad Brutios revertentem, literis credidi prosequendum, ut tibi salutationis munus exsolverem, & illi commendationis aliquid exhiberem. Quæso igitur te, ut & meis literis vicissitudo reddatur, & illi defensio plena proveniat. Vale.

Q. *A. Symmachus Sibidio, S. D.*

**Æ**GER est animus meus, quamdiù fides incerta sit, quod portum sanitatis intraveris. Huic expectationi satisfacias volo. Non enim mihi honorem fieri opto literarum, sed magnæ sollicitudinis tribui levamen exopto. Vale.

Q. *A. Symmachus Quintiliano.*

**M**ORIS mei est benè cognitis approbatisque ferre suffragium; nec personas hominum, sed vitæ merita cogitare. Cum igitur *Affellus* domesticus noster in urbanis castris militiæ stipendia sine offensione confecerit; quæso ut admissus in clientelam tuam, & meum sibi patrocinium profuisse, & tuum accessisse lætetur. Vale.

*Olympia Fulvia Morata Joanni Sinapio. S. D.*

**S**I vales, est quod gaudeam: sin ne- dum satis, doleo. Verum tu, mi *Sinapi*, noli imitari malos medicos, qui in alienis morbis profitentur, se tenere medicinæ scientiam, se ipsi curare non possunt. Valetudinem tuam cura diligenter.

O. F.

O. F. M. Joanni Sinapio. S. D.

**L**ONGIOREM epistolam paucis ante diebus at te scripsi, ità ut nihil opus esse existimem, ut de meis rebus cantilenam eandem toties canam. Nosti quid te agere meâ causâ in Germaniâ cupiam: non me tibi commendabo amplius, neque mea carmina ut ad regem & ad *Fuggerum* afferas, admonebo. Scio enim omnia tibi curæ esse. Bene vale.

F I N I S.



Að1 1453301













